

ԿԱՐԻՆԵ ԹՈՐՈՍՅԱՆ
ՆԵՂԻՆԵ ԽԱՉԱՏՐՅԱՆ

ՎՍԶՍԿԱՆ Ս. ՍԱՐԳՍՅԱՆ
ԿԱՐԻՆԵ ԶԻՐՈՒԽՉՅԱՆ



ՄԱՅՐԵՆԻ 4

ՐԻՆԵ ԹՈՐՈՍՅԱՆ
ՂԻՆԵ ԽԱԶԱՏՐՅԱՆ

ՎԱԶԱԳԱՆ Ա. ՍԱՐԳՍՅԱՆ
ԿԱՐԻՆԵ ԶԻՖՈՒԽՉՅԱՆ

ՄԱՅՐԵՆԻ 4

Դասագիրք 4-րդ դասարանի համար

Նկարիչ՝ Խորեն Հակոբյան



ՀԱՍՏԱՏՎԱԾ Է ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆ ԿՈՂՄԻՑ

ՀՏԴ 373.167.1:809.198.1(075)

ԳՄԴ 81.2 Հ գ7

Մ 239

Մ 239

Մայրենի-4: Հանրակրթական դպրոցի 4-րդ դասարանի դասագիրք /
Կ. Թորոսյան, Վ. Սարգսյան, Հ. Խաչատրյան, Կ. Չիբուխյան/
-Եր.: Մակմիլան-Արմենիա, 2009. - 176 էջ:



ISBN 978-9939-62-005-3

ԳՄԴ 81.2 Հ գ7

- © Կ. Թորոսյան, Վ. Սարգսյան,
Հ. Խաչատրյան, Կ. Չիբուխյան, 2009
- © Մակմիլան-Արմենիա, 2009
- © Դասագրքերի շրջանառու հիմնադրամ, 2009

ՀԱՅԱՍՏԱՆԻ ՅՈԹ ԵՎ ԲՅՈՒՐ ՀՐԱՇԱԼԻՔՆԵՐԸ

Բարև, սիրելի՛
աշակերտ:

Ես քո նոր
դասագիրքն եմ:

Շարունակենք
միասին բայել
մայրենիի
գարմանահրաշ
ճանապարհներով:





ՎԱՅՏԱՎԱՆ Ա. ՄԱՐԳՅԱՆ

Մայրենիի բազմախորհուրդ ճանապարհին դու հանդիպել ես զարմանալի ու հիասթափանչ շատ բաների: Այս բաժնում դու կծանոթանաս Հայաստանի հրաշալիքներին:

Սիրելի՛ փոքրիկ,
Քո ամեն օրը հրաշալիք է,
Քեզ գալիք տանող պայծառ ալիք է:

ՀԱՅԱՍՏԱՆԻ ՅՈԹ ԵՎ ԲՅՈՒՐ ՀՐԱՇԱԼԻՔՆԵՐԸ

🌸 ԳՐՔԻ ԶՐՈՒՅՅԸ ՔԵՉ ԾԱՆՈՒ ԵՎ 🌸 ԱՆԾԱՆՈՒ ՀՐԱՇԱԼԻՔՆԵՐԻ ՄԱՍԻՆ




Այսօրվա աշխարհում հրաշալիք են համարվում թե՛ մարդու ստեղծած շիտություններն ու կառույցները, թե՛ բնության անձեռակերտ* հուշարձանները: «Իսկ ի՞նչ է նշանակում հրաշալիք: Ի՞նչ իմաստ ունի այդ բառը», -

կհարցնես դու:

Հրաշալիք նշանակում է՝ **հրաշքով լի, հիացմունք շարժող, սթանդեյլի, չտեսնված, հմայիչ, զարմանալի ու արտասովոր:**

«Իսկ մի՞թե Հայաստանում կա որևէ բան, որ այս բոլոր բառերի իմաստներին արժանի լինի», - կզարմանաս դու:



Իհարկե, կա՛:

Այդ հրաշալիքներից մի քանիսին դու արդեն ծանոթացել ես. նրանք քո աչքերի մեջ են, քո հոգում, քո սրտում, քո մտքում:

«ՌԻՐԵՄՆ Ե՛ս էլ չտեսնված ու հմայիչ եմ, զարմանալի ու անսովոր, հրաշքներով լի», - կմտածես դու:

Եվ ճիշտ կմտածես. չէ՞ որ ինչպես դու, այնպես էլ յուրաքանչյուր մարդ ինքնին հրաշք է, և մարդու մեջ շարունակ սորանոր հրաշքեր են ծնվում:



Հրաշք չէ՞, որ դու հիմա կարդում ես ինձ, հասկանում ես ինձ, որ մենք գրուցում ենք միմյանց հետ:

Դա նրանից է, որ քո մեջ արդեն ապրում է հրաշալիքներից մեկը՝ **հայոց սուրբ այբուբենը**, և դու էլ նրա՛ մեջ ես ապրում, նա քո տունն է և քո ինքնությունը*:

Հայոց այբուբենը դու տեսել ես նկարված ու քանդակված, հյուսված ու գործված, քարի վրա, փայտի վրա, թղթի վրա:





Հայոց այբուբենի ոսկեծուլ նշագրեր (Ս. Էջմիածին)

Լսել ես ու երգել նրա մասին երգերը: Մերոպ Մաշտոցի շնորհիվ այսօր հայոց այբուբենն ամենուր է և, ամենակարևորը, քո մտքում է ու քո սրտում:

Ինչպես տեսնում ես, հայոց այբուբենը մեզ համար իրոք հրաշալիք է, որով մենք ճանաչում ենք աշխարհը և սիրում:

Այս բաժնում մենք կժանոթանանք Հայաստանի յոթ և բյուր հրաշալիքներից ևս մի քանիսին:



Հայոց այբուբենին նվիրված հուշարձան (գյուղ Օշական)



1. Ո՛վ է քո գրուցակիցը, ի՞նչ կպատմես նրա մասին:
2. Ի՞նչ է նշանակում «հրաշալիք»: Ընթերցի՛ր տեքստի համապատասխան տողերը և մեկնաբանի՛ր:
3. Ըստ բեզ՝ ինչո՞ւ է հայոց այբուբենը համարվում հրաշալիք:



ՈՒՋՈ՞ՒՄ ԵՍ ԱԿԵԼԻՆ ԻՄԱՆԱԿ

Սուրբ Մերոպ Մաշտոցը հորինել է հայոց տառերը, տառերի դասավորությունը և նրանց թվային արժեքները: Դա ներկայացվում է այսպիսի աղյուսակի տեսքով.

Ա - այբ - 1	Ժ - ժե - 10	Ճ - ճե - 100	Ռ - ռա - 1000
Բ - բեն - 2	Ի - ին - 20	Մ - մեն - 200	Ս - սե - 2000
Գ - գիմ - 3	Լ - լյուն - 30	Յ - հի - 300	Վ - վեվ - 3000
Դ - դա - 4	Խ - խե - 40	Ն - նու - 400	Տ - տյուն - 4000
Ե - եչ - 5	Ծ - ծա - 50	Շ - շա - 500	Ր - ռե - 5000
Զ - զա - 6	Կ - կեն - 60	Ո - վո - 600	Ց - ցո - 6000
Է - է - 7	Յ - հո - 70	Չ - չա - 700	ՈՒ - ու - 7000
Ը - ըթ - 8	Ձ - ձա - 80	Պ - պե - 800	Փ - փյուր - 8000
Թ - թո - 9	Ղ - ղատ - 90	Ջ - ջե - 900	Ք - քե - 9000
			Օ - օ, Ֆ - ֆե

1 Հայոց այբուբենի իրար հաջորդող չորս տառով կազմվում է մեկ բառ: Գտի՛ր այդ բառը և գրի՛ր:
Օրինակ՝ իրար հաջորդող **ո, չ, պ** տառերով կազմվում է **պոչ** բառը:

2

Օգտվելով տառերի թվային արժեքներից՝ կատարի՛ր գործողությունները.

$\delta + \sigma =$ $\theta - \omega =$ $\Gamma + \rho =$ $\upsilon + \rho =$

Օրինակ՝ $\sigma + \rho = 10 + 2 = 12$:

3

Քո ընտանիքի անդամների ծննդյան տարեթվերն արտահայտի՛ր տառերով:

Օրինակ՝ $1974 = 1000 + 900 + 70 + 4 = \Gamma + \varrho + \zeta + \gamma = \Gamma\varrho\zeta\gamma$:

$2001 = 2000 + 1 = \upsilon + \omega = \upsilon\omega$:

ԲՅՈՒՐ

ԲԱՌԸ՝ ԱՓԻ ՄԵՋ



Բյուր բառը հնում նշանակել է տասը հազար և ապա՝ շատ, խիստ շատ: Այսօր **բյուր** նշանակում է խիստ շատ, անչափ, անթիվ:

Նախորդ էջի աղյուսակից երևում է, որ այդ աղյուսակով 9999-ից ավելի մեծ թվեր արտահայտել հնարավոր չէր:

Այդ խնդիրը լուծելու համար օգտագործել են բյուրի նշանը՝ $\hat{\wedge}$, որը, դրվելով հայերենի տառերից յուրաքանչյուրի վրա, նրա թվային համարժեքը մեծացրել է տասը հազար անգամ:

Օրինակ՝ $\omega = 1$, իսկ $\hat{\omega} = 10000$,

$\sigma = 10$, իսկ $\hat{\sigma} = 100000$ և այլն:



ԱՉԲԻ ԱՌԱՋ



սուրբ
և
հիսսամուսնի

4

Վերծանի՛ր գաղտնագիրը.

ՅՈՒՅԲԲԻՎՈՅՈ

ԱՅԲԲԻԲԵՆՈՒԲԵՆԵՉՆՈՒ

ՈՒՐԵՄՆ՝ հրաշալիք են և՛ մարդը, և՛ մարդու ստեղծածը, և՛ բնության կերտածը*:

ԱՆԱԿՆԿԱԼԻ ՍՊԱՍՈՒՄՈՎ

Հայաստանի տարբեր դպրոցների չորրորդ դասարանցի տասնհինգ աշակերտի համար, որոնք հաղթել էին ամենատարբեր մրցույթներում, կրթության նախարարությունը նախատեսել էր մի շատ զարմանալի միջոցառում:

Բոլոր երեխաներն արդեն մայրաքաղաք Երևանում էին, սակայն ոչ ոք չգիտեր, թե ինչ անակնկալ է սպասում իրենց:

Գրեթե մեկ ամիս ամենատարբեր լուրեր էին շրջում Հայաստանով մեկ. իբր մեկնելու են Աֆրիկա կամ էլ Ավստրալիա: Մի մասն ասում էր, թե եգիպտական բուրգերը պիտի տեսնեն, մի մասը պնդում էր, թե երեխաներին միանգամից փոխադրելու են վեցերորդ դասարան, մի մասն ասում էր, թե մրցանակներ են տալու և այլն: Մի բան պարզ էր. բոլորին շատ էր հետաքրքրում, թե ինչ է լինելու:




Սպասված օրը հինգ աշակերտ իրենց ծնողների, տատիկների ու պապիկների հետ հավաքվել էր Հովհաննես Թումանյանի արձանի մոտ, հինգը՝ Արամ Խաչատրյանի և հինգը՝ Մարտիրոս Սարյանի: Բոլորն անհամբեր էին և սպասում էին անակնկալին:

Ի՞նչ են կարծում ի՞նչ անակնկալ էր սպասում բոլորին:

Այժմ հերթով մոտենանք արձաններին և տեսնենք, թե ինչ է կատարվում դրանց շուրջը:

ՀՈՎՀԱՆՆԵՍ ԹՈՒՄԱՆՅԱՆԻ ԱՐՁԱՆԻ ՄՈՏ

– Հովհաննես Թումանյանն ապրել է ընդամենը հիսունչորս տարի, – պատմում էր ուսուցչուհին: – Սակայն թվում է, թե նա միշտ եղել է և, հաստատապես, միշտ կլինի: Նա ծնվել է 1869 թ. Դսեղ գյուղում: Ապրել է Թիֆլիսում, որն այն ժամանակ գրեթե հայկական քաղաք էր: Մանուկ հասակից գրել է բանաստեղծություններ: Անսահման սիրել է իր հայրենիքը, նոր շունչ է տվել ժողովրդի ստեղծած երգերին ու խաղիկներին, հեքիաթներին ու գրույցներին: Դրանցից շատ շատերին մենք ծանոթ ենք թե՛ դասագրքերից, թե՛ այլ



գրքերից, թե՛ մուլտֆիլմերից, թե՛ մեծերի պատմածներից, թե՛ կինոնկարներից:

Նա մեծ հայ էր ու մեծ հայրենասեր, ապրում էր բոլորի հոգսերով, սիրում էր բոլորին: Նա գրել է պոեմներ, բանաստեղծություններ, լեզենդներ, բալլադներ, հեքիաթներ, պատմվածքներ, բառյակներ:

Հովհաննես Թումանյանն այսօր էլ ներկա է յուրաքանչյուր հայի տանը իր ստեղծագործություններով, իր հզոր սիրով ու մեծ հոգով:

...Երեխաները, շունչները պահած, լսում էին և սպասում: Նրանց աչքերն անակնկալն էին փնտրում: Ծնողների, տատիկների ու պապիկների աչքերն անակնկալն էին փնտրում:

- Երեխանե՛ր, եկե՛ք տեսնենք, թե ով ինչ կարող է հիշել Հովհաննես Թումանյանի ստեղծագործություններից: Որքան շատ հիշենք, անակնկալն այնքան շուտ կլինի,- ասաց ուսուցչուհին:

- Իսկ ով սեր ունի

Մեզ պես ուսումի,

Դպրոցի ճամփան

Միշտ կարճ է, սիրուն՝

Ձմեռ թե գարուն,-

անմիջապես արտասանեց սևուկիկ Արմինեն՝ հիշելով «Մայրենի-1» դասագիրքը:

- Սևո՛ւկ ուկիկ,

Սիրո՛ւն բալիկ,

Ման եմ եկել սարեսար,

Կաթ եմ արել քեզ համար,- նայելով

Արմինեին՝ չարածհորեն վրա տվեց Արտակը:

- Ա՛խ, եսպես էլ գիժ ամիս.

Մարդու հանգիստ չի տալիս,- Արտակին ցույց տալով՝ պատասխանեց Արմինեն:

- Ի՞նչ կլինի, ասա՛, գրի՛չ,

Ինձ էլ սիրես գոնե մի քիչ,- ամենածուռուռու գրող Արային դիմեց Սոնան: Արան հոնքերը կիսեց, կենտրոնացավ, մտքերը հավաքեց ու.

- Մի՛ լինիր ուրագի պես՝

Միշտ դեպի քեզ,

Միշտ դեպի քեզ,

Այլ եղիր սղոցի՛ պես՝



Մեկ դեպի քեզ,

Մեկ դեպի մեզ:

Ծնողները, տատիկներն ու պապիկներն ուշադիր լսում էին: Արամի տատիկը չհամբերեց.

- Դեղնած դաշտերին

Իջել է աշուն,

Անտառը կրկին

Ներկել է նախշուն:

Անցորդները հետաքրքրությամբ դիտում էին գարմանալի մրցահանդեսը: Նրանցից մեկը նույնիսկ չդիմացավ ու արտասանեց.

- Ա՛յ փոքրիկներ, ա՛յ սիրուններ,-

Ասաց քամին տերևներին:

Երեխաներից մեկն անմիջապես շարունակեց.

- Ո՞ր գնացին ծաղիկները:

- Սո՛ւս, քնած են հողի տակ:

Անցորդներից մեկն առաջ եկավ ու, դիմելով երեխաներին, ասաց.

- Ով այնպիսի սուտ ասի, որ ասեմ՝ սուտ է, իմ թագավորության կեսը կտամ նրան:

Արտակը, նմանակելով անցորդին, ձեռքն առաջ պարզեց ու սկսեց.

- Հորս կնունքով, մորս ծնունդով, վեր կացանք մի օր հինգ ու վեց հոգով, թրով-թվանքով որսի գնացինք: Հաղին էր, Հյուղին էր, Չատին էր, Մատին էր, հերս էր, ես էի:

- Կեցցե՛ս,- Աշոտին դիմելով՝ ասաց անծանոթը,- թագավորությանս կեսը՝ քեզ:

- Թագավորությունն ինչի՞դ է պետք,- ասաց Արան,- չե՞ որ.

- Գործն է անմահ, լավ իմացեք.

Որ ապրում է դարեդար,

Երևեկ նրան, որ իր գործով

Կապրի անվերջ, անդադար:

• Սիրելի՛ երեխաներ, եկեք մենք էլ միանանք այս յուրօրինակ հանդեսին:

Արձանի շուրջը հավաքվածներին մոտեցավ մի շինարար: Լսեմք, թե ինչ է ասում նա.

- Ման եկա, մայրի՛կ, աշխարհից աշխարհ,

Ամենից սիրուն, լավ տունը որ կա,

Ես գորշ խրճիթն է,

Ես հին խրճիթն է,

Գետի եզերքին,

Ծառերի տակին:



- Հովհաննես Թումանյանի ստեղծագործությունները բոլորը գիտեն՝ մեծ թե փոքր,- ասաց ուսուցչուհին,- որովհետև Թումանյանը ամենայն հայոց բանաստեղծն է, որը գրել է նաև շա՛տ իմաստուն բառյակներ.

- Ինչքա՛ն ցավ եմ տեսել ես,
Նենգ ու դավ* եմ տեսել ես,
Տարել, ներել ու սիրել,-
Վատը՝ լավ եմ տեսել ես:

- Ես էլ եմ ուզում արտասանել,- ասաց սուսիկ-փուսիկ Արտաշեսը և ոգևորված սկսեց.

- Լինում է մի սար,
Էն սարում մի ծառ,
Էն ծառում փչակ,
Փչակում մի բուն,
Բնում երեք ծագ,
Ո՛ր վրեն՝ Կլուն:

Սունան շարունակեց.

- Ժամանակով Կատուն ճոն* էր,
Շունն էլ գլխին գդակ չունեք...

Արմինեն առաջ եկավ.

- Սիրունի՛կ, սիրունի՛կ,
Սիրունի՛կ, նախշո՛ւն կաթափիկ:

- Արևը շատ էր հոգնել. ման էր եկել ամբողջ օրը:

«Հերիք է,- ասաց,-

Ձևամ պառկեմ ու քնեմ», - արտասանեց

Արան:

- Բավական է, երեխանե՛ր, ապրե՛ք, շատ լավ եք հիշում,- եզրափակեց ուսուցչուհին:



1. Ի՛նչ նոր բան իմացար մեծն Թումանյանի մասին:
2. Թումանյանի՝ բեզ ծանոթ ո՞ր ստեղծագործություններից արտասանեցին երեխաները. հիշիր և գրիր դրանց վերնագրերը:
3. Վերընթերցիր ձովի. Թումանյանի իմաստուն բառյակը և մեկնաբանիր:

1 Պատկերացրո՛ւ, որ Հովի. Թումանյանի ստեղծագործությունների՝ բեզ ծանոթ հերոսները հավաքվել են Կկվի քնի մոտ՝ ծառի տակ: Նրանք զրուցում են բարի և չար գործերի մասին: Ականջ դիր այդ զրույցին և գրի՛ առ:

2 Եթե ճիշտ ընտրես սյունակների և տողերի հատման կետերը, ապա համապատասխան տառերով կկարդաս թո սիրելի բանաստեղծի ազգանունը:

	Կացին ախ- պեր	Դպրո- ցի ճամ- փան	Չարի վերջը	Սուտ- լիկ որս- կանը	Կաթա- վիկ	Ամե- նից լավ տունը	Գե- տակը	Քաջ Նա- գար
Առակ	Ա	Բ	Թ	Գ	Ս	Վ	Տ	Ր
Բանա- ստեղծու- թյուն	Ի	ՈՒ	Շ	Կ	Մ	Ա	Ն	Լ
Հեքիաթ	Յ	Ը	Ֆ	Ա	Դ	Զ	Ե	Ն

ՈՒՋՈՒՄ ԵՍ ԱՎԵԼԻՆ ԻՍԱՆԱԿ

Ավանդության համաձայն՝ 1919 թվականին Թումանյանի տանը նշում էին նրա ծննդյան 50-ամյակը: Հրավիրվածների մեջ էր նաև Չորավար Անդրանիկը: Թումանյանն իր բաժակաճառի մեջ ասում է. «Երեսուն տարի առաջ մի հայ ժողովուրդ էր, մի հրիմյան Հայրիկ: Անցավ երեսուն տարի, հիմի էլ մի հայ ժողովուրդ է, մի Անդրանիկ...»:



Անդրանիկը նստած տեղից վրա է բերում. «Կանցնի էլի մի երեսուն տարի, ո՛չ հրիմյան կլինի, ո՛չ Անդրանիկ, կմնա... «Շունն ու կատուն»»:



Հիշիր
«Քաջ Անդրանիկ»:

3 ԶԿԱՐԹ ՏՐԱՍԱԲԱՆՈՒԹՅՈՒՆ

(Դսեղ գյուղում)

- Այս ծառի պտուղները սև՞ են, - հարցրեց Արան:
- Ո՛չ, կարմիր են:
- Բա ինչո՞ւ են սպիտակ:
- Որովհետև դեռ կանաչ են:

Կարո՞ղ եք կռահել՝ ո՞ր ծառի մասին է խոսքը:



Այսպիսով, Թումանյանը մեր բոլորի սրտում է, և դա հրաշք է: Ահա թե ինչու են նրան կոչում Ամենայն հայոց բանաստեղծ մեծն Թումանյան:

Ինչպես տեսանք, կան հանճարեղ մարդիկ, որոնք միշտ մեզ հետ են, թեկուզ վաղուց չկան: Նրանցով ամբողջ մարդկությունը ճանաչում է մեզ, հիանում ու սքանչանում հայի արվեստով: Այդպիսի մարդիկ ճանապարհ են դառնում մի ամբողջ ազգի համար, դեպի հավերժը տանող ճանապարհ:

Այդպիսին էր նաև մեծ երգահան Արամ Խաչատրյանը:

🌸 ԱՐԱՄ ԽԱՉԱՏՐՅԱՆԻ ՀԵՏ 🌸

- Սիրելի՛ երեխաներ, մենք ձեզանից մեկին «Ժամանակի մեքենայով» կուղարկենք Արամ Խաչատրյանի մանկության ժամանակները: Թող նա մեզ պատմի, թե ինչ է տեսնում,- ասաց տիկին Գրիգորյանը:

- Թող Հայկը գնա,- հայացքը կախելով՝ ասաց Սոնան:

- Իսկ ինչո՞ւ Հայկը,- գոչեցին չորս կողմից:

- Որովհետև նա մեր դասարանի ամենալավ երգիչն է,- Սոնայի ընտրությունը պաշտպանեց Անին:

- Եվ լավ է պատմում,- լրացրեց Սահակը:

- Եվ հիանալի մարզիկ է ու լավ է գլուխ հանում զանազան սարքերից,- լրացրեց ուսուցչուհին:

Մի օր հետո Հայկը թռիչքի կայանում էր:

- Ուշադրություն: Հայկ, պատրաստ ես:



- Պատրաստ եմ:

- Բարի ճանապարհ:

Եվ «Ժամանակի մեքենան» Հայկին տարավ դեպի անհունը*, դեպի 20-րդ դարի սկիզբը, դեպի Արամի մանկությունը:

- Ի՞նչ ես տեսնում, Հայկ,- գոչում էին երեխաները:

- Տեսնում եմ, թե ինչպես է փոքրիկ Արամը (երևի մի երեք-չորս տարեկան), նստած տան աստիճաններին, մատներով կտկտացնում դուլլին ու երգում: Արդեն մի ժամ կլինի:



- Առաջ ենք գնում: Հիմա Արամը վեց տարեկան է: Ի՞նչ էս տեսնում:

- Արամը նստած է սեղանի մոտ, ընտանիքի հետ, ու լալիս է:

- Ի՞նչ է պատահել:

- Հայրիկը նրան մի ուլիկ էր նվիրել: Արամը շատ էր սիրում նրան, խոտ, հացի փշրանքներ էր տալիս, գուրգուրում, զբոսանքի տանում: Մի օր էլ ուլիկը հիվանդացավ: Ոչինչ չէր ուտում: Հաջորդ օրը սեղանին առատ միս կար: Արամը հասկացավ, որ դա իր սիրելի ուլիկն է, ու մի քանի օրով անկողին ընկավ:

- Տխուր պահ է, անցնենք առաջ:

- Արամը ոչ թե աստիճաններով է իջնում, այլ սահում է բազրիքի վրայով: Ա՛յ թեզ բան: Շրխկաց գետնին, գլուխն ուժեղ խփեց հատակին: Լավ է՝ շատ խիտ մազեր ուներ, թե չէ գլուխը ջարդվելու էր:

- Հա՛յկ, այդտեղ հիմա 1911 թվականն է, ի՞նչ էս տեսնում:

- Տեսնում եմ, թե ինչպես 8-ամյա Արամին հայրը դպրոց է տանում: Կինոժապավենի պես իմ աչքերի առաջ ընթանում է նրա դպրոցական կյանքը: Գերազանց է սովորում, չարածճի է, նույնիսկ մասնակցում է տղայական զգվռտոցներին:

- Երաժշտությանն առնչվող* ոչինչ չկա՞:

- Ահա արդեն 1912 թվականն է: Արամի հայրը մի դաշնամուր է բերում իրենց տուն: Իննամյա Արամն ինքնուրույն հասկացավ ստեղների հերթականությունն ու նշանակությունը և սովորեց նվագել ծանոթ մեղեդիներ:

Դպրոցում կա երգի ժամ, և դասատուն մեր սիրելի գրող Ղազարոս Աղայանի որդին է՝ Մուշեղ Աղայանը: Նա դաշնամուր է նվագում, իսկ երեխաները երգում են ժողովրդական երգեր:

- Առաջ ենք գնում, Հա՛յկ:

- Տեսնում եմ՝ ինչպես է Արամը նվագում փողային նվագախմբում: Կարողանում է մի քանի նվագարան նվագել:

Հիմա էլ Արամն առաջին անգամ օպերա է լսում: Տասնվեց տարեկան է: Հաճույքից ու բերկրանքից* զարմացել է ու զմայլվել*:

- Շարունակում ենք ընթանալ ժամանակի միջով:

- Առջևում Մոսկվան է, 1921 թվականն է, ձմեռ, ցուրտ: Ես հետ եմ գալիս:

- Լավ: Դու լա՛վ կատարեցիր քո գործը: Բարի՛ վերադարձ:

Հայկը «ժամանակի մեքենայից» իջավ. դեռ սրթսրթում էր:





1. Ո՞ր ուղևորվեց ճայկը և ինչո՞ւ:
2. Կարո՞ւմ տեքստի այն հատվածները, որտեղ նկարագրվում են Արամ Խաչատրյանի կյանքի տարբեր տարիները, և լրացրո՞ւ մեծ երգահանի կենսագրական աղյուսակը.

Կարևոր իրադարձություններ	Թվականը
Ծնունդ	1903
Երգելու առաջին փորձերը	1906-1907
.....
.....

3. Քո պատկերացմամբ՝ ի՞նչ է «Ժամանակի մեքենան»: Եթե դու ունենայիր «Ժամանակի մեքենա», ապա ո՞ւր կուղևորվեիր:

🌸 ԱՐԱՄ ԽԱՇԱՏՐՅԱՆԻ ՀԵՏ (շարունակություն) 🌸

- Արամ Խաչատրյանը 1921 թվականին մեծ եղբոր միջոցով Թիֆլիսից տեղափոխվում է Մոսկվա: Եղբոր տանը լավ դաշնամուր կար, և Արամը սովորեց հիանալի նվագել, թեև չգիտեր ոչ մի նոտա, - շարունակեց տիկին Գրիգորյանը:

- Իսկ հետո՞, պատմե՛ք, ինչդրում ենք, - ասացին երեխաները:



- Որքան էլ զարմանալի է, Արամ Խաչատրյանն ընդունվում է Մոսկվայի համալսարանի ֆիզիկամաթեմատիկական ֆակուլտետի կենսաբանության բաժինը: Անհրաժեշտ էր նաև փող վաստակել սննդի ու հագուստի համար, - շարունակեց տիկին Գրիգորյանը: - Եվ Խաչատրյանը բեռնակրություն է անում գինու գործարանում: Այնուհետև մասնավոր դասեր է տալիս, երգում երգչախմբում:

«Չասկանում էի, որ առանց բոլոր ուժերդ լարելու, առանց համառության, առանց ամենօրյա բրտնաջան աշխատանքի երբեք չես հասնի բարձունքների», - հիշում է մեծ երգահանը:

- Արամ Խաչատրյանը Մոսկվայում նախ ավարտում է երաժշտական տեխնիկումը, այնուհետև՝ կոնսերվատորիան, - շարունակեց տիկին Գրիգորյանը: - Շուտով նրա անունը թնդում է աշխարհով մեկ:

«Եթե երաժշտությունը տաղանդավոր է, գրված է սրտով, ապա անպայման ձեզ կհասնի, կոզևորի, կհասնի նույնիսկ այն մարդկանց,

ուլքեր գիտակ չեն երաժշտությանը»,- հետագայում կգրի մեծ երգահանը:

- Նա ամբողջ կյանքում խորապես սիրել է իր հայրենիքը՝ Հայաստանը:

«Սիրում եմ իմ հայրենիքը, նրա բնությունը, գեղեցկությունը, զովասուն օդը, նրա բույրը: Սիրում եմ իմ տաղանդավոր ժողովրդին, որին ծառայելը կյանքի նպատակ է և երջանկություն: Չգու՞մ եմ նրա կարիքը, կարոտում եմ նրան: Ես չեմ կարող ապրել, գոյություն ունենալ առանց իմ հայրենիքի»,- այսպես է գրում նա:



Արամ խաչատրյանի տուն-թանգարանը Երևանում

Արամ խաչատրյանն աշխարհի մեծագույն երգահաններից է: Նա գիտնական էր ու մանկավարժ, աշխատանքի հերոս և ժողովրդական արտիստ, ակադեմիկոս և արվեստագիտության դոկտոր:

Այո՛, անհնարին է չհպարտանալ նրանով. չէ՞ որ նա էլ Հայաստանի հրաշալիքներից մեկն է:



1. Ի՞նչ նոր և կարևոր իրադարձություններ տեղի ունեցան Արամ խաչատրյանի կյանքում: Ավելացրո՞ւ կենսագրական աղյուսակի մեջ:

2. Խաչատրյանի կարծիքով՝ ո՞րն է լավ երաժշտությունը: Ընթերցի՛ր այդ հատվածը:

3. «Արամ խաչատրյանը մեծ հայրենասեր է»: Դիմնավորի՛ր այս միտքը՝ օգտվելով բնագրից:

4. Պատրաստի՛ր փոքրիկ հաղորդում հայ երգահաններից մեկի մասին և ներկայացրո՞ւ ընկերներիդ (կենսագրական աղյուսակի, պաստառի, փոքրիկ պատմության տեսքով):

ԱՋԵՒ ԱՌԱՋ

բարչունիվ



ԴԱՇՆԱՄՈՒՐ

ԲԱՌԸ՝ ԱՓԻ ՄԵՋ



Դաշն նախապես նշանակել է երկուսի միջև կնքված պայման, համաձայնություն, այնուհետև՝ ձայների համապատասխանություն, ներդաշնակություն: Այս վերջին իմաստից ծագել են երաժշտությանն առնչվող շատ բառեր՝ դաշնամուր կամ դաշնակ, դաշնակահար, ներդաշնակ և այլն:



Դաշնամուրը բարդ բառ է՝ դաշն + ամուր:

ԽԱՉԲԱՌ «ՆՎԱԳԱՐԱՆՆԵՐ»

1

ա) Գտի՛ր, թե որ բառը որ նվագարանի անվանումն է. **շեփոր, քա-
նոն, թառ, պարկապզուկ, սրինգ, քնար, երգեհոն**: Լրացրո՛ւ խաչբառը:
Ընդգծված սյունակում կկարդաս **կոմպոզիտոր** բառի հայերեն
համարժեքը:

բ) Այդ բառով խաղա՛ «բառբանոցի»:



2

Բնագրից ընտրի՛ր բարդ բառեր: Բաժանի՛ր բաղադրիչների և դրանցով բացատրի՛ր բառերի իմաստը:

3

Աջ և ձախ սյունակների բառերը միացրո՛ւ իրար և վերականգնի՛ր դարձվածները.

քիթը	տալ
ոտքերն	մեկ լինել
սիրտ	կախել
աշխարհով	ընկնել

4

Գրի՛ր մեկ բառով.

Նվեր տալ -
խղճահարություն զգալ -
լույս տալ -
ուտելու համար պիտանի -
փոստը բաժանող, բաշխող մարդ -

5 ԲԱՌԱՆԻՎ

Լրացրո՛ւ միակ կրկնվող ձայնավորը և գրի՛ր գաղտնագրված բառի հոմանիշները:



Եթե նշեմք Արամ Խաչատրյանի ստեղծագործություններից թեկուզ երկուսը՝ «Գայանե» և «Սպարտակ» բալետները, որոնք սիրված են ամբողջ աշխարհում, ապա դա էլ բավական կլինի, որ նա համարվի Հայաստանի հրաշալիքներից մեկը:

Մոտենում եւք Մարտիրոս Սարյանի արձանի շուրջը խմբվածներին և տեսնում, թե ինչպես են երեխաներն ուշադիր լսում Նրա թողնուհուն՝ Ռուզաննա Սարյանին: Եկեք մեկ էլ լսենք:

ՍԱՐՅԱՆԻ ՆԿԱՐՆԵՐՈՒՄ ԾՈՂԾՈՂՈՒՄ Է ՀԱՅԱՍՏԱՆԻ ՀԱՎԵՐԺՈՒԹՅՈՒՆԸ

Հայ մեծ նկարիչ Մարտիրոս Սարյանն ապրել է գրեթե մեկ դար՝ իննսուներկու տարի (1880-1972 թթ.):

Երեք տարեկանում հոր և եղբայրների հետ հում կավից իրենց համար տուն էր կառուցում Նոր Նախիջևանում՝ Ռուսաստանում, ջրհոր փորում:

Հոր և եղբայրների հետ ցորեն էր ցանում, հնձում, կալսում:

«Սիրում էի նայել կապույտ երկնքին, ամպերին, գիշերը՝ աստղերին ու լուսնին», - հիշում էր նա:

Յոթ տարեկանում դառնում է դպրոցական, սովորում գրել-կարդալ հայերեն և ռուսերեն, թվաբանություն:


«Դպրոցի ճամփան անցնում էր կրպակների մոտով,- գրում է նա:- Այնտեղ նաև գրքեր էին վաճառում: Չնչին գումարով գնեցի «Ռոբինզոն Կրուզո» գիրքն ու մի շնչով կարդացի: Շատ ուրիշ գրքեր էլ գնեցի ու կարդացի, սակայն իմ ամենասիրելի գիրքը երկար ժամանակ «Ռոբինզոն Կրուզոն» էր»:

Նոր Նախիջևանում կար հայկական յոթ եկեղեցի՝ հայկական յոթ հրաշալիք: Զաղաքը հիմնադրել էին հայերը: Լույս էին տեսնում բազմաթիվ թերթեր ու ամսագրեր:

Ռեսուրսարանն ավարտելուց հետո Սարյանը ցրիչ է աշխատում թերթերի տարածման գործակալությունում:

«Հետաքրքիր դիմագծերով հաճախորդներ կային,- պատմում է նա:- Նստում էի մի անկյունում ու նկարում նրանց: Մի անգամ նկարեցի մի ծերուկի. շատ հաջող դիմանկար ստացվեց»:

Սակայն ծերուկը հիվանդանում է ու մտածում, որ պատճառը նկարն է: Գործակալության վարիչը նկարը պատռում է ծերուկի ներկայությամբ՝ ուրախություն պատճառելով նրան և դառնություն՝ Մարտիրոսին:



«ՎԵՐՏՈՒՄ ԵՆ ԵՐԱՆԻ ԳՐԱԳՐԱԿԱՆ ԿԵՆՏՐՈՆԻՆ»
 «ՎԵՐՏՈՒՄ ԵՆ ԵՐԱՆԻ ԳՐԱԳՐԱԿԱՆ ԿԵՆՏՐՈՆԻՆ»
 «ՎԵՐՏՈՒՄ ԵՆ ԵՐԱՆԻ ԳՐԱԳՐԱԿԱՆ ԿԵՆՏՐՈՆԻՆ»

Մեծ եղբայրը նրան տանում է Մոսկվա՝ նկարչություն սովորելու: Սովորում է, նկարում, հաճախում թատրոն, գրադարանում ժամերով գրքեր է կարդում, շփվում մեծամեծ նկարիչների հետ:

Այդպիսին էր երիտասարդ Մարտիրոս Սարյանը:

Հետագայում նա դառնում է ակադեմիկոս, ժողովրդական նկարիչ, աշխատանքի հերոս:

Նա ստեղծում է հատուկ՝ սարյանական նկարչություն, որը սիրվում ու գնահատվում է ամբողջ աշխարհում:

Նայի՛ր նրա նկարներին և կտեսնես, թե ինչպես է կյանքը բաբախում այնտեղ, ինչպես է Հայաստանը հարատևում:

Սարյանը մեծ մարդ էր ու հայրենասեր, և բոլորի ցավն իր ցավն էր: Մեծ եղեռնի* օրերին նա մեկնում է Էջմիածին և Հոփհաննես Թումանյանի հետ, կյանքը վտանգելով, օգնում թուրքերից մազապուրծ եղած հայ գաղթականներին, որոնք կոտորվում էին մուլեգետո՞ւ* համաճարակից*:



1921 թվականից ընտանիքով մշտական բնակություն է հաստատել Երևանում և այնտեղ ապրել իր ամբողջ կյանքը, իր կնոջ՝ Լուսիկ Աղայանի հետ, որը մեր սիրելի գրող Ղազարոս Աղայանի դուստրն էր:

Մարտիրոս Սարյանի ստեղծագործական կյանքում բազմաթիվ են եղել թե՛ ուրախությունները, թե՛ տխրությունները:

1928 թվականին Փարիզում անհատական ցուցահանդես է ունենում, որը մեծ ուրախություն է պարգևում նրան: Սակայն տունդարձի ճանապարհին հրդեհվում է այն նավը, որը հետ էր բերում Սարյանի նկարները: Դրանք ոչնչանում են: Բայց Մարտիրոս Սարյանն իր ժողովրդի նման կենսունակ էր ու չհուսահատվող: Նա

նորից ու նորից վերադառնում է իր նկարներին ու նոր հրաշալիքներ մատուցում մեզ և ամբողջ աշխարհին:

- Նա մանկական անմիջականությամբ և իմաստնությամբ իրար էր միացնում իրականն ու երևակայականը, հեքիաթն ու կյանքը և ստեղծում իր հրաշալիքը,- իր խոսքն ավարտեց Ռուզաննա Սարյանը:





1. Պատմիր Մարտիրոս Սարյանի մասին՝ ըստ բնագրի համապատասխան հատվածների.

մանկություն, նկարչական առաջին փորձեր, մոսկովյան տարիներ:

2. Օգտվելով բնագրից՝ բնութագրիր Մ. Սարյանին:

3. Ընթերցիր բնագրի վերջին պարբերությունները և մեկնաբանիր:

4. Ըստ քեզ՝ ո՞ր գույնն է գերիշխում Մ. Սարյանի նկարներում և ինչո՞ւ:

1

Կազմիր 5 բարդ բառ՝ մեկական անգամ օգտագործելով երկու տողերից ընտրված արմատները.

ներկ, ջուր, գիրք, ամիս, դեմք
գիր, գիծ, հոր, դարան, պնակ

ԱՂՔԻ ԱՌԱՋ

հարսպետի



ՈՒՋՈ՞ՒՄ ԵՍ ԱԿԵԼԻՆ ԻՄԱՆԱԸ



Մ. Սարյանի արձանը բանդակել է Լևոն Թոբանջյանը



Ա. Խաչատրյանի արձանը կերտել է բանդակագործ Յուրի Պետրոսյանը



Հովհ. Թումանյանի արձանի հեղինակն է Արա Սարգսյանը

ԿԵՆՍՈՒՆԱԿ

ԲԱՈՐ՝ ԱՓԻ ՄԵՋ




Հին հայերենում մի բայ էր ապրում **կեալ**, որը նշանակում էր ապրել: Սրանից ծնվել է **կեանք**, այսօրվա ուղղագրությամբ՝ **կյանք** բառը: Սա էլ ծնունդ է տվել **կենս** արմատին, որից ունենք շատ ու շատ բառեր. **կենսագրություն**, կյանքի մասին գրություն, **կենսուրախ**, կյանքով ուրախացող, **կենսունակ**, իր մեջ կյանք ունեցող, տոկուն, դիմացկուն:

Մ. Սարյանի նկարների մեջ ամբողջ աշխարհն է ու Հայաստանը՝ իր մարդկանցով ու կենդանիներով, սարերով ու ձորերով, ծառ ու ծաղիկներով, սիրով ու թախիծով: Ահա թե ինչու «Սարյանի նկարներում շողջողում է Հայաստանի հավերժությունը»:

ՀԱՐՅՆՈՒՄ Է ԳԻՐԸ

1) Ի՞նչ հրաշալիքների հանդիպեցիր դու: Պատմի՛ր այդ հրաշալիքների մասին:

2) Գծի՛ր աղյուսակը և լրացրո՛ւ հետևյալ բառերով.
 Հովհ. Թումանյան, Ա. Խաչատրյան, Մ. Սարյան, խոսք, գույն, մեղեդի, երաժշտություն, նկարչություն, գրականություն:

3) ա) **Բառագումար:** «Գումարեղիների»

բոլոր տառերով կազմիր բառեր.
 ական + գրություն = գրականություն
 նյութ + նկար + չու =
 երաշտ + ուժ + թույն =

բ) Այդ բնագավառների ի՞նչ նշանավոր մարդկանց գիտես: Պատրաստիր զեկույց նրանցից մեկի մասին:

4) **Փոյականներից**

ստացիր բայեր.
 կառույց -
 աշխատանք -
 հունձ -
 ուտելիք -

5) **Փոխ նախադասության իմաստին համապատասխան դարձվածը և գրիր:**

Որևէ բան իսկամբով պահել:
 Իրեն զգալ շատ ազատ և անկաշկանդ:
 Անհանգստանալ, տազնապել ինչ-որ բանի համար:

Իրեն ասեղների վրա զգալ
 Աչքի լույսի պես պահպանել
 Ինչպես ձուկը ջրում

6) Պատկերացրո՛ւ, որ ձեռքիդ է Սարյանի ներկապնակը: Հովհ. Թումանյանի, Ա. Խաչատրյանի, Մ. Սարյանի մասին պատմող ո՞ր դրվագները կնկարեիր: Պատմիր այնպե՛ս, ինչպես կնկարեիր:

7) ա) Բառերի վանկերը գրված են աղյուսակում: Վերականգնի՛ր այդ երկու բառը և կազմի՛ր դրանց առաջին վանկերով սկսվող նոր բառեր.

տա	րե	դա	սեր
հայ	դան	նա	վոր

բ) Ո՞րմ կվերագրես վերականգնված երկու բառը:

Տեսնենք, թե երեխաների համար ինչ անակնկալ է պատրաստել կրթության նախարարությունը:

ԱՆԱԿՆԿԱԼ

Հանկարծ հրապարակի վրա հայտնվեցին գույնզգույն օդապարիկներ՝ կարմիր, կապույտ, նարնջագույն գամբյուղներով: Բոլորը զարմանքից և ուրախությունից ճչացին:

- Ահա և անակնկալը, - ասաց ուսուցիչը: - Բոլորս օդապարիկներով ճամփորդելու ենք Հայաստանով:

- Ո՞րն է, - ճչացին երեխաները:

Ճնողները խառնվեցին իրար, տատիկներն ու պապիկներն անհանգիստ շարժվեցին: Ո՞ւսուցիչն ասաց.

- Բոլոր երեխաները տեղավորվեն օդապարիկներում:

Բոլոր երեք օդապարիկներն էլ լցվեցին երեխաներով ու նրանց հիացական ճիչերով:

Եվ օդապարիկներն օդ բարձրացան:

- Ի՞նչ գեղեցիկ է Երևանը վերևից: Իսկական հրաշալիք է, - բացականչում էին երեխաները:

- Գիտե՞ք, որ մեր սիրելի Երևանն արդեն 2790 տարեկան է, - ասաց կարմիր օդապարիկի օդաչուն:

- Գիտե՞նք, - գոռացին երեխաները: - Նախկին անունն էլ Էրեբունի է:


- Ահա Հանրապետության հրապարակը, «երգող» շատրվանները, - ձայնեց Արշակը:

- Ահա Վարդան Մամիկոնյանի արձանը, - ասաց գիտունիկ Մուշեղը:

- Իսկ ո՞վ է Վարդան Մամիկոնյանը, - հարցրեց ուսուցիչը: - Պատմի՛ր նրա մասին, թող բոլորն իմանան:

- Վարդան Մամիկոնյանը կռվել է թշնամու դեմ և հերոսաբար զոհվել: «Մայրենի-2»-ում կարդացել ենք այդ մասին: Պապիկս էլ է պատմել: Թեև Վարդանը զոհվեց իր քաջարի զինակիցների հետ, սակայն հայերը պահպանեցին իրենց հավատն ու լեզուն:

- Կեցցե՛ն, - Մուշեղին նայելով սարթերի միջից՝ ասաց կապույտ օդապարիկի օդաչուն:



- Վարդան Մամիկոնյանի արձանի հեղինակը Աշա-
նավոր Ակարիչ ու քանդակագործ Երվանդ Քոչարն է,-
եզրափակեց ուսուցիչը:

- Իսկ ես տեսնում եմ Հայկին,- ճչաց Մանեն:

- Ի՞նչ Հայկ,- զարմացան երեխաները:

- Հայկ Նահապետին,- ժպտաց Մանեն:

- Այո՛, նա Նետահարել է Բելին. այդ պահին է պատկերել
քանդակագործը,- բացատրեց ուսուցիչը:- Նա՛ է մեր
սկիզբը, մենք բոլորս Հայկ ենք: Հայկ Նահապետը մեր
Նախահայրն է:

- Շարժվում ենք դեպի խոր վիրապ,- ասաց Նարնջագույն օդապարիկի
օդաչուն, և օդապարիկներն ավելի բարձրացան վեր:

Ներքևում տներն ու շենքերը դարձան
լուցկու տուփերի չափ: Բոլորը հիանում էին
մերթ օդապարիկներով, մերթ երկնքի ամ-
պերով, մերթ ներքևի համայնապատկերով:

- Երեխանե՛ր, հիշո՞ւմ եք՝ «Մայրենի-2»-
ում դուք կարդացել եք Սարդարապատի
հերոսամարտի մասին: Հիշո՞ւմ եք, թե
ինչպես հայերը, համախմբվելով, հաղթեցին
թշնամուն: Այդ ճակատամարտով որոշվեց
մեր լինել-չլինելու հարցը: Ահա մենք տես-
նում ենք Սարդարապատի հրաշք համալի-
րը,- ասաց ուսուցիչը:

Արդեն մոտենում էին Դվին գյուղին, երբ
օդաչուները հրահանգեցին.

- Իջնո՞ւմ ենք:

Եվ օդապարիկներն իջան Դվին գյուղի դարբնոցի մոտ:

- Մի քիչ զրուցենք Արամի դարբին պապի հետ, այնուհետև ուտե՛լով
կբարձրանանք խոր վիրապ,- բացատրեց ուսուցիչը:

Երեխաները հիացմունքով նայում էին բլրի վրայի եկեղեցուն, Մասիս
սարին, Արարատյան դաշտին, բարդիներին ու Նրանց վրա բույն դրած
արագիլներին: Նայում էին միմյանց, իրենց օդապարիկներին, Արամի դար-
բին պապին, պապի ու իրենց աչքերում փայլվող բուրայի* կրակներին:



1. Մրն էր անակնկալը, և դեպի ո՞ւր ուղևորվեցին երեխաները:
2. Ի՞նչ հրաշալիքներ տեսան երեխաները ճանապարհին:
3. Քեզ համար ի՞նչն է հրաշալիք, որ կուզենայիր տեսնել օդապարի-
կից:

ՎԻՐԱԴ

ԲԱՈՒՆ՝ ԱՓԻ ՄԵՅ



Վիրապ նշանակում է խոր փոս, անջուր հոր, գետնի մեջ փորված բանտ: Ըստ ավանդության՝ Գրիգոր Լուսավորիչը բանտարկվեց խոր վիրապում և այնտեղ մնաց 14 տարի:

Հետագայում այդ վիրապի վրա կառուցվել է եկեղեցի:

ԱՉՔԻ ԱՈՒԱԶ

դարբնոց
օդաչու



ՀԵՏԱԶԵՐՔԻՐ Ե ԻՄԱՆԱԿ



իկնաթիռ

1 ՉՎԱՐԹ ՏՐԱՄԱԲԱՆՈՒԹՅՈՒՆ

Չորս համարձակ օդաչու ՈՒՆԵՆ Արամ մի եղբայր, Իսկ Արամը, ա՛յ՛ թեզ բան, Չունի և ոչ մի եղբայր, Դե կռահի՛ր, թե ինչու:



օդապարունկ



գազաթիռ
(դիրիժաբլ)



ուղղաթիռ



տիեզերանավ



հրթիռ



անկարգել
(պարաշյուտ)



ճախրակ
(դելտապլան)



օդապարիկ

2

Գտիր, թե ինչ օրինաչափությամբ է կազմված շարքը և շարունակիր.

Արա, բարդի, գույնզգույն, Դվին, Երևան,

3

ա) Բառի մեջ կրկնվում է միակ ձայնավորը: Գտիր բառը.
ՆԿՆԿԼ

բ) Գտիր բառեր, որոնց մեջ կրկնվում է միակ ձայնավորը:

Այսպիսով, հրաշքներով լի են ինչպես հեքիաթները, այնպես էլ թո հայրենի աշխարհը:

Մտքով երբևէ բարձրացե՞լ ես Մասիս: Երբևէ մտածե՞լ ես, թե ինչ ճանապարհ է Մասիսից դեպի Ագռավաբար:

ՄԱՍԻՍԻՑ ԴԵՊԻ ԱԳՌԱՎԱԲԱՐ

Արամի դարբին պապը զարմանալի ու հիանալի իրեր է պատրաստում շիկացած երկաթից: Երեխաները զարմանքով նայում էին, թե շիկացած երկաթն ինչպես է թշալով մտնում ջրի մեջ ու դառնում մի գեղեցիկ իր: Արամը հպարտությամբ էր նայում դարբին պապի հզոր մկաններին, հատու՝ շարժումներին:



- Սա էլ Արտավազդի համար,- ասաց պապը և կռանով՝ մի քանի անգամ հարվածեց սալին*:

- Արտավազդն ո՞վ է,- հարցրեց Արամը:

- Արտավազդը հայ թագավոր էր: Ըստ առասպելի՝ շղթայված է Մասիս լեռան քարանձավում: Հավատարիմ շները կրծում են շղթաները, որ ազատեն նրան, իսկ մենք խփում ենք սալին, ու այդ ձայնից շղթաները նորից ամրանում են:

- Բայց ինչո՞ւ չենք ուզում, որ Արտավազդը դուրս գա,- իրար հերթ չտալով՝ հարցրին երեխաները:

- Չգիտեմ, ասում են՝ աշխարհին կտիրի:

- Իսկ աշխարհին տիրելը վա՞տ բան է:

- Երևի:

- Իսկ չի՞ լինի, որ դուրս գա, Մասիսին տիրի, մենք էլ ունենանք ոչ թե գերի Մասիս, այլ մե՛ր Մասիսը:



- Որ ազատվի, չենք իմանա՝ ինչ կանի:

- Պապի՛կ, արի գնանք ազատենք նրան, հաստատ վատ բան չի անի:

- Ո՞նց գնանք: Մեզ ո՞վ կթողնի բարձրանալ Մասիս: Հնարավոր չէ: Ինքներդ ասացիք, որ Մասիսը գերված է:



- Մտքով գնանք գոնե:

- Մտքով շատ եմ գնացել, բայց շատ բան չեմ տեսել:

- Միասին գնանք: Երբ բոլորիս մտքերը միացնենք ու գնանք, շատ բան կտեսնենք:

- Լա՛վ:

- Պա՛պ, Մասիսին Արարատ էլ են ասում, ինչո՞ւ:

- Արարատ անվանումը գալիս է մեր Արա աստծու և Արա թագավորի անունից: Օրինակ, Արագած նշանակում է Արայի գահ, իսկ Արարատ՝ Արայի լեռ: Գիտե՞ք, որ Արարատի կատարին է իջել Նոյն իր տապանով:

- Գիտենք:

- Իսկ գիտե՞ք, որ Արարատն աշխարհի ամենաբարձր սարն է՝ հաշված ստորուտից:

- Գիտենք: «Մայրենի-2» դասագրքում ենք կարդացել:

- Իսկ գիտե՞ք, որ Փոքր Մասիսը մի քանի միլիոն տարով փոքր է Մեծ Մասիսից:

- Ո՛չ:

- Տեսա՞ք: Այդ մեկը չգիտեք: Իսկ գիտե՞ք, որ հայի սիրտը նման է Մեծ ու Փոքր Մասիսներին: Հայը Մեծ Մասիս սրտով աշխարհին է սիրում, Փոքր Մասիս սրտով՝ իրեն:

- Չգիտենք: Ինչո՞ւ է այդպես:

- Մեծանաք՝ կիմանաք:

- Հիմա՛ ենք ուզում իմանալ:

- Հիմա ես էլ չգիտեմ:

- Պա՛պ, Մասիսի վրայի այսքան ձյունն ի՞նչ է լինում, - հարցրեց Անին:

- Չգիտեմ: Մասիս սարից ոչ մի գետ սկիզբ չի առնում: Ձյունը հալվում է ու գնում գետնի տակ:



- Իսկ Մասի՞սն է բարձր, թե՞ Սևանա լիճը:

- Մասիսը 3 կիլոմետրով բարձր է Սևանից:

- Գուցե Մասիսի ջուրը գետնի տակով գնում Սևա՞նն է լցվում:

- Ի՞նչ իմանամ: Համա թե երևակայում եք, հա՛:

- Բա սրանք ի՞նչ են, պա՛պ, ի՞նչ գեղեցիկ են: Տե՛ս, բոլոր տեղերից թռչում-գալիս են այստեղ, բույն են դրել Մասիսի լանջերին, թռչում են գագաթի վրայով:

- Սրանք հայի երագանքներն են,- հառաչեց պապը:

- Պա՛պ, կարծում եմ արդեն ժամանակն է, Արտավազդին պիտի ազատել:

- Է՛հ, թոռնիկներ՛ր ջան, մենակ Արտավա՛զդն է. Փոքր Միերին էլ պիտի Ագռավաբարից ազատել,- ոգևորվեց պապը:



- Միերը Սասունցի Դավթի տղան է, գիտենք:

- Ապրե՛ք, որ գիտեք: Փոքր Միերին հողն արդեն չէր կարողանում պահել: Ագռավաբարը բացվեց, Միերը Քուռկիկ Ջալալիին հեծած ներս մտավ քարի մեջ, ու քարը փակվեց: Նա էլ պիտի մի օր դուրս գա և ազատի հայոց աշխարհը չար ուժերից:

Մինչև այժմ էլ Վանա բերդի մոտ կա այդ սրբազան քարաժայռը՝ «Միերի դուռը»:

- Ագռավաբա՞րն էլ է գերության մեջ:

- Այո՛:

- Պա՛պ, էլ ի՞նչ ենք սպասում: Թող մեր մի մասը գնա Ագռավաբար՝ Միերին ազատելու, մի մասը բարձրանա Մասիս՝ Արտավազդին ազատելու:



Միերի դուռը

ՌԻԶՈ՞ՒՄ ԵՆ ԱՎԵԼԻՆ ԻՄԱՆԱԼ

Հայոց հզոր թագավոր Տրդատը Գրիգոր Լուսավորչին զգեց խոր վիրապը: Հետագայում Տրդատ արքան հիվանդացավ անբուժելի հիվանդությամբ: Գրիգոր Լուսավորչին հանեցին խոր վիրապից, և նա բուժեց Տրդատ արքային:



Խոր վիրապ



Ս. Էջմիածին

Գրիգոր Լուսավորիչը երագ է տեսնում. Զրիստոսը հրեղեն սյան միջով իջնում է, և Լուսավորչին ցույց տալիս եկեղեցին կառուցելու տեղը: Էջմիածնի Մայր տաճարը Տրդատ արքան և Գրիգոր Լուսավորիչը կառուցում են 301-303 թվականներին: Սա աշխարհի ամենահին բրիստոնեական եկեղեցին է և համարվում է Հայաստանի հրաշալիքներից մեկը:



1. Արամի պապն ինչո՞վ էր զարմացնում երեխաներին: Արամն ինչո՞ւ էր հպարտությամբ նայում նրան:
2. Ի՞նչ իմացար Արտավազի, Արարատի, Փոքր Միերի, Սարդարապատի, Վարդան Մամիկոնյանի մասին: Պատմիր:

	ի՞նչ տեսար ի՞նչ լսեցիր	ի՞նչ զգացիր
3. Պատկերացրո՛ւ՝ Մասիսի գագաթին ես:	ինչի՞ մասին մտածեցիր	ի՞նչը կուզենայիր, որ փոխվեր

4. Քո կարծիքով՝ որո՞նք են հայի երազանքները, որոնք թռչունների տեսքով ամբողջ աշխարհից գալիս և բույն են հյուսում Մասիսի լանջերին:
5. Ըստ բեզ՝ ի՞նչ կպատահի, եթե.
 - Արտավազը դուրս գա Մասիսի վիհից,
 - Միերը դուրս գա Ազոավաբարից:

1

Շարունակի՛ր

Արտավազ - թագավոր	Փոքր Միեր -
Էջմիածին - եկեղեցի	Քուռկիկ Ջալալի -
Արարատ -	Վարդան Մամիկոնյան -
Արագած -	Սարդարապատ -
Արա -	Խոր վիրապ -
Նոյ -	Տրդատ -
Սևան -	Գրիգոր Լուսավորիչ -

2 Լրացրո՛ւ նախադասությունները: Քո գրած բառերը տեղադրիր խաչառում: Ընդգծված սյունակում կկարդաս հայերի սիրելի թռչունի անունը:



1. Չորավար Վարդանը պայթարում էր հանուն հավատի և լեզվի:
2. Փոքր Միերը փակվել էում:
3. Գրիգորն առաջին հայ կաթողիկոսն է:
4. Ջրհեղեղից հետո ...ի տապանն իջավ Արարատի վրա:
5. Ջալալին կարողանում էր խոսել մարդկային լեզվով:

3

Նախադասությունից քայլ առ քայլ հանելով մեկական բառ՝ ստացիր համառոտ նախադասություն.
Հանկարծ հրապարակի վրա հայտնվեցին գույնզգույն օդապարիկներ՝ կարմիր, կապույտ, նարնջագույն գամբյուղներով:

4

Փակագծերում գրիր մի բառ, որը նշանակի այն, ինչ փակագծերի աջ ու ձախ կողմերում գրվածները.
ծեռքի մաս (.....) խողովակի ծալք, ճկվածք
թնդանոթի մաս (.....) դրամ
երկրաչափական մարմին (.....) զորամիավորում

5

Օրինաչափիկ
Գտիր «ավելորդ»

բառագույգը.
բանակ – բաժակ
դիմակ – դիպակ
կածան – կապան
դարան – դանակ

6

Փոխակերպում

Մեկ բայով քարի հանքից ինչպե՞ս «կկառուցես» եկեղեցական համալիր:

7

Կազմի՛ր բարդ բառեր

7 տարի – յոթնամյա
2 սապատ –
5 նիշ –
3 անկյուն –

8

Գարծվածները գրիր հետևյալ հերթականությամբ.

- ա) չափազանց զբաղված լինել,
- բ) ոչինչ չանել,
- գ) խաբել:

Թևերը ծալած նստել, քիթ սրբելու ժամանակ չունենալ, քթից բռնած ման ածել, գլուխը յուղել, աչքերը կապել, պարապ-սարապ լինել, գործից աչք չթարթել, ճանճ բռնել, մինչև կոկորդը թաղված լինել գործի մեջ:

Թե միասին մտածեք ու գործեք, Ուրեմն դուք եք հրաշք արարում, Ուրեմն դուք էլ հրաշագործ եք, Ձեզևուով, ձեր գործով կյանքը զարդարում:

Օդաչուները, ուսուցիչները, երեխաները հրաժեշտ տվին պապին, Մասիսին, Խոր վիրապին, Արարատյան դաշտին, արագիլներին ու, նստելով օդապարիկները, ուղևորվեցին դեպի հաջորդ հրաշալիքը՝ Սևանա լիճը:

Ճանապարհին նրանք բազում հրաշալիքներ տեսան: Դրանցից մեկն անդնդախոր կիրճերով շրջապատված Գառնիի տաճարն էր:

Ըստ ավանդության՝ Գառնիի ամրոցը կառուցել է Հայկ Նահապետի ծոռ Գեղամը մեզանից մոտ 2300 տարի առաջ: Նրա Գառնիկ թոռան անունով էլ ամրոցը հետագայում կոչվել է Գառնի:

Գառնիի ամրոցը պեղելիս* բացվել է մեզանից 5000 տարի առաջ գոյություն ունեցած բնակավայր: Այնտեղ գտնվել են զանազան կենցաղային գործիքներ, խեցեղեն*, զենքեր, գյուղատնտեսական գործիքներ: Ովքե՞ր են եղել դրանք ստեղծած մարդիկ, ի՞նչ են մտածել, ինչպե՞ս են ապրել: Իմացե՞լ են, արդյոք, որ մի օր մենք կիմանանք իրենց մասին, որ Հայաստան պետության չորրորդ դասարանցի աշակերտները կկարդան նրանց մասին, կհիանան ու կհպարտանան իրենց նախնիներով:

Բազմաթիվ թշնամիներ դարերի ընթացքում ավերել են թե՛ բերդը, թե՛ տաճարը, իսկ մենք բազմիցս վերականգնել ենք դրանք: Պահպանվել են ամրոցի պարիսպների մնացորդները: Հսկայական է պարսպի ամեն մի բարը. կշռում է 5–6 տոննա: Այսօր Գառնիի տաճարը հպարտորեն կանգնած է մեր ազատ երկրում և հիացնում է բոլորին:

Գառնիից հեռու երևաց սքանչելի Գեղարդը:

Հիշո՞ւմ ես, «Մայրենի-2»-ում կարդացել ես նրա մասին:



Գառնիի տաճարը



Գեղարդավանք



1. Ի՞նչ իմացար Գառնիի տաճարի մասին:
2. Ի՞նչ ես հիշում Գեղարդի վանքի մասին:
3. Ինչո՞ւ ենք մենք հպարտանում մեր նախնիներով:

1

Վերականգնի՛ր «բանդված» առածները.

Շատ կարդաս,	քիչն էլ կկորցնի:
Լավ անես՝ քեզ կանես,	սովորի՛ր քե՛զ համար:
Աղքատը հացի կարոտ է,	վատ անես՝ քեզ կանես:
Արա ուրիշի՛ համար,	հարուստը՝ ամեն բանի:
Շատի հետևից ընկնողը	շատ բան կիմանաս:

2

Կազմի՛ր այնպիսի նախադասություններ, որ հետևյալ բառերը մի դեպքում լինեն գոյական, մյուս դեպքում՝ ածական.

ճանապարհորդ, սուտասան, հերոս, վարպետ, իմաստուն, մտավորական, առաջնորդ, շարքային:

Օրինակ: Գիտնականները վիճում էին այդ հարցի շուրջ:
Գիտնական Չամբարձումյանին գիտեին բոլորը:

3

Բնագրից գտի՛ր և գույգ առ գույգ գրի՛ր հետևյալ բառերի հականիշները.
անազատ, կառուցել, նստել, փակվել, փոքր, նախորդ:

Խնդրակ

- Արա՛, կարո՞ղ ես թվել այնպիսի բառեր, որ հարյուր տարի առաջ գոյություն չունեին, - հարցրեց ուսուցչուհին:
- Այո՛: Օրինակ՝ ես և Դուք:



Հիշի՛ր

Գալձագը կառուցում է ժայռափոր եկեղեցին:

ՈՒՉՈ՞ՒՄ ԵՍ ԱՎԵԼԻՆ ԻՍԱՆԱԼ

Գեղարդավանքը մինչև XIII դարը կոչվել է Այրիվանք: Կարո՞ղ ես կռահել, թե ինչու: (Հիշի՛ր. այդ նշանակում է անձավ, քարայր, փորվածք:)

Երբ հետագայում այստեղ են բերում այն սուրբ գեղարդը՝ նիզակը, որով հռոմեացի հարյուրապետը խոցել է խաչված Զրիստոսի կողը, այդ ժամանակներից եկեղեցին կոչվում է Գեղարդավանք:



Այդ գեղարդի մասունքն* այսօր պահվում է Սուրբ Էջմիածնում:

Երբ վայրէջք կատարեցին գեղեցկուհի Սևանի ափին, ուսուցիչը մի պատմություն պատմեց երեխաներին: Ահա այն. դուք էլ կարդացեք:

ԻՇԽԱՆԸ

Լինում է, չի լինում մի թագավոր է լինում, անունը՝ Իշխան: Նա շատ գեղեցիկ էր ու ճարպիկ, լավ որսորդ էր և շատ հյուրընկալ: Նրա համբավը* տարածվել էր աշխարհով մեկ: Ապրում էր իր ծովային պալատներում, ուներ բազում երեխաներ, հաշտ ու համերաշխ էր ջրի ու արևի հետ:

Հաճախ իր մոտ էր կանչում Կարմրախայտ* արթայազնին ու հանձնարարում.



- Մեր տերության մեջ 28 գետ ու գետակ է թափվում: Գնա՛ և ստուգի՛ր Ձկնագետն ու Գավառագետը:

Իսկ Կողակ* արթայազնին Իշխանը հրամայում էր.

- Իսկ դու ստուգի՛ր Վարդենիս ու Կարճաղբյուր գետերը:

Այդպես բոլորին հանձնարարություն էր տալիս, տիրություն էր անում իր թագավորությանը:

Գիլլի անունով հատուկ լճակ էր առանձնացրել, որտեղ բազմաթիվ հյուրեր էր ընդունում աշխարհի տարբեր ծայրերից:

Ահա իր երկար-բարակ ոտքերով հեռավոր երկրներից թռչում-գալիս է վարդագույն թևերով Կարմրաթևիկը:

- Թույլ կտա՞ք ձեր լճում հանգստանալ, - ասում է նա Իշխանին:

Իշխանը բարեկամաբար ժպտում է ու ասում.

- Համեցե՛ք, այստեղ թե՛ տաք է, թե՛ կերն է առատ: Եղեգնուտների՝ ինչքան ուզեք: Կարող եք բույն դնել:

Հանկարծ հայտնվում է Ջրշունը*.

- Ո՛վ մեծ Իշխան, ես Հավալուսինն տես: Ձուկը բռնում է, օդ է գցում,

պատեցնում, որ գլխի կողմից կուլ տա: Կտուցի տակ էլ մի հսկայական պարկ ունի, մեջը ձուկ է լցնում: Տե՛ս, թե դրան ոնց են փետրահան անելու:

- Նա հյուր է, մի՛ նեղացրու,- հորդորում* է Իշխանը:- Տե՛ս, մեր տերության մեջ իրար կողքի հանգստանում են ձկնկուլն ու ջրարծիվը, բաղն ու ջրածիծառը, սուզահավն ու կարմրակատարը, տառեղն* ու հավալուսնը*, արագիլն ու որորը, ո՞ր մեկը թվեմ, ինքդ գիտես:

Ջրշունը շոյվում է, որ Իշխանն իր հետ մտերմորեն է խոսում, ու անկեղծանալով ասում է.

- Սուզահավն ու Փարփարը մեր Գիլիոն նաև ձագեր են հանում: Որպեսզի Բագեն ու ես ձվերը չգողանանք, դրանք ծածկում են կանաչ մամուռով* ու գնում կեր փնտրելու: Մի քանի անգամ այդպես ծածկելուց հետո ձվերը կանաչավուն են դառնում ու չեն երևում:



- Բոլորս էլ մեր ձագուկներին պահպանելու միջոց ենք գտնում, զարմանալի չէ,- ասում է Իշխանը, և Ջրշունը պոչը քաշելով հեռանում է:

- Կանչե՛ք կարմրակտուց Սուզաբաղին,- հրամայում է Իշխանը:
 - Որբա՞ն է ջրի ջերմաստիճանը մեր թագավորության ստորին* մասում հատակին մոտ:
 - Չորս աստիճան,- կմկմում է Սուզաբաղը:
 - Իսկ վերևո՞ւմ:
 - Քսան աստիճան:
 - Շատ լավ: Այդպես էլ պահպանել:
- Այսպես հազարավոր տարիներ ապրում էր թագավորությունը:



1. Որտե՞ղ և ինչպե՞ս էր ապրում Իշխանը:
2. Իշխանն ինչպե՞ս էր ընդունում հեռավոր երկրներից եկած թռչուններին:
3. Ի՞նչ հրամաններ էր տալիս Իշխանը: Քո կարծիքով՝ ուրիշ ի՞նչ հրամաններ էր տալիս նա:

1 Ի՞նչն է, որ Արփա գետում առաջին տեղն է զբաղեցնում, իսկ Սևանա լճում երրորդ:

2

Փոխակերպում

Մեր բոլորի երազանքն է, որ Սևանը հասնի իր նախկին ափերին՝ ծովանա: Եկեք լիճ-ից ստանանք ծով.

լիճ - խ - խտ - խոտ - ոտ
 - հո - ծով:

3

Կարդա՛ նախադասությունը, գտիր ավելորդ բառերը: Նախադասությունն արտագրիր առանց դրանց:

Ձկնորսը Սևանա լճում ձուկ էր որսում ջրի մեջ:

Նա բռնեց մի իշխան, մի սիգ, մի ձուկ, մի ծածան:

Նա ու իր ընկերը երկուսով գնացին տուն:



ԻՇԽԱՆԸ (շարունակություն)

Մի օր էլ, մի շա՛տ դժբախտ օր, մի ահռելի դողդոց տարածվեց ամբողջ թագավորությունով մեկ. մարդը պայթեցրեց Սևանից դուրս եկող միակ գետի՝ Հրազդանի հունը: Պայթեցրեց, ու ջուրը սկսեց փախչել, թագավորությունն սկսեց ցամաքել: Գիլլի լիճն էլ ցամաքեց: Իշխանը տեսավ, որ իր սպիտակ ապարանքները* մնացին ջրից դուրս:

Լճում հայտնվեց Սիգը և ասաց.

- Հիմա ե՛ս եմ թագավորելու:

Իշխանն ապստամբեց, սակայն իր բոլոր զավակների համար ապրելու տեղ չկար, սնվելու տեղեր չկային, ու նրանք կամաց-կամաց անհետացան: Լիճն իջավ 18 մետր: Իշխանը փակվեց իր քարե ապարանքներից մեկում ու ասաց.

- Մինչև ջուրը չբարձրանա և չծածկի ինձ, ես դուրս չեմ գա:

Ու մինչև հիմա էլ փակված է քարի մեջ: Մի Ազոավաքար էլ սա է: Մեկ-մեկ հեռավոր երկրներից թռչում-գալիս են կարապետ ու հավալուսններ, հարցնում են Իշխանին: Բայց ո՛չ Իշխանը կա, ո՛չ էլ Գիլլի լիճը: Խռոված հեռանում են ու երևի այլևս չգան:

Մարդիկ հասկացան, իհարկե, շա՛տ ուշ հասկացան, որ թագավորությունը մեռնում է, լիճը պետք է փրկել կործանումից: Սևանը գրկող լեռների տակով փորեցին 48 կմ երկարությամբ մի հրաշք ջրանցք, որով Արփա գետի ջրերը հոսում են դեպի Սևանա լիճ:

Լճի ջուրն սկսեց բարձրանալ: Այն ամենաշատը կարող է 6 մետր բարձրանալ: Գուցե այդքանն էլ բավական է, որ Իշխանը նորից վերադառնա և տիրություն անի իր երկրին:

Լիճ ես թեև,
Իմ Սևան,
Բայց մեր սրտում
Դու և՛ ծով ես,
Ե՛վ օվկիանոս
Անսահման:



Երեխաները տխրեցին, սակայն շուտով, ուրախության ճիչեր արձակելով, ցույց էին տալիս գեղեցկուհի Սևանի ուղղությամբ, որ ամպոտ լեռների գրկում շաչում* էր ու հին ափերը փնտրում:

Քիչ անց երեխաներն արդեն Սևանա լճի ափին էին: Լողացան լճի զովասուն ջրերում, բարձրացան Սուրբ խաչ եկեղեցի: Այնուհետև ստտելով օդապարիկները՝ ճամփա բռնեցին դեպի Երևան:

Ամբողջ ճանապարհին ոգևորված խոսում էին, տպավորություններ պատմում միմյանց:



- Իջնելու

ենք կայարանում՝ Սասունցի Դավթի արձանի մոտ,- հայտարարեցին օդաչուները:

Կայարանում հոծ բազմություն էր հավաքվել: Եկել էին ծնողները, տատիկներն ու պապիկները:

Երեխաները ձեռքով էին անում նրանց, հրճվանքից ճչում:

- Ա՛յ թե լավ ճամփորդություն էր, ինչքան հրաշալիքներ տեսանք,- ոգևորվել էին երեխաները:



1. Ի՞նչ պատահեց Իշխանի թագավորությանը:

2. Փրկության ի՞նչ ծրագիր կազմեցին մարդիկ,

որ Իշխանը նորից տիրություն անի իր թագավորությանը:

3. Նկարագրի՛ր և բնութագրի՛ր Իշխանին:

4. Այս ճամփորդությունից ի՞նչն ավելի շատ բեզ դուր եկավ: Գրի՛ր «Իմ տպավորությունը» վերնագրով շարադրություն:



1 Բնագրից դո՛ւրս գրիր թռչունների անունները: Դրանցից մեկի մասին պատրաստի՛ր հաղորդում և ներկայացրո՛ւ ընկերներիդ:

2 Բնագրից դո՛ւրս գրիր Սևանա լիճը թափվող գետերի անունները: Որոշի՛ր բարդ բառերը և բաժանի՛ր բաղադրիչների: **Գետ** արմատով կազմի՛ր բարդ կամ ածանցավոր բառեր:

3 Դարձվածներ և համապատասխան բացատրություններ գրիր կողք կողքի:

Դարձվածներ	Իմաստներ
Ինչպես ձուկը ջրում	Շրջապատողներին շփոթեցնել, խորամանկել, շահադիտական նպատակով իրար խառնել իրադարձությունները:
Շատ ջրեր են հոսել	Իր միջավայրում է, իր ոլորտում, ազատ է զգում իրեն, լավ, անկաշկանդ:
Ջուր պղտորել	Օգտվելով ուրիշների դժվարությունից, շփոթմունքից, խառը վիճակից՝ շահ քաղել:
Պղտոր ջրում ձուկ որսալ	Շատ ժամանակ է անցել:

4 Խմբավորիր հետևյալ բառերը և լրացրու աղյուսակը.

թագավորություն, ջրանցք, լճակ, անհասնափստ, կարմրակատար, ձուկ, ձագուկ, լիճ, հսկայական, տխրություն, դժբախտ:

պարզ	բարդ	ածանցավոր

☺ Խնդրակ

- Մամ, եղինջը կծո՞ւմ է:
- Այո՛:
- Իսկ ո՞նց է հաչում...



5 ԶՎԱՐՁ ՏՐԱՄԱԲԱՆՈՒԹՅՈՒՆ

- Ի՞նչ ենք լսում դասի սկզբում:
- Թվարկի՞ր շաբաթվա հինգ օր՝ առանց անունները տալու:
- Ո՞ր բառի մեջ է ս տառը չոր:

Սևանա լիճը մեր հրաշալիքներից է, աշխարհի ամենագեղեցիկ լճերից մեկը, մեր հպարտությունն է, մեր հույսի ու լույսի աղբյուրը: Աչքի լույսի պես պահենք-պահպանենք այն:

- Այս դյուցազնը մեր պայթարի, հերոսության խորհրդանիշն է,-
ասաց Վարդուհին:

- Մենք նրան ծանոթ ենք դեռևս «Այբբենարանից», - շարունակեց
Ջայկը:

- Մեր բոլոր դասագրքերում էլ նրա մասին գրված է,- ասաց Գոռը:

Դուք, իհարկե, կռահեցիք, թե որ հերոսի մասին էին գրուցում երե-
խաները: Նրա կատարած ի՞նչ սխրանքներ կարող եք հիշել:



Իբրև ընծա այս գրվածքս նվիրում եմ քեզ,
ո՛վ իմ բարեկամ:

«Մասունցի Դավիթ» դյուցազներգությունն
առաջին անգամ գրառել է ԳԱՐԵԳԻՆ ՍՐՎԱՆՁՏՅԱՆՑԸ:

ՄԱՍՈՒՆԻ ԴՎՈՒԹ ԿՈՎՈՒՄ Է ԴԵՎԵՐԻ ԴԵՍ



- Ուշադիր դիտիր նկարը: Դորինի մի պատմություն նկարի շուրջ:
- Կարդա՛ բնագրի առաջին հատվածը և բովանդակությունը համեմատիր քո
հորինած պատմության հետ:

Գարուն էր: Դավիթը նախորդ էր:

Նախիրը քեց Սպիտակ քարի տակ՝ աղբյուրի մոտ:

Տեսավ՝ յոթ գյուղի նախորդներ հավաքվել են:

Մի նախորդ ասաց.

- Ո՞վ կգնա հարիսա բերի՝ ուտենք:

Դավիթն ասաց.

- Դուք իմ նախիրը պահեք, ես կգնամ:

Ո՛ր Դավիթը ելավ-գնաց հարիսատեղ:

Տեսավ՝ հարիսայով լի չորսունկանի* մի հսկա պղինձ թոնրի մեջ:
Պղինձը շալակեց, եկավ-հասավ ընկերներին.

- Եկե՛ք, տղեկնե՛ր, հարիսա՛ կերեք:

Է՛յ, ինչո՞ւ չեք գալիս:

Տղեկներն ահից ցամաքել էին:

Նրանցից մեկն ասաց.

- Դավի՛թ, դու որ գնացիր, քեզանից հետո
Քառասուն ավազակ դևեր եկան,
Նախրից քառասուն տավար տարան:

Դավիթն ասաց.

- Բան չկա, տղեկնե՛ր,

Եկեք նստեք՝ կուշտ ուտենք:

Տղեկներն ահից չկարողացան ճաշ ուտել:

Դավիթն ասաց.

- Գիտե՞ք, թե որ ճամփով տարան:

Ասին.

- Հա՛: Ա՛յ ես սարով զարկին, անցան վերև:



1. Բնագրից ընտրի՛ր և կարդա՛ այն տողերը, որտեղ դրսևորվում են Դավթի
հետևյալ հատկանիշները.

- ուրիշին օգտակար լինելու պատրաստակամությունը,
- հսկայական ուժը,
- ներողամտությունը թույլերի նկատմամբ,
- վստահությունն իր ուժերի նկատմամբ,
- հոգատարությունը թույլերի նկատմամբ:

2. Քո կարծիքով՝ ի՞նչ տեղի կունենա Դավթի ու դևերի միջև:

Դավիթը կոպալը դրեց ուսին,

Ճամփան տվեց առաջ,

Սարեր-ձորեր փնտրեց, դևերին չգտավ:

Գնաց-հասավ մի սարի,

Տեսավ՝ քարափների միջից ծուխ է դուրս գալիս:

Բռնեց եղ ծուխը՝ գնաց:

Տեսավ՝ քառասուն ավազակ դևեր

Քառասուն կովերը բերել, մորթել են,

Լցրել քառասունկանթանի պղնձի մեջ,

Օջախ են արել, դրել օջախին,

Զլթթլթալեն եփում են:

Դավիթը վերցրեց քառասունկանթանի պղինձը,



Շուռ տվեց օջախի վրա,

Քառասուն կաշին հավաքեց-լցրեց պղնձի մեջ,

Մի մեծ քար վերցրեց, գրկեց,

Գնաց մտավ դևերի քարայրը,

Քարով փակեց քարայրի դուռը,

Որ դևերը չփախչեն:

Դավիթն եղտեղ մեկ որ բռնաց,

Սարսափ թափվեց ավազակ դևերի վրա,

Դևերի մեծը ձայնը լսեց, ասաց.



- Ելե՛ք, ծառայությունն արեք, որ չսպանի մեզ՝

Եւի Դավիթն է, ելե՛ք վե՛ր:

Համա Դավիթը բռնեց,

Դևերի վզերը մեկ-մեկ ոլորեց,

Կտրեց, գցեց քարայրից դուրս:

Մեկ էլ տեսավ՝ մի դև

Մի կողմ նստել, բերանը բացել ծիծաղում է:

Ասաց.

- Ես Դավիթն եմ, դեռ տասներկու տարեկան եմ,

Ի՞նչ ամոթալի բան տեսար ինձ վրա,

Որ ծիծաղում ես:

Ասաց ու ուժեղ ապտակեց դևին.

Դևի գլուխը գլորվեց-գնաց, մարմինը՝ մնաց:

Դու մի ասի, եղ դևը մեռած էր արդեն:

Դավթի ուժ, զորությունն որ տեսել էր,

Տեղն ու տեղը ահից մեռել, չորացել էր,

Բերանը բաց էր մնացել, ատամները՝ դուրս:

Դավիթը նայեց-տեսավ՝ քարայրը լիքն է

Ոսկի, արծաթով,

Ինչ որ մարդուն պետք է՝ լիքն է.
 Դներն ավագակություն էին արել,
 Սասնա ողջ հարստությունը բերել-լցրել էին քարանձավի մեջ:
 Դավիթն իր խուրջինը* ոսկի լցրեց,
 Մորթված տավարի գլուխ ու ոտք լցրեց պղինձը,
 Ոսկի լցրեց պղինձը,
 Եկավ-հասավ հարիսատեղ:
 Ամեն մեկին տվեց իր տավարի կաշին,
 Ոտ ու գլուխ, ոսկի, արծաթ:



• Դու ճանաչում ես Դավիթին: Մտածիր՝ Դավիթն ինչո՞ւ է ոսկի վերցնում:


Դարձավ-եկավ իր յոթ նախորդների մոտ:
 Եկավ տեսավ՝ դեռ հարիսան չեն կերել:
 Ասաց.

- Ի՞նչ եք նորներդ կիտել,
 Դարդ եք անում, որ աղ չե՞մ բերել,
 Ելե՛ք, կերե՛ք հարիսան, գնացե՛ք,
 Իրիկունն էլ աղը ձեր տանը կերեք:
 Ասին.

- Դավիթ, բա ի՞նչ անենք,
 Եր կովերի տերերին ի՞նչ պատասխան տանք:
 Ասաց.

- Տարել եմ, կովերի կաշին տվել եմ տերերին,
 Ոսկի ու արծաթ եմ տվել,
 Ես յոթ դևի ականջներն էլ առեք,
 Ձեր գյուղին ասեք, թող ջորիներ* վերցնեն,
 Գնան քարայրից ապրանք տանեն:

Ինքը՝ Դավիթը, ելավ,
 Նախիրը գցեց առաջը,
 Բերեց-հասցրեց քաղաք, ասաց.
 - Առե՛ք ձեր տավարը, ձեր նախիրը,
 Ձեր նախիրը էլ չեմ պահի:
 Թողեց-զնաց Սասուն, իր տուն:



Եկավ-հասավ բեռի Թորոսին, ասաց.
 - Զեռի՛, մեր տակը քանի՞ տղամարդ կա:
 - Զեզ հետ միասին՝ բառասուն:
 - Զելե՛, - ասաց Դավիթ, -
 Վերցրո՛ւ բառասուն ձի, ջորի, ավանակ,
 Գնանք-բերենք ոսկին,
 Մինչև ե՞րբ ես նախորդ մնամ:
 Վախկոտ Վերգո, Զեռի Թորոս, Ձենով Օհան,
 Բոլորով ընկան Դավթի հետևից, զնացին:
 Հասան քարայրին,
 Տեսան՝ դևերն ուռել են,
 Ամեն մեկը՝ մի սարի չափ,
 Վերգոն վախեցավ, փախավ,
 Մյուսներն էլ ուզեցան փախչել,
 Դավիթն ասաց.
 - Հե՛յ, հե՛յ, տնավերներ՛ր,
 Ո՞ր եք փախչում, սպանե՛լ եմ:
 Ինչ կար-չկար լցոին պարկերը՝
 Ոսկի, արծաթ, հարստություն,
 Բերեցին Սասուն:
 Դավիթն իր համար միայն մի ձի վերցրեց:



1. Դավիթն ի՞նչ արեց դևերի կողոպտած հարստությունը:

2. Բնագրից առանձնացրու այն տողերը, որոնք բեզ.

- զարմացրին,
- ծիծաղեցրին,
- հիացրին,
- հետաքրքրեցին,
- ոգևորեցին:

3. Սասնա տան բառասուն տղամարդկանցից ո՞ւմ գիտես. պատմի՛ր նրանց մասին:

4. Բնագրի ընդգծված տողերը Դավթի ո՞ր հատկանիշներն են բնութագրում:

1 Բնագրից դո՛ւրս գրիր բարբառային ձևերը և դարձրո՛ւ գրական:

2 - Ելե՛ք, կերե՛ք հարիսան, գնացե՛ք, Իրիկունն էլ աղը ձեր տա՛նը կերեք: Այս տողերով բնութագրվում է Դավթի.

- միամտությունը,
- անտարբերությունը,
- բարկությունը և ծաղրը վախկոտության և անգործության նկատմամբ:

Ընտրի՛ր ճիշտ պատասխանը:

3 Դավիթն իր համար միայն մի ձի վերցրեց:

Այս տողերով բնութագրվում է Դավթի.

- ազահությունը,
- սակավապետությունը՝ քչով բավարարվելը,
- ըմբոստությունը:

Ընտրի՛ր ճիշտ պատասխանը:

Շուտասելուկ

Քեռու ջորու ձախ ճուռը* ծուռ է:

ԴԱՐՁՎԱԾ

Ճամփան տալ առաջը - ճամփա ընկնել, ճանապարհվել:

4 Փոխակերպում

Մեկ քայլով **ավազակի** մեջ մի բան փոխեցին, և նա դարձավ **էշ**: Ինչպե՞ս:

5 ա) Դարձվածներից դո՛ւրս գրիր հակառիշ բառերը.

ծանր ու թեթև անել, կյանքի-մահվան հարց է, փոքր ու մեծ չճանաչել, գնալ-գալ ունենալ, աչքերը փակել, բերանը բանալ, գրի սևն ու սպիտակը ջոկել, գույն տալ, գույն առնել, դրսից հայելի, ներսից ածելի:

բ) Բացատրի՛ր դարձվածների իմաստը:

6

Օտար բառերը փոխարինիր հայերեն համարժեք բառերով.

կոմայյուտեր	ուղղաթիռ
մազնիտոֆոն	համացանց
տելեվիզոր	համակարգիչ
ինտերնետ	հեռուստացույց
վերտոլյոտ	ինքնաթիռ
սամոյոտ	ծայնագրիչ

7

Չորսունկանի, չորստունկանի, չորսգլխանի բառերում գտի՛ր ընդհանուր արմատը, մեծացրո՛ւ տասն անգամ և բնագրից գտի՛ր ստացված բառով բառակապակցությունները:

8

մարդասիրություն
արդարամտություն
հայրենասիրություն
խիզախություն
համարձակություն
հոգատարություն
ազնվություն
սակավապետություն

Սասունցի Դավթի այս հատկանիշներն են հերոսացրել և սիրանքների մղել բոլոր ժամանակների մեր հերոսներին:

Հիշի՛ր մի քանի հերոսի:

ՈՒՉՈ՞ՒՄ ԵՍ ԱԿԵԼԻՆ ԻՄԱՆԱԼ

Սասունցի Դավթի պապը Սանասարն էր, որն իր Բաղդասար եղբոր հետ հսկա ժայռակտորներով կառուցեց Սասնա Բերդը:

Սանասարի տղան՝ Մհերը, Դավթի հայրն էր: Նա մեն-մենակ, մերկ ձեռքերով հաղթեց առյուծին և այդ պատճառով նրան կոչեցին Առյուծ Մհեր:



Արդեն չորս տարի դու Դավթի հետ ես,
ինչպիսին է նա՝ արդեն լավ գիտես,
Նրան սիրեցիր, նա էլ սիրեց քեզ.
Դու արդեն, կարծես, մի քիչ Դավիթ ես:

ԱՍՓՈՓԻՐ ԻՄԱՅԱԾԴ, ԱՏՈՒԳԻՐ ԻՆԵՂ ԲԵՉ

1. Ինչո՞ւ է թեմատիկ շարքը կոչվում «Հայաստանի յոթ և քյուր հրաշալիքները»:



2. Գրի՛ր՝ ի՞նչ հրաշալիքների հանդիպեցիր:

3. Հրաշալիքներից ընտրի՛ր յոթը և նշի՛ր արևի շողերի վրա:



4. Խմբային աշխատանքի միջոցով ընտրե՛ք որևէ հրաշալիք, որին չհանդիպեցիք ճանապարհորդության ընթացքում, պատրաստե՛ք հաղորդում և ներկայացրե՛ք շնորհանդեսի ձևով:

5. Գտի՛ր ընդհանուր սկիզբը և վերջը:



Ստացված բառերից որի՞ն ո՞ր քննադրում ես հանդիպել:




ՈՒՉՈ՞ՒՄ ԵՍ ԱՎԵԼԻՆ ԻՄԱՆԱԿ

Խաչքար կերտելը քնորոշ է միայն հայ ժողովրդին: Նա դարերի ընթացքում խաչքարեր է կանգնեցրել ճանապարհների խաչմերուկներում, բարձունքների վրա, աղբյուրների ու կամուրջների մոտ, վանքերի, եկեղեցիների ու մատուռների* շրջապատում՝ ի նշանավորում այս կամ այն կարևոր իրադարձության:

Մեծ վարպետությամբ կերտված խաչքարերի գլխավոր մասը զարմանահրաշ նախշերով քանդակազարդված խաչն է:

Խաչի ներքևի մասը խորհրդանշում է Երկիրն ու մարդուն, իսկ վերևի մասը՝ Երկինքն ու Արարչին:




1. Պատմիր՝ ինչի՞ մասին են գրուցում և ունանավոր նախապա-
պերը:

2. Ո՞ր հրաշալիքն է ասում.

- Հին ասիերս եւ որոնում:
- Տաբ ձմեռ է, որոշեցի մնալ Հայաստանում:
- Տեսա՞մ, որ երբ միասին եմ լինում, հաղթում եմ:
- Պատկերս հայրենիքում է, ես՝ օտարութեան մեջ:
- Մթան մեջ լույսը պահեցի:
- Հայոց անմահ զինվորներն ենք՝ ձեր հոգու:

3. Քո կարծիքով՝ ի՞նչ կատեին մյուս հրաշալիքները: Հիմնավորիր
պատասխանդ:

Ա՛Յ ԶԵՉ ԲԱՆ. ԻՆՉ ԿԱ-ՉԿԱ, ԻՆՉ
ԵՐԵՎՈՒՄ-ՉԻ ԵՐԵՎՈՒՄ՝ ՅԱ՛Յ-ՐԵ՛-ՆԻ՛Ձ Է



Նկարը՝ Մարտիրոս Սարգսանի



Դու նման ես քո ծնողներին, իսկ նրանք՝ իրենց ծնողներին: Իսկ ո՞ւմ է նման եղել Հայկ Նահապետը:

Կյանքը մանուկ է մի հրաշալի...

ՈԱԶՄԻԿ ԴԱԿՈՅԱԼ

ԹՈՐԳՈՄ ՆԱԳԱՊԵՏԻ ԵՎ ՀԱՅԿ ՆԱԳԱՊԵՏԻ ԶՐՈՒՅՑԸ

Ավանդությունն ասում է, որ մի օր Թորգոմ Նահապետն իր մոտ է կանչում որդուն՝ Հայկ Նահապետին, և շատ մտահոգ ասում.

- Դու իմ որդին ես, Հայկ: Ես ու դու ապրում ենք միասին: Ես քեզ եմ ճանաչում, դու էլ՝ ինձ, բայց ես շատ մտահոգ եմ: Երբ ես մահանամ, ու քո զավակները չտեսնեն ինձ, նրանք ինչպե՞ս պիտի իմանան, թե ինչպիսին եմ եղել ես, ինչ տեսք եմ ունեցել. հայա՛ցքս, մարմի՛սս, բազուկնե՛րս, թիկո՛ւնքս...

- Ճիշտ որ, ինչպե՞ս կիմանան,- մտահոգվեց Հայկը նույնպես, բայց հորը մխիթարելու համար ասաց.- մի՛ տխրիր, հայր, ես նրանց կպատմեմ քո մասին, կնկարագրեմ, թե ի՞նչ ահռելի ուժ ունեիր և ի՞նչ իմաստուն խելք:

- Է, Հայկ,- այնքան էլ չմխիթարվեց հայրը,- բա խոսքով ասվածը տեսնելուն հավասա՞ր է:

- Ճիշտ է,- համաձայնեց Հայկը, մտածելով, որ նույն ճակատագիրն էլ իրեն է սպասում,- իմ հեռավոր զարմերն* էլ ինձ չեն ճանաչի, չեն իմանա, թե ինչ տեսք է ունեցել իրենց նախապապ Հայկը:

- Ի՞նչ լավ կլիներ,- հառաչեց Թորգոմը,- եթե մարդիկ մեր պատկերները պահելու մի հնար գտնեին:

Անցան տարիներ, անցան դարեր, անցան հազարամյակներ...

Հայկը վազում էր տանն ու ճջում.

- Ես չե՛մ ճանաչում, չե՛մ ճանաչում,
Հայկ Նահապետին չե՛մ տեսել ես
Եվ ոչ էլ Թորգոմ Նահապետին:

Հայրիկն ասաց.

- Շրջվիր ու տե՛ս.

Մի հայելի կա՝ կախված պատից...

Նայիր ուշադիր և կգտնես

Այն պատասխանը, որ հուզեց քեզ:



Հայելուց քեզ է նայում, տղա՛ս,
Հայկ Նահապետի
Պատկերը պարզ,
Նա էլ նման է եղել հորն իր,
Այսինքն՝ Թորգոմ Նահապետին:



1. Ի՞նչն էր մտահոգում Թորգոմ Նահապետին, և ո՞ւմ հետ զրուցեց նա այդ մասին:
2. Ինչպե՞ս փորձեց մխիթարել Յայկը Թորգոմ Նահապետին:
3. Արձակ խոսքով ներկայացրո՞ւ հայրիկի ասածը և մեկնաբանի՛ր:

1

- ա) Բառախմբից առանձնացրո՛ւ հոմանիշները.
խոհեմ, ահեղ, ուժգին, վշտանալ, բանիմաց, մտասույզ, գիտուն, ողջամիտ, մտախոհ:
- բ) Բնագրի մեջ գտի՛ր միակ չառանձնացված բառի հոմանիշը:

2

- Տրված բառերն արտահայտի՛ր բառակապակցությամբ.
բարձրահասակ, սևաչա, շիկահեր, թիկնեղ, գեղեցկադեմ, սրամիտ, փոքրամարմին:
- Օրինակ՝ բարեսիրտ – բարի սիրտ ունեցող:

3

Յայկը հուր է, հրեղեն,
Յայկը հող է, հողեղեն,
Յայկը՝ հերոս հաղթական,
Յայկը՝ հրաշք հայկական:



Հիշի՛ր
«Յայկը և Բեկը»:

- ա) Երկու խմբով առանձնացրո՛ւ և գրի՛ր գոյականներն ու ածականները:
- բ) Գտի՛ր և գրի՛ր ածանցավոր բառերը, որոշի՛ր արմատն ու ածանցը:

4

Նայի՛ր հայելու մեջ և
սկարագրի՛ր քեզ: Ընդգծի՛ր
ածականները:

Առած

Ծառն արմատով է ծառ:

5

Փոխակերպում

Ծոռ – □ առ – տ □ ո – տա □ – պապ:

Մենք մեր նախնիների
արժանի հետևորդներն
ենք:





Դու հայարտ ես, որ հայ ես, և գիտես, որ մենք՝
հայերս, գալիս ենք դարերից: Դու շատ բանաստեղ-
ծություններ գիտես հայ ժողովրդի մասին: Ընթեր-
ցենք ևս մեկը:

Հիշի՛ր՝ այնտեղ է լոկ* սխրանքս* սկսվում,
Ո՛ր վերջանում է ամեն մի հնար...

ՊԱՐՈՒՅՐ ՍԵՎԱԿ

ՔԻՉ ԵՆՔ, ԲԱՅՑ ՀԱՅ ԵՆՔ

Մենք քիչ ենք, սակայն մեզ հայ են ասում:
Մենք մեզ ո՛չ մեկից չենք գերադասում:
Պարզապես մենք էլ պիտի ընդունենք,
Որ մենք, միայն մենք ևրարատ ունենք,
Եվ որ այստեղ է՝ բարձրիկ Սևանում,
Երկինքը իր ճիշտ պատճենը հանում:
Պարզապես Դավիթն այստեղ է կռվել,
Պարզապես Նարեկն այստեղ է գրվել,
Պարզապես գիտենք ժայռից վանք կերտել,
Քարից շինել ձուկ և թռչուն՝ կավից,
Ո՛հունցման համար և աշակերտել
Գեղեցկին,
Բարո՛ւն,
Վսեմի՛ն,
Լավի՛ն...


Մենք քիչ ենք, սակայն մեզ հայ են ասում:
Մենք մեզ ոչ մեկից չենք գերադասում:
Պարզապես մեր բախտն ուրիշ է եղել,
Պարզապես շատ ենք մենք արյուն հեղել,
Պարզապես մենք մեր դարավոր կյանքում,
Երբ եղել ենք շատ
Ո՛ր եղել կանգուն,
Դարձյա՛լ չենք ճնշել մեկ ուրիշ ազգի,
Ո՛չ որ չի տուժել զարկից մեր բազկի:
Եթե գերել ենք՝

Լոկ մեր գրքերով,

Եթե տիրել ենք՝

Լոկ մեր ձիթերով*...

Մենք մեզ ոչ մեկից չենք գերադասում,
Բայց մեզ էլ գիտենք -



Մեզ հա՛յ են ասում:

Եվ ինչո՞ւ պիտի չհպարտանանք...

Կանք: Պիտի լինենք:

Ո՛ր դեռ շատանանք:



1. Ըստ բանաստեղծության՝ ո՞ր հատկանիշներն են բնորոշ հայ ժողովրդին:

2. Ի՞նչ հրաշալիքների հանդիպեցիր բանաստեղծության մեջ: Ընթերցի՛ր այդ տողերը:

3. Մենք փոքրաթիվ ենք, սակայն մեծ՝ ինչո՞վ...

1 Բանաստեղծության ընդգծված տողերը հայ ժողովրդի ո՞ր հատկանիշներն են բնութագրում:

Գույների հաջորդականությունը քեզ ի՞նչ է հիշեցնում:

2 Բնագրի Արարատ, Սևան, բարձր, դարավոր, կանգուն, վսեմ, գեղեցիկ, վանք, ժայռ բառերով կազմի՛ր նկարագրական բնույթի տեքստ և ներկայացրո՛ւ ընկերներիդ:

3 Բարձրիկ, գեղեցիկ, բարի, վսեմ, լավ ածականներից կազմի՛ր բայեր: Օրինակ՝ վսեմ - վսեմանալ:

4 Փոխակերպում Զլից՝ շատ
 Զիչ - քի - կ թ - կա - կար
 - պա - պա - շատ:
 Կազմի՛ր մի նախադասություն՝ օգտագործելով քիչ, շատ բառերը:



Հիշի՛ր

Հայ - հատ - շատ:

ԿԱՐՄԻՐ ԿՈՎԸ ԿԱԵՆ ՉԻ ՓՈՆԻ, ԲԱՈՐ՝ ԿՓՈՆԻ

5 Բացատրի՛ր ընդգծված բառերի իմաստները յուրաքանչյուր նախադասության մեջ:

Գայլը **ռռնում էր**՝ դուռը մեկնած լուսնին:

Քամին **ռռնում էր**՝ ձյունոտ դաշտերում:

խոր ձորում վշտում էր գետը:

Շատ կարդաս՝ **խոր** գիտելիքներ կունենաս:

6

ա) **Քաղցր, ոսկի, պայծառ** բառերը անդադրի՞ր նախադասությունների մեջ:

1. Երգչուհին ուներ ձայն:
2. Ծիրանը պտուղ է:
3. Արարատյան դաշտում աշուն էր:
4. արևը փայլում է երկնքում:
5. Վիկտոր Համբարձումյանը միտք ուներ:
6. Գծուծ մարդը շատ է սիրում:

բ) **Ի՞նչ բառերի փոխարեն կարող են օգտագործվել պայծառ, ոսկի բառերը:**

«Ծիրանը **քաղցր** պտուղ է» նախադասության մեջ **քաղցր** բառն օգտագործվում է իր սովորական, ուղիղ իմաստով: **Քաղցր** բառը նախադասությունից դուրս դարձյալ նույն իմաստն է արտահայտում:

«Երգչուհին ուներ **քաղցր** ձայն» նախադասության մեջ **քաղցր** բառն օգտագործվում է **դուրեկան, հաճելի, հմայիչ** բառերի փոխարեն՝ **փոխաբերական իմաստով:**

ՀԵՏԱԶՐԶԻՐ Է ԻՍԱՆԱԼ

7

ՀԱՅԻ ԵՎ ՀԱՅԵՐԵՆԻ ՄԱՍԻՆ ԱՍԵԼ ԵՆ

Հայերը մինչև օրս աջակցել և կրթել են իրենց շրջապատող հարևաններին:

Գերհարդ Քլինգե, գերմանացի պատմաբան

Հայոց այբուբենը մի գլուխգործոց է:

Անտուան Մեյե, ֆրանսիացի լեզվաբան

Հայ ժողովրդի թանկագին հրաշալիքը հայոց լեզուն է:

Վիկտոր Համբարձումյան, հայ աստղագետ



Պատմահայր Մովսես Խորենացին հայ ժողովրդի մասին 5-րդ դարում գրել է.

«Թեպետ մենք փոքր ածու* ենք և շատ սահմանափակ թվով և շատ անգամ օտար թագավորության տակ ընկճված, բայց և այնպես մեր աշխարհում էլ քաջության շատ գործեր կան գործված՝ գրելու և հիշատակելու արժանի»...



Մարդիկ երջանիկ են իրենց ընտանիքում:
Երբևէ մտածե՞լ ես, թե ինչու...

Ձեզ համար նաև,
Իմ ժի՛ր մանուկներ,
Հույս, Հավատ ու Սեր:

ՍՈՐԵՆ ՎԱՐԴԵՎԱՆՅԱՆ

ՕՋԱՆԻ ՀԻՄՔԸ

Հայաստանի հին գյուղերից մեկում տանտիկինն առավոտյան դուրս է գալիս տան չորս կողմը մաքրելու և տեսնում է, որ երեք ծերունի են կանգնած՝ երկար մորուքներով ու բարի դեմքերով:

- Համեցե՛ք տուն, հյուր կլինեք,- դիմում է նա ծերունիներին:
- Բարի՛ տիրուհի, ամուսինդ տա՛նն է,- հարցնում են ծերունիները:
- Չէ՛, բայց դուք եկե՛ք, կհանգստանաք, կճաշեք, մինչև ամուսինս գա:
- Չէ՛, աղջի՛կ ջան, մենք կսպասենք, մինչև ամուսինդ գա:

Կինը ներս է մտնում, հարսի հետ տան գործերով զբաղվում ու մոռանում ծերունիների մասին:

Երեկոյան ամուսինը հոգնած վերադառնում է դաշտից: Երբ սեղան են գցում ճաշելու համար, կինը հիշում է, որ ծերունիները դեռ դրսում են:



- Ա՛յ մարդ,- ասում է,- առավոտվանից տան մոտ երեք ծերունիներ են կանգնած: Հրավիրեցի տուն, չեկան:

- Ա՛յ կնիկ, հյուրն Աստծունն է, հրավիրի՛ր, թող տո՛նն գան:

Կինը դուրս է գալիս ու հրավիրում ծերունիներին՝ ասելով, որ ամուսինն արդեն տանն է: Սակայն ծերունիները կրկին չեն գալիս՝ ասելով, որ իրենցից մեկը կարող է ներս գալ, որ իրենք սրբեր են. մեկը սերն է, մյուսը՝ հաջողությունը, երրորդը՝ հարստությունը:

- Ի՞նչ ես կարծում՝ տանտերերն ո՞ւմ ներս կհրավիրեն: Իսկ դո՞ւ...

Կինը վերադառնում է տուն ու ասում.

- Ա՛յ մարդ, ծերունիները սուրբ են, ու նրանցից ամեն մեկը մի բան է խորհրդանշում՝ հաջողություն, հարստություն, սեր: Նրանցից միայն մեկը կարող է գալ մեր տուն, եթե կանչենք:

Ամուսինը, որ ամբողջ կյանքում աշխատել էր ու որևէ բանի չէր հասել, ասում է.

- Ա՛յ կնիկ, բախտը հագիվ իր ոտով մեր դուռն է եկել: Արի՛ հարստությունը կանչենք ու մի քիչ մարդավայել ապրենք:

Կինը թե՛

- Ավելի լավ չի՞ լինի հաջողությունը կանչենք. օտարության մեջ որդի ունենք:

- Թո՛ղ քո ասածը լինի,- համաձայնում է ամուսինը:

Իսկ հարսը խնդրում է.

- Հայրի՛կ, մայրի՛կ, ի՛նչ կլինի՛ սե՛րը կանչեք, թող սե՛րը գա:

Մարդ ու կին իրար են նայում, հարսին են նայում, ու կինը, դուրս գալով, դիմում է ծերունիներին.

- Մենք սերն ընտրեցինք, թող սե՛րը գա մեր տուն:

Ծերունիներից մեկն առաջ է գալիս, մյուս երկուսը՝ նույնպես:

- Ես սերը կանչեցի,- ասում է կինը:

- Սիրելիներ՛, - ասաց ծերունիներից մեկը,- մի տեղ, որ սեր եղավ, այնտեղ հաջողությունն ու հարստությունն անպակաս կլինեն:



1. Մե՛մ տեսավ տանտիկինը տան մոտ: Ովքե՛ր էին նրանք:

2. Ընտանիքի յուրաքանչյուր անդամ ի՛նչ էր ուզում և ինչո՞ւ: Կարդա՛ բնագրի համապատասխան տողերը:

3. Ընտանիքն ընտրեց սերը. ինչո՞ւ մտան բոլորը: Այս հարցի պատասխանը վերընթերցի՛ր բնագրից և մեկնաբանի՛ր:

4. Ինչո՞ւ հենց սկզբից ծերունիները չընդունեցին հրավերը:

5. Զրույցն ինչո՞ւ է վերնագրված «Օջախի հիմքը»:

ԿԱՐՄԻՐ ԿՈՎԸ ԿԱՇԻՆ ԶԻ ՓՈՒՏԻ, ԲԱՈՐ՝ ԿՓՈՒՏԻ

1

Փակագծերում տրվածներից ընտրիր այն բառը, որը նախադասության մեջ կունենա փոխաբերական իմաստ:

Ձորակով հոսում էր (լեռնային, գայրացած, վճիտ) գետակը:

Ջաղաքի վրա հանդարտ իջավ (ցուրտ, ծմռան, վախվորած) երեկոն:

Փարթամ կանաչի մեջ (աճել էր, ժպտում էր, երևում էր) մի գեղեցիկ կակաջ:

(Զինջ, կապուտակ, զվարթ) երկինքը լավ եղանակ էր խոստանում:

2 Ինչե՞րն են հաշվում, ջարդում, ցույց տալիս, սրում: Պատասխան բառն օգտագործի՛ր ուղիղ և փոխաբերական իմաստներով:

3 **ԶՎԱՐԹ ՏՐԱՄԱԲԱՆՈՒԹՅՈՒՆ**

Մի մարդ ապրում էր ծնողների հետ և ուներ երկու զավակ: Նա ամեն օր հինգ լավաշ էր գնում: Մի անգամ հացավաճառը հարցրեց, թե ինչ է անում հինգ լավաշը:

- Մեկը ես եմ ուտում, երկուսը պարտքս եմ տալիս, երկուսը պարտքով եմ տալիս:

Հացավաճառը խնդրեց բացատրել: Դու կարո՞ղ ես բացատրել հացավաճառին:



4 **ԴԱՐՉԱԾ**

ԱՎԱՆՋՆԵՐԸ ՍՐԵԼ - մեծ ուշադրությամբ լսել, ուշադրությունը լարել լավ լսելու համար, ականջները չորս անել:

Հորինի՛ր մի պատմություն նկարների շուրջ՝ օգտագործելով «ականջները սրել» կամ «ականջները չորս անել» դարձվածները:



☺ **Խնդուկ**

- Երեկ ինչո՞ւ դպրոց չէիր եկել:
- Ատամս ցավում էր:
- Հիմա չի՞ ցավում:
- Զգիտեմ. հիմա ատամաբույժի մոտ է:

ԱՅԵԻ ԱՌԱՅ

Տյրսս
խորհրդանշել
Տարբալաջել

Այսպիսով, պատմվածքը սովորեցնում է, որ ընտանիքի հիմքը....
Ընդհատաբար էլ մի մեծ ընտանիք է, ուրեմն....



Հիշի՛ր

Երբ նեղն եմ ընկնում, երբ հույսս է հանգչում,
Նախ մորս, ապա Աստված եմ կանչում:



ՀՈՎՅԱՆՆԵՍ ՇԻՐԱԶ

Երիտասարդ հայություն,
Դո՛ւ ես հույսը մեր միակ:

ՄԱՅՐՍ

Մեր հույսի դուռն է մայրս,
Մեր տան մատուռն է մայրս,
Մեր օրորոցն է մայրս,
Մեր տան ամրոցն է մայրս,
Մեր հերն ու մերն է մայրս,
Մեր ճորտն ու տերն է մայրս,
Մեր տան անտունն է մայրս,
Մեր արծվաբույնն է մայրս,
Մեր տան ծառան է մայրս,
Մեր տան արքան է մայրս,
Մեր տան անճարն է մայրս,
Մեր դեղ ու ճարն է մայրս,
Մեր տան աղբյուրն է մայրս,
Մեր ծարավ քույրն է մայրս,
Մեր տան անթունն է մայրս,
Մեր անուշ քունն է մայրս,
Մեր տան ճրագն է մայրս,
Մեր արեգակն է մայրս:
Մայրս, մեր հացն է մայրս,
Մեր տան Աստվածն է մայրս...



1. Ո՞վ էր մայրը բանաստեղծի համար: Բանաստեղծն ո՞ւմ և ինչի՞ հետ է համեմատում մորը:

2. Հովհաննես Շիրազն իր սերն արտահայտել է բանաստեղծությամբ: Իսկ դո՞ւ ինչպե՞ս ես արտահայտում:

3. Ո՞ր տողերը կընտրես քո մայրիկին բնութագրելու համար:

4. Բանաստեղծության ո՞ր տողը կընտրես որպես վերնագիր և ինչո՞ւ:

1

Բանաստեղծության օրինակով հորինի՛ր մի բառատող հայրիկի մասին:

2) ա) Տրված բառերից ստացի՛ր բայեր.
 օրոր -
 ծարավ -
 բ) Տրված բառերն օգտագործի՛ր նախադասությունների մեջ ուղիղ և փոխաբերական իմաստներով:

3) Բանաստեղծությունից դո՛ւրս գրի՛ր փոխաբերական իմաստով գործածված բառերը:

4) Բառերը և դրանց բացատրությունները համապատասխանեցրո՛ւ իրար և գրի՛ր.
 մատուռ - վիշտն ամփելու* միջոց,
 ամրոց - փոքրիկ եկեղեցի, աղոթատեղի,
 ճորտ - լամպ, կանթեղ,
 դեղ ու ճար - անազատ մարդ, ծառա,
 ճրագ - բերդ, ամրություն:

5 ԳԱՂՏԱԳԻՐ

Ա	Ն	Մ	Ռ	Ք
Զ	Ա	Ա	Ե	ՌԻ
Գ	Գ	Յ	Զ	Մ
Ի	Ա	Ր	Ի	Է
Ա	Պ	Ե	Ր	:

Այստեղ ծածկագրված է ֆրանսիացի գրող Բալզակի միտքը մոր մասին: Վերծանի՛ր և գրի՛ր:

6) Դատարկ վանդակներում մտովի դի՛ր բեզ համար սիրելի մի բառ և գրի՛ր ստացված բառերը:

				ի	կ						
				ե	ն	ի					
				ա	հ	ա	մ				
				ա	ս	ի	ր	տ			
				ու	թ	յ	ու	ն			
				ա	ք	ա	ղ	ա	ք		
				հ	ա	յ	ա	ս	տ	ա	ն



«Մայր Հայաստան»
 Քանդակագործ՝
 Արա Հարությունյան

Առած

Որդին բռան մեջ ձվածեղ էլ անի, մոր երախտիքի* տակից չի կարող դուրս գալ:

Մայրերի ափի մեջ պետք է փնտրել ազգերի ճակատագիրը:
 Գարեգին Նժդեհ





Կյանքում հարազատ ու թանկ բաներ կան, որոնք չես կարող կորցնել, եթե...

Հայի բո տեսակը մեր հաղթանակների պտուղն է՝ ուսումնաստենչ, ինքնավստահ և հավատավոր: Հպա՛րտ նայիր աշխարհին:

ՎԻԵՏ ՀԱՐԱՅԵԼՅԱՆ

ՉՆՎԱԾՎԱԾ ԱՇԽԱՐՀԱՄԱՍ

Ով-ով, բայց պապն ու թոռը միմյանց հասկանում էին: Երբ պապը նստում էր ճոճռան թախտին և թիկնում բարձին, Հակոբիկն զգում էր, որ խոսելու կարիք ունի: Գնում էր ու կատվի պես կծկվում ոտքերի մոտ: Աշխարհի բոլոր պապերն էլ գեղեցիկ հեքիաթներ գիտեն: Բայց Արշակ պապն ուրիշ էր: Նա միայն մեկ հեքիաթ գիտեր. «Լինո՛ւմ է, չի՛ լինում լեռների մեջ մոլորված մի գյուղ է լինում: Ես գյուղը միայն մի ճանապարհ է ունենում, էն էլ տանում էր լեռան գագաթ...»:

Դա մի տխուր ու անվերջանալի պատմություն էր հեռվում թողած ծննդավայրի, հարազատ մարդկանց, տան ու լեռների մասին. «Ձեռքդ զգո՛ւմ էիր, ու քիչ էր մնում աստղերը մնային ափիդ մեջ...»:

Երբ մամը* հուզմունքից ծածկում էր արտասովախառն աչքերը, Հակոբիկն ըմբոստացած* վեր էր թռչում. «Պա՛պ, ո՛վ հնարեց այդ հեքիաթը, ո՛վ»:

Արշակ պապը լռում էր:

Այսօր պապի հեքիաթն այլ ընթացք ունեցավ, որովհետև Հակոբիկն ասաց.

- Պա՛պ, ասե՛մ քանի աշխարհամաս կա:

- Ասա՛, գա՛ռ ջան:

- Եվրոպա, Ասիա, Ամերիկա, Աֆրիկա, Ավստրալիա, Է՛, մեկը մոռացա, դժվար անուն էր:

- Տո՛ւն, - համարյա գոռալով ասաց պապը:

- Ի՞նչ, - զարմացավ Հակոբիկը:

- Տուն, Հակոբի՛կ, տո՛ւն: Եդ աշխարհամասի անունը ոչ մի գրքում գրված չի, բայց ամենամեծ աշխարհամասն է, ամենասիրունը, ամենա-



իսկականը: Գրքում գրում են էն աշխարհամասի անունը, որը նվաճել են, իսկ տունը չնվաճված աշխարհամաս է:

Հակոբիկը հավատում էր, որ կա այդպիսի աշխարհամաս՝ չնվաճված, ամենասիրուն, ամենաիսկական...

- Նկարելուց ո՞նց ես,- հանկարծ հարցնում է պապը:

- Նկարչությունս «հինգ» է դպրոցում,- հպարտ-հպարտ ասում է Հակոբիկը:

- Տո՛ւն նկարիր:

- Դրանից հեշտ բա՛ն,- ասում է Հակոբիկն ու վազում թուղթ բերելու: Նկարն ավարտելուց հետո պապին է հանձնում այն:

- Չէ՛, եղ չէ: Ի՛մ ուզած տունը նկարիր: Էնպե՛ս նկարիր, որ հա՛մ դուրսը երևա, հա՛մ էլ ներսը:

- Ախր ո՞նց կլինի, պա՛պ:

- Գա՛ն ջան, տուն ասածը միայն պատերը չեն: Էնպե՛ս նկարիր, որ արար աշխարհն իմանա, որ շեն տուն է: Որ իմանան՝ պատերից էն կողմ յոթ թախտ է, հինգ օրորոց: Օջախի սալը շիկացած է, Ջեյրան, Շեկո կովերը, Կարմիր եզը կուշտ են: Իմանան, որ Իսրո պապը քնած է, ճիշտ է, բայց ամբողջ օրը ձիու վրա է եղել: Նկարի՛ր, Հակոբի՛կ, քո հոգուն մտնեմ...

Հակոբիկը նորից է սկսում:

- Չեղա՛վ, Հակոբի՛կ, քո տունը տուֆ բարով է շինված: Զանդի՛ր, նորից սկսիր: Պատերը շարի՛ր անտաշ բարով, ծեփի՛ր հարդախառն* ցեխով: Դուռը փոխի՛ր, դարձրո՛ւ մեկփեղկանի: Թախտերը սենյակից տեղափոխի՛ր պատշգամբ, իբր ամառ է: Իսրո պապը թող հեծնի ձին: Օրորոցները հանի՛ր բակ: Մերս էլ թող դրսում երկանք աղա...

Արշակ պապը գորովանքով դիտում է թոռանն ու հրճվում:

- Հակոբի՛կ,- ասում է նա,- դու Չնվաճված աշխարհամասի բնակիչ ես:

Ով-ով, բայց պապն ու թոռը միմյանց հասկանում էին:





1. Ընտրիր և կարդա՛ այն տողերը, որտեղ խոսվում է.

- պապի և թոռան մտերմության մասին,
- հեռվում թողած տան նկատմամբ պապի կարոտի մասին:

2. Ինչո՞ւ չէին համընկնում պապի և թոռան պատկերացումները տան և աշխարհամասի մասին:

3. Պատմվածքն սկսվում և ավարտվում է նույն նախադասությամբ: Քեզ համոզե՛ց այդ միտքը: Յիմնավորիր:

1



Հիշիր

«Ամենից լավ տունը»: Համեմատիր խրճիթը պապի շեն տան հետ:

2

Յիշիր հայրենիքի հերոսներին և գրի՛ր, թե նրանք ինչպես են անառիկ ու շեն պահել մեր հայրենիքը:

3

Կազմիր նախադասություններ՝ կծկվել բառն օգտագործելով ուղիղ և փոխաբերական իմաստներով:

4

Բառքամոցի

Բնագրի մի բառից «բամվել» են հետևյալ գոյականները. հարս, համ, շահամաս, մարխ, աշխարհ: Գտի՛ր այդ բառը և շարունակի՛ր նոր բառեր «բամվել»:

5

Գտի՛ր աշխարհամաս, արտասովախառն, հարդախառն, ամենասիրուն բառերի բաղադրիչները և դրանցով կազմի՛ր նոր բառեր:

ԿԾԿՎԵԼ

ԲԱՌԸ՝ ԱՓԻ ՄԵՉ


Մարդն ուրախությունից ժպտում է, ծիծաղում, թռչկոտում: Իսկ ի՞նչ է անում, երբ ցուրտ է, ցավում է ինչ-որ տեղը, տհաճ անակնկալի է հանդիպում, վախենում է, վատ տրամադրություն է ունենում, ընկճված է լինում: Ծի՛շտ է՝ կծկվում է: Իսկ կծկվել՝ բառացի նշանակում է կծիկ դառնալ: Իսկ կծիկը հավասար փաթաթած և գունդ կազմած թելն է կամ գնդի նման փաթաթած որևէ բան: Գունդուկծիկ դառնալ՝ ինքն իր վրա փաթաթվելով, կուչ գալով՝ կծիկ, գունդ կազմել:



6 ԶՎԱՐԹ ՏՐԱՄԱԲԱՆՈՒԹՅՈՒՆ

Հին կամրջով Աշտարակի
Անցնում էին անշտապ
Երկու հայր, երկու որդի
Եվ մի պապ՝
Բռնած թռռան ձեռքից:

Ասա՛, քանի՞ հոգով
Անցան կամրջով:
Ով որ շուտ գտնի,
Կստանա երեք
Հեքիաթի խնձոր:



7 Հիշի՛ր «**Թորգոմ Նահապետի և Հայկ Նահապետի գրույցը**»: Ըստ այդ գրույցի՝ նախապապերի արտաքինն արտացոլվեց հայելու մեջ: Իսկ նրանց «առեղի ուժի» և «իմաստուն խելքի» մասին մենք տեղեկացել ենք ժողովրդական բանահյուսությունից.

դյուցազներգություն, հեքիաթ, առած, ավանդություն, գրույց, առակ,...

Ընտրիր բանահյուսության թվարկված նմուշներից մեկը և պատ-
րաստիր հաղորդում նախնիներից մեկի մասին:

8 Այս շարքի թեզ ծանոթ ստեղծագործությունների հեղինակները
հյուր են եկել: Նրանք պատասխանել են գրքի տված հարցերին:

Կռահի՛ր, թե որ պատասխանը որ հեղինակինն է.

- Պտուղը ծառից հեռու չի ընկնի:
- Մայրն աշխարհում միակ Աստվածն է, որն ուրացող չունի:
- Զիչ ենք, բայց համ ենք տալիս ճաշին:
- Ինչ չես կարող անել սրով, կանես սիրով:
- Խոսք կա՝ սարի գլուխ կհանի, խոսք կա՝ սարից ներքև կբերի:

Քո չնվաճված աշխարհամասն էլ Հայաստանն է: Ի՞նչն է նրան
անառիկ պահում:



ԳՐԻԳՈՐ ԳԵՎՈՒՆՑ

Աստվածաշնչյան խրատ
Իմաստության սկիզբը խրատը սովորելու ճշմարիտ ցանկությունն է:
Խորհի՛ր այս մասին:

ՀԱՅՐԱ

Հաճախ եր հայրս ինձ բարեմաղթում.

- Գլուխդ սա՛ռը պահիր,
- Սիրտդ, սակայն, տա՛ք,
- Ձեռքդ բա՛ց պահիր,
- Ճակատդ՝ հպա՛րտ,
- Աչքդ չո՛ր պահիր,
- Հայացքդ՝ հանդա՛րտ,
- Որ խաղաղ անցնես
- Քո բաժին ճամփադ...

Հաճախ եր հայրս ինձ բարեմաղթում.

- Մեջքդ պի՛նդ պահիր՝
- Այլոց չճկես*,
- Փորդ կո՛ւշտ պահիր՝
- Մուրող չլինես,
- Վիզդ ձի՛գ պահիր՝
- Բնավ չթեթես,
- Քո բաժին քչով
- Գոհունակ լինես...

Հաճախ եր հայրս ինձ բարեմաղթում.

- Ո՛հնկդ* բա՛ց պահիր,
- Որ շատ բան լսես,
- Լեզուդ հե՛տ քաշիր,
- Որ քիչ բան խոսես,
- Դուևչդ քե՛զ պահիր՝
- Զգայթակղվես,
- Քիթդ աշխատիր
- Ամեն տեղ չխոթել...

Ինչ էլ որ լինի հետո՛ գալիքում,
Ինչ էլ պատահի այս գնդի վրա,
Թող հայն ապրի իր Հայրենիքում,
Եվ Հայրենիքը միշտ հային մնա...



- Հա՛յր, չեմ մոռացել մաղթանքները քո,
Որ պահ տվեցիր իմ սրտին հատ-հատ,
Այժմ էլ ես եմ նոր սերունդներին
Ավանդում դրանք...



1. Ո՞ր բարեմաղթանքը քեզ ամենից շատ դուր եկավ: Կարգա՛ և պատճառաբանի՛ր:
2. Բանաստեղծության հերոսն ինչպե՛ս է վերաբերվել հոր բարեմաղթանքներին: Վերընթերցի՛ր այդ տողերը:
3. Ի՞նչ բարեմաղթանքներ և խրատներ ես լսել քո մեծերից: Գրի՛ առ դրանք:

1 Օգտվելով բանաստեղծությունից՝ փոխաբերական և ուղիղ իմաստով բառակապակցությունները համապատասխանեցրո՛ւ միմյանց և գրի՛ր.

առատաձեռն լինել

հպարտ լինել

սակավապետ լինել

շատախոս չլինել

ջերմ ու հոգատար լինել

ուշադիր և լսող լինել

ունկը բաց պահել

լեզուն իրեն քաշել

սիրտը տաք պահել

ձեռքը բաց պահել

մեջքը պինդ պահել

գոհանալ քչով

2 Փոխաբերական իմաստով արտահայտված օրինանք-բարեմաղթանքները ներկայացրո՛ւ ուղիղ իմաստով.

Յոթ որդով սեղան նստես -

Աղ ու հացով լինես -

Ճամփադ միշտ կանաչ լինի -

3 **Բառքամոցի**

Բարեմաղթանք բառով ընկերոջդ հետ խաղա՛ «բառքամոցի»:

Ինչու

- Հայրիկն օգնե՛լ է քեզ այս խնդիրը լուծելիս:
- Ո՛չ:
- Ճի՛շտն ասա:
- Ճիշտ եմ ասում, ինքը մենակ է լուծել:

Ուրաժ

Մարդը՝ մարդով, որդին՝ հորով:



Բարիքնե՛ր գործիր, ուր էլ որ լինես.
Այդ բարիքները գինվորների պես,
Որտեղ էլ լինես, կպաշտպանեն քեզ...



ՀՐԱԳՅԱ ՄԱՅԵԼՈՍՅԱՆ

Աջ եմ նայում հայրենիք է,
Ձախ եմ նայում հայրենիք է,
Մոտ եմ նայում հայրենիք է,
Հեռուներում հայրենիք է:

Հրաչյա Մաթևոսյան

Ես հավատում եմ հավերժ հին ու հավերժ
նոր մեր ժողովրդի ու նոր եկող սերնդի գր-
րավոր ճակատագրին:

ԱՅ ԶԵՉ ԲԱՆ. ԻՆՉ ԿԱ-ՉԿԱ, ԻՆՉ ԵՐԵՎՈՒՄ-ՉԻ ԵՐԵՎՈՒՄ՝ ՀԱՅ՝ՐԵ՛-ՆԻ՛Ք Է

...Երբ մանուշակները բուրում են, ու
բուրմունքը մատնում է թփերի տեղը,
երբ քարապուտերը* կարմիր-կարմիր
զարդարում են քարաթմբերը, երբ
երկինքների կապույտներից բաժանված
ամպերը ձոր են որոնում, դու ամբողջ
մարմնով դողում ես, նայում հորդ
ճակատին, նայում հորդ երեսին, աչքերդ
հառում նրա քթին, որ հասկանաս
մեծերի խոսքը՝ հոր քթից է ընկել:

- Մեծացել ես, տղա՛ս,- ձեռքը դրեց
ուսիս, շոյեց ճլորած վիզս:

- Բա ի՞նչ անեի... Ո՛ւշանում էիր,
հայրի՛կ:

- Ես եկել եմ, տղա՛ս, չեմ ուշացել:
Ո՛ւշացել են նրանք, ովքեր զոհվեցին:

- Ինչո՞ւ զոհվեցին, հայրի՛կ:- Ես
զգացի, որ աչքերս չռված են, իսկ լեզուս թառ եմ տվել:

- Կռվում էին,- տնքաց ու հոգոց հանեց հայրս:

- Իսկ դու չէի՞ր կռվում:

- Կռվում էի: Իսկ կռվում բոլորը չէ, որ զոհվում են: Բոլորը որ զոհվե՛ն,
ո՛ւր կհասնենք: Էլ հասնելու տեղ չենք ունենա:

- Մեր ամեն ինչի դասատուն ասում է՝ կռվում են հանուն հայրենիքի,
զոհվում են հանուն հայրենիքի, զոհվում են իրենց պատվի, արժանա-
պատվության համար: Ճիշտ է ասում, չէ՞, հայրի՛կ:

- Ճիշտն էլ բան է,- ծոր տվեց հայրս:- Կռվի օրերին օր չի եղել, որ
մոռանամ ձեզ՝ իմ մեծին, քեզ, իմ պուճուրին, տունը, տեղը, այ, ես քարափը,
տես, է՛, քարապուտերը ո՛նց են ալավ-բոցին տալիս: Բա մեր ծմակը*: Ես
են հեռուներում, են կրակ ու պատիժ որոտների մեջ լսում էի մեր անտառի



ծայնը, թռչունների համերգը, մտքով մեր սարերի ճամփան էի ընկնում ու գնում, գնում, թե պիտի հասնեմ իմ սիրած աղբյուրի ջրերին:

Հայրս հանկարծ ինձ սեղմեց կրծքին, աչքերը փակեց, արցունքի կաթիլները քամվելով ընկան: Ես զարմացա: Երեխա՞ է: Բանակ գնացածը, կռվածը, բարով-խերով եկածը արցունք կունենա՞, լաց կլինի՞:

- Տղա՛ս, շա՛տ եք սոված մնացել:

- Չէ՛, մաման ասում էր՝ խաղո՞ւմ ընկեք, դասո՞ւմ ընկեք, գործո՞ւմ ընկեք, որ սովը մտահան անեք: - Բռնեցի հորս ձեռքը: - Ա՛յ հեր, ասա՛, հասկանամ, էդ մեր ամեն ինչի դասատուն որ ասում է, թե հանուն հայրենիքի, դա ո՞րն է...

- Ա՛յ ապրես... Նայի՛ր վերև: Ի՞նչ է: Երկինք: Մեր տան, մեր գյուղի, մեր սարի, մեր ծմակի երկինքն է, մեր ամեն օրվա, մեր գիշեր-ցերեկվա երկինքը. արև անի՛ մերն է, կարկուտ անի՛ մերն է: Ես ծաղկած հողը, որին հեր ու տղա նստել ու իրար կարոտ ենք առնում, ես հողը, որ մեզ հաց է տալիս...

- Ես լծին նստել եմ, հոտաղություն* եմ արել, «Ալվան ջան», «Ծիրան ջան» եմ ասել, խաշիլ եմ կերել...

- Գիտեմ,- ասաց հայրս,- նաև հենց դա՛ ակոսում նստել, քո, եզան, մաճկալի*, խոփի բացած ակոսում նստել ու խաշիլ ուտելը, ես, ես, ես անուշ օրը, ես կորուստները հիշելը, էգուց ի՞նչ է լինելու... Ամեն, ամեն ինչ, ինչ տեսնում ու չես տեսնում, հայրենիք է, ինչ կա-չկա, ինչ երևում-չի երևում հայ-րե՛-նի՛ք է:

- Ես ջաղացի տեղն էլ գիտեմ: Աղուն* եմ տարել, աղացել ենք:

- Ջաղացն էլ է հայրենիք:

- Հայրի՛կ, ինչո՞ւ ես հեռուները հասել, էստե՛ղ կռվեիր:

- Էստեղ կռիվ չկար: Աստված չաներ: Կռիվն ահավոր բան է: Ոտի տակ կկորչենք: Բեզարած* եմ: Կռվից չխոսենք:

Հորս ձեռքը թուլացած ընկավ ծնկիս: Զիչ հետո զգացի, որ նա քնած է: Տեսնես մեկ էլ ե՞րբ է եսպես քնել: Երեխա ժամանա՞կ: Պատերազմ գնալուց առա՞ջ: Ես նայեցի կապո՛ւյտ-կապոյտ երկնքին, մեր ծմակին, սարի ճամփին, քարափի կարմիր-կարմիր պուտերին, հորս շունչն առա, նայեցի նրան, զգացի, որ ամեն ինչ՝ հայրս էլ հետը, հայրենիք է:



1. Որտեղի՞ց էր վերադարձել տղայի հայրը, ինչո՞ւ էր ուշացել:

2. Ինչպե՞ս էին բացատրում «հանուն հայրենիքի» արտահայտությունը.

- ամեն ինչի դասատուն,

- հայրիկը:

Կարդա՛ բնագրի համապատասխան հատվածները:

3. Հիշի՞ր՝ ովքեր են մարտնչել հանուն հայրենիքի:

4. Հոր և որդու զրույցում ի՞նչ զգացմունքներ են արտահայտված:

5. Դու համաձայն ես, որ՝
 ա. պատերազմը միայն հեռու մարտադաշտում էր,
 բ. «Էստեղ»՝ գյուղում, կռիվ չկար,
 գ. պատերազմին մասնակցում էին տղան, ամեն ինչի դասատուն, մայրիկը,
 ջրադացը... Հիմնավորիր:

1

Բնագրի դարձվածները և արտահայտությունները համապատասխանեցրու իրար.

լեզուն թառ անել
 հոր քթից ընկնել
 ալավ-բոցին տալ
 հոր շունչն առնել
 աչքերը չռել

շատ նման լինել հորը
 զարմանալ, հուզվել
 լուռ մնալ, համրանալ
 խայտաբղետ, վառվռուն դառնալ
 հոր ներկայությունն զգալ

2


Ճիշտ լրացրու խաչբառը և նրա ընդգծված տողերում կկարդաս «հայրենիք» բառի հոմանիշները:

Տողեր.

2. Բույն + օրրան =
6. Ծնունդ + վայր =
8. Տաք է պահում գլուխը:
9. Տոն, երեկույթ, համերգ, ներկայացում:

Սյունակներ.

1. Նանիկ:
2. Բույն + աշխարհ =
3. Օտար մարդ:
4. 365 հատիկ ունեցող պտուղ:
5. Ցնծությանմբ լի:
7. Սխրանք, հերոսություն անող:



Առած

🌻 Ով հայրենիքի համար չի անում ամեն ինչ, նա չի անում ոչինչ:

Դու քո երկրին սրտի՛ց նայիր,
 Սիրո ծոցի՛ց, ձորի՛ց նայիր,
 Արագածի լույս գագաթի՛ց,
 Սրտիդ միջի՛ց նորից նայիր:

Եվ դու կզգաս, ով էլ լինես,
 Որ մեծ է մեր Հայաստանը,
 Որ էլ լինես՝ քո սրտի մեջ
 Զեզ հետ է միշտ Հայաստանը:
 Հրաչյա Մաթևոսյան

Անհիշելի ժամանակներից սկսած մինչև մեր օրերը հայ բանաստեղծները գովերգել են մեր մայր լեզուն. իզուր չէ, որ ժողովուրդն ասում է. «Լեզու ունես՝ ընդմիշտ կապրես, լեզուդ կորավ՝ հետը կորար»:
 Կարդանք և տեսնենք, թե հեղինակը՝ Հովհաննես Ծիրազը, ինչպես է մեզ հասցրել Մաշտոցի պատգամը:

ՀՈՎՀԱՆՆԵՍ ԾԻՐԱԶ

ՀԱՅՈՑ ԼԵԶՈՒՆ

Մի սփյուռքահայ պատանու

Մերոպ Մաշտոցն ասաց՝ որդի՛ս,
 Էլ ինչո՞վ ես հույսը բերդիս.
 Էլ հայրենիք ինչո՞ւ եկար,
 Թե պիտ խոսես օտար լեզվով:
 Իրավ, քանի լեզու գիտես,
 Այնքան մարդ ես, իրավն ասին,
 Բայց որ քո հայ լեզուն չունես,
 Էլ ի՞նչ հույս ես քո Մասիսին:
**Բայց նա հայ է, ով հովազի
 Արնախում* երախումն էլ
 Իր մայրենի լեզվով խոսի,**
 Խոսի լեզվով իր հայրենի,
 Հայոց լեզվով, որ միշտ ջահել,
 Մեզ բյուր դարեր հայ է պահել:



Տարերի պուրակում



1. Ո՞րք է ուղղված բանաստեղծի խոսքը: Ինչո՞ւ:
2. Ի՞նչ է պատգամում Մերոպ Մաշտոցը սփյուռքահայ պատանուն: Պատմիր քո բառերով:
3. Ինչպե՞ս ես հասկանում բանաստեղծության ընդգծված տողերը:
4. Մենք գիտենք, թե ինչու է մեր լեզուն կոչվում հայերեն: Մտածիր՝ ինչո՞ւ ենք այն կոչում նաև մայրենի:

1

Լեզվին փակ դնել, լեզուն բռնվել, լեզուն կապ ընկնել, լեզվին տալ, լեզվի կապերն արձակել, լեզվին զոռ տալ, լեզուն կծել, գլխի ընկնել:
 ա) Բացատրիր դարձվածների իմաստը:
 բ) Ընտրիր հոմանիշ դարձվածները:
 գ) Գրիր մեկ բառով:

2

ա) Լրացրո՛ւ առածները՝ օգտվելով տրված բառերից.

Լեզվի կծածին չկա:

Ցորեն հաց չունես, ցորեն լեզու

Լավ է կաղ լինել, քան լեզվից:

Օձի կծածը, լեզվի կծածը չի լավանա:

Անուշ լեզուն մեղրից է:

.... լեզուն կարճացնում է կյանքը:

Քանի լեզու գիտես, այնքան ես:

Աշխարհը շինողը և լեզուն է:

(մարդ, քաղցր, դեղ, ոտք, լավանալ, քանդել, երկար, ունենալ)

բ) Խմբավորի՛ր փակագծերի բառերը և տեղադրի՛ր աղյուսակում.

գոյական	ածական	բայ
.....

3

«Ինչից է սկսվում հայրենիքը» երգում ասվում է.

Գուցե նկարներից քո այբուբենի,

Ընկերներից քո՝ մոտ ու բարի,

Որ ապրում են բակում մեր կողքի,

Իսկ գուցե հայրենիքն սկսվում է

Մայրիկի երգած օրորներից...

Իսկ ինչ է հայրենիքը քեզ համար: Ինչպես է դրսևորվում բո սերը հայրենիքի նկատմամբ:

4 ԶՎԱՐԹ ՏՐԱՄԱԲԱՆՈՒԹՅՈՒՆ

Մաղով ջուր կրել դարձվածը ցույց է տալիս մի անօգուտ, անիմաստ, անհնարին բան անելը:

ա) Դու երբևէ մաղով ջուր կրե՞լ ես:

բ) Իսկ կարո՞ղ ես մաղով ջուր կրել:



Դու դեռ շատ լեզուներ ես սովորելու և իրավունք կունենաս հպարտանալու դրանով: Սակայն հիշի՛ր՝ շատ լեզուների իմացությամբ հպարտանալու իրավունք չունի նա, ով չգիտի իր մայրենին:



ԼԻՊԱՐԻՏ ՍԱՐԳՅԱՆ

Մեծ Մեսրոպ Մաշտոցն ստեղծեց հայոց այբու-
բենը, որով արարվեց մեր հոգևոր հայրենիքը: Իսկ
ովքե՞ր են սովորեցնում այդ հայրենիքում արժանա-
պատվորեն ապրելու արվեստը:

Սիրենք մեր հողը,
Սիրենք լեզվի նման մայրենի,
Հիշենք՝ դրախտն իսկական
Տո՛ւն-օջախն է հայրենի:

ՀԱՅՈՑ ՌԻՍՈՒՅԻՉ

Ես՝ մի խոնարհ աշակերտ, Դու՝ վեհ ու վսեմ,
Ի՞նչ բառերով արժանի քեզ ներբող* հյուսեմ,
Քեզ, որ դարեր մեր հոգու խավարը վանել,
Սիրո, լույսի, բարության սերմեր ես ցանել:

Որ երբ խրճիթ ես մտել զանգի դողանջով,
Դպրոց է դարձել և լցվել արարման շնչով,
Նոր ոգի ես հաղորդել մեր արյան հոսքին,
Ո՛ր պահողն ես դարձել մայրենի խոսքի:

Դու, բռնած մեր ձեռքը ամուր, այսօր էլ, ահա,
Նոր բարձունքներ ես տանում խիզախ ու անահ,
Սովորեցնում օտարից ոչինչ չհայցել,
Եվ երազած տունը մե՛ր ձեռքով կառուցել:

Ես՝ մի խոնարհ աշակերտ, Դու՝ վեհ ու վսեմ,
Ի՞նչ բառերով սրտագին քեզ ներբող հյուսեմ,
Որ պարզ լինի, քեզ վայել՝ իբրև հուշարձան,
Քեզ՝ մեր հոգու հերկերի անմահ սերմնացան:



1. Կարդա՛ այն տողերը, որոնք բնութագրում են ուսուցչին և նրա կատարած գործը: Մեկնաբանի՛ր:

2. Սերմնացան բառի բաղադրիչներով բացատրի՛ր բառի իմաստը: Ինչո՞ւ է հեղինակն ուսուցչին համարում «հոգու հերկերի սերմնացան»:

3. Հեղինակն իր վերաբերմունքն արտահայտել է բանաստեղծական խոսքով: Իսկ դո՞ւ...

1

Բանաստեղծությունից դո՛ւրս գրիր հոմանիշ և հականիշ բառազույգեր: Կազմի՛ր նախադասություններ՝ օգտագործելով այդ բառերը:

2

Բնագրից դո՛ւրս գրիր փոխաբերական իմաստով գործածված բառակապակցությունները: Դրանք դարձվածներ են: Ուրիշ ի՞նչ դարձվածներ են հիշում:

3

Տրված հոմանիշներից յուրաքանչյուրից ընտրի՛ր մեկ տառ և գտի՛ր ներքևի գծապատկերում թաքնված և այդ բառերին հոմանիշ մի բառ:

վ ս ե մ

ս ե գ

հ ա ր տ

4

Հարցազրույց անցկացրու ձեր դպրոցի ուսուցիչների հետ «Իժվա՛ր է ուսուցիչ լինելը» թեմայով:


Գրառի՛ր:

Ի՞նչ նոր բան իմացար:

Ի՞նչը քեզ զարմացրեց:

Ի՞նչը քեզ ոգևորեց:

Ես հասկացա, որ....



5

ՉԿԱՐԹ ՏՐԱՄԱԲԱՆՈՒԹՅՈՒՆ

ՈՒՍՈՒՑԻՋՆ ԴԱՍԱՐԱՆՈՒՄ ՆԵՐԿԱՐԱԳԱԿԱ ԱՐԵԳ: Դասին ներկա էին 8 աղջիկ, 7 տղա: Ընդամենը քանի՞ մարդ կար դասարանում:

6

Գրի՛ր, թե որ անվանումը որ առարկայինն է: **պտուտակ, հարթաշուրթ, ունեյի, պտուտակիչ, շղթա, ապարանջան:**

Դու իմացար, որ թո մեջ մի կայծ վառելու համար ուսուցիչն իր մեջ լույսի մի ամբողջ ծով է կուտակում:

Դու աշխարհը տեսել ես, թե ինչպես են կաղիները, խնձորը, տանձը ծառից ընկնում: Երբևէ մտածե՞լ ես, թե ինչ են լինում այդ պտուղները. թռչուններն են ուտում, մրջյուններ՞րը, թե՞...

Կարո՞ւմ ես կիսմանաս, թե ինչ զարմանալի բան պատահեց մեր հերոսին:

ՎԱՍԻԼԻ ԲԻՐՅՈՒԿՈՎ

ԿԱՂԻՆԸ

Ճյուղից կախված կաղիներն ուրախանում էր.

- Ա՛յ թե գեղեցիկն եմ ես: Ծապիկս դիմացկուն է, ոչ մի անձրև ինձ չի թրջում: Գլխարկս ամուր է: Այսպես իմ հարազատ ծառի վրա կձմեռեմ:

Ուրախանում էր նա, ուրախանում, և հանկարծ մի կատաղած քամի սկսվեց:

- Վա՛յ,- բղավեց կաղիները և պոկվեց ու ընկավ գետնին:

Պառկած ստուգեց գլխարկը, շոշափեց կողերը. ամեն ինչ տեղում էր:

- Հիմա ի՞նչ պիտի անեմ,- շուրթերը սեղմելով՝ վշտացավ կաղիները:- Հարազատ ծառից տես թե ուր եմ թռել: Այնտեղ գոնե տերևների տակ էի թաքնվում, իսկ այստեղ...

Պառկել էր կաղիները և տխուր մտքերի մեջ ընկել: Իսկ քամին պոկում էր ոսկեգույն տերևները և նետում թաց գետնին:

- Սկսեց տաքանալ,- ասաց կաղիները և ծածկվեց տերևներով:

Շրջվեց, հարմար պառկեց և քնեց:

Շատ էր քնել, թե քիչ՝ արևն սկսեց տաքացնել: Առվակները քթբացին:

Կաղիները, թաց գետնին պառկած, վատ էր զգում: Ծուռուռուռու եկավ և վեր կացավ:

- Մի տես, է՛, կեչին տերևակալել է,- զարմացավ նա:

Փորձեց գլորվելով մոտենալ կաղնուս, բայց ինչ-որ բան խանգարեց նրան: Նայեց ներքև ու բղավեց.

- Վա՛յ, ինձ ոտքեր են աճել:

Ուժեղ գլխարկն ուղղել, տեսավ՝ այնտեղ տերևներ են աճել:

Կաղիները դարձել էր կաղնի:





1. Կաղինն իրեն ինչպե՞ս էր զգում հարազատ ծառի վրա: Հիմնավորիր կարծիքդ պատմվածքի տողերով:

2. Հետո փոխվե՞ց կաղինի տրամադրությունը: Ինչո՞ւ: Ի՞նչ պատահեց:

3. Ինչպե՞ս ավարտվեց պատմվածքը: Արդյո՞ք բո մտածածը և այս ավարտը համընկնում են:

4. Ըստ բեզ՝ պատմվածքի ավարտին ինչպիսի՞ն էր կաղինի տրամադրությունը: Ի՞նչ է արտահայտում «Վայ, ինձ ոտքեր են աճել» նախադասությունը.

ա) ուրախություն, բ) վախ, գ) զարմանք, դ) տխրություն: Ընտրիր այս տարբերակներից մեկը, հիմնավորիր և նախադասությունը կարդա՝ համապատասխան ինչերանգով:

5. Ի՞նչ կապ ես տեսնում պատմվածքի վերջին նախադասության և նկարի միջև:

1

«Հանկարծ մի կատաղած բամի սկսվեց» նախադասության մեջ կատաղած բառը փոխարինիր այն բառերով, որոնք նախադասության իմաստը չեն փոխի.

ջղայնացած, բարկացած, կորացած, մոլեգնած, սարսափած, գազազած, զայրացած:

2

ա) Բնագրից ընտրիր ո՞վ (ի՞նչ), ինչպիսի՞ (ո՞ր), ի՞նչ է անում (ի՞նչ է լինում) հարցերին պատասխանող հինգական բառ և գրիր՝ առանձին սյունակներով:


բ) Ի՞նչ անուն կդնես սյունակներից յուրաքանչյուրի վերևում:

3

Բնագրից ընտրիր սիրուն, խոնավ, ջերմացնել, տրտում բառերի հոմանիշները:

4

Վերծանիր խառնագիրը: Հիշիր մի առած ծառ-ով և ստացված բառով:



ՀԵՏԱԵՐԲԻՐ Է ԻՍԱՆԱԼ

5

Այս երգը երգում են հայոց բանակի զինվորները: Դու էլ երգիր:

Ես մի բուռն եմ բո հողի,
Ես մի ծիլն եմ բո արտի,
Ես մի զարկն եմ բո բազկի,
Հայրենի՛ երկիր, Հայաստան:

Բնագրի մեջ դու հանդիպեցիր **շրջել** և **շուրթ** բառերին: Ինչքան էլ զարմանալի թվա, այս երկու բառն էլ **շուռ** արմատից են ծագել: Սկզբում **շուռ + թ = շուռթ**, իսկ հետո **թ**-ն դարձել է **ջ, ուն՝ ր**, բառը՝ **շուրջ**:

ՈՒՋՈ՞ՒՄ ԵՍ ԱՎԵԼԻՆ ԻՄԱՆԱԼ

Վարդան Չորավարը, Իջևանում կանգ առած ժամանակ, մի կաղնի է տնկել Ակնաղբյուրի մոտ: Կաղնին, 1500 տարի ապրելուց հետո, 1974 թվականին կայծակահար եղավ և տապալվեց (բարձրությունը 50 մետր էր, ուներ փչակ, որտեղ կարող էր տեղավորվել 25-30 մարդ):

1975 թվականին Ակնաղբյուրում մի նոր կաղնի տնկեց մարշալ Բաղրամյանը: Ծառն օրեցօր աճում է ու զորանում:



ԱՋԵԻ ԱՌԱՋ



*թրջել
յրերևակայել*

6

Հիշիր

«Մաթեմատիկա-2, 3»

21 - բսան + մեկ = բսանմեկ

104 - հարյուր չորս

1951 - հազար ինը հարյուր հիսունմեկ

«Ուիզո՞ւմ ես ավելին իմանալ» տեխնից դուրս գրիր թվերը, դասավորիր անման կարգով և գրիր բառերով:

7

Երկու արմատից կազմված հայերեն ի՞նչ բառեր նկատի ուներ արտասահմանցին, երբ դրանք արտասանում էր այսպես. **տեսել համ, ընկալել հյուր, նկարել լույս, հարել թմբուկ:**

Դու էլ հիմա կաղնու մի ծիլ ես, որը հետո հայրենիքի համար դառնալու է հզոր կաղնի:



Ծնված օրվանից մեզ օրորում են երագները:
Պարզվում է՝ ոչ միայն մեզ...

Կարողացիր գմայլվել ու զարմանալ և մի օր դու
էլ կդառնաս գմայլելի ու զարմանալի:

ՂՈՒԿԱՍ ՍԻՐՈՒՆՅԱՆ

ԵՂԵԳԸ, ՈՐԸ ՇԱՏ ԷՐ ՈՒՉՈՒՄ ԴԱՌՆԱԼ ՍՐԻՆԳ

Հագարավոր եղեգների մեջ կար մի նուրբ, կարմրավուն եղեգ, որն իր բոլոր ազգակիցների նման ցանկանում էր դառնալ սրինգ: Որովիետև եղեգները սրնգից բացի դառնում են նաև զամբյուղ, խսիր, տան ծածկ և ուրիշ այլ բաներ: Դե, քնական է, որ այդ-բանի մեջ ամենատպավորիչը սրինգ դառնալն է:

Մեղմ քամու դեմ հեզանազ* ճոճվող եղեգնուտում ամենանրբագեղը Կարմիր եղեգնիկն էր:

Ամեն անգամ, երբ գյուղացին գալիս էր եղեգնուտ՝ եղեգ տանելու, սա ձգվում էր ոտքի վրա, բարակ տերևներով ծափ զարկում ու գեղանի ճոճվում, որպեսզի նկատվի: Բայց ջանքերը զուր էին անցնում. գյուղացին ուրիշների էր տանում:

Իսկ մեկ անգամ աշնանը Կարմիր եղեգնիկի բախտը բերեց: Նրան նկատեց մարդը, հատեց սուր դանակով, խնամքով դրեց կապոցի մեջ, շալակն առած տարավ տուն: Կապոցի եղեգները կարծես անտարբեր էին իրենց ճակատագրի հանդեպ: Տարուբերվելուց նրանք խուլ ձայներ էին հանում, ոմանք նույնիսկ դժգոհում էին այս ուղևորությունից: Իսկ Կարմիր եղեգնիկն անչափ երջանիկ էր, աշխատում էր դարձյալ գեղանի երևալ ու քամու շունչն իր միջով անցկացնելով՝ վերածել հուզիչ երգի:

Գյուղացին եղեգները հասցրեց տուն, դասդասեց, թե որից ինչ պիտի սարքի, ու անցավ գործի:

Բայց ի՞նչ դժբախտություն. Կարմիր եղեգնիկը չդրվեց նրանց մեջ, որոնք պիտի սրինգ դառնային: Նրա վշտին չափ ու սահման չկար: Լեզու չունեի, որ խնդրեր, բացատրեր, համոզեր: Իր միակ «գենքը» գեղեցիկ մարմինն էր ու հաճելի երգը: Բայց դրանք չօգնեցին. գյուղացին որից սրինգ պատրաստեց, որից զամբյուղ ու խսիր* հյուսեց, մնացածն էլ դարձրեց տանիքի ծածկ:



Ամենատարօրինակ բախտը բաժին ընկավ Կարմիր եղեգնիկին: Գյուղացին սրանից մի շերտիկ անցկացրեց զամբյուղի մեջ, մի շերտիկ հյուսեց խսիրին, իսկ մնացած մասը դրեց ծածկի մեջ:

...Հետագայում ոչ մեկը գլխի չէր ընկնում, թե այգուց միրգ բերելիս ինչու է երգում զամբյուղը, կամ ինչու է նվագում խնձորենու տակ փռված խսիրը: Իսկ ամենատարօրինակը՝ ո՞վ էր տեսել, որ տանիքը երգի գեղեցիկ ու հուզիչ երգեր...



1. Ի՞նչ էր երազում Կարմիր եղեգնիկը: Ընթերցի՛ր համապատասխան հատվածը:

2. Ի՞նչ պատահեց եղեգնիկին:

3. Ինչո՞վ էր տարօրինակ Կարմիր եղեգնիկին բաժին ընկած բախտը:

4. Բնագրից գտի՛ր այն բառերն ու արտահայտությունները, որոնց միջոցով արտահայտվում է հեղինակի համակրանքը եղեգնիկի նկատմամբ:

5. Քո կարծիքով՝ իրականացա՞վ, արդյոք, եղեգնիկի երազանքը: Հիմնավորի՛ր:

6. Ըստ քեզ՝ ինչի՞ մասին կարող էր նվագել խսիրը, ի՞նչ կարող էին երգել զամբյուղն ու տանիքը:

1 Բնագրից դ՞ուրս գրի՛ր ածականները և լրացր՛ու հետևյալ աղյուսակը.

պարզ	բարդ	ածանցավոր
.....

ԵՂԵԳ, ՍՐԻՆԳ

ԲԱՌԸ՝ ԱՓԻ ՄԵՋ

Կա այսպիսի մի գրույց: Սրինգը հավերժահարս էր: Հին հունական Պան աստվածն ուզեց բռնել սրան: Սրինգը փախավ և տեսնելով, որ Պանը շուտով հասնելու է, կանգնեց ու դարձավ եղեգ: Պանը կտրեց եղեգը, սրինգ պատրաստեց և նվագեց:



Երազանքիդ հասնելուն քեզ կօգնեն հայրենի հողն ու ջուրը, արևն ու երկինքը:



Ճիշտ է, Հայաստանը ծովեր չունի, բայց գետերով հարուստ է: Գիտե՞ս, նույնիսկ Հայաստանի հին անուններից մեկը եղել է Նաիրի, որը նշանակում է գետերի երկիր: Այդ պատճառով մեր գրողներից շատերն են գրել բանաստեղծություններ գետերի մասին:

ՀԱՄՈՍԱԴՅԱՆ

Ինձ համար ծով է մի կաթիլ ցողը...

ԳԵՏԸ

Գետը լեռներից շառաչով գալիս
Եվ անց է կենում դաշտերի միջով,
Կանչում, կարկաչում, հորձանք է տալիս,
Ափերն է զուգում զմրուխտ կանաչով:

Պաղ ջուր է տալիս մարդուն ու բույսին
Եվ կաթիլն անգամ զուր չի կորցնում,
Կյանքի է կոչում կայաններ լուսի
Եվ ինքն իր ճամփին լույս տալով գնում...

Այսպես, վաստակած նա ծով է մտնում,
Եվ ծովն է վերջին կայանը նրա,
Բայց ծովի մեջ էլ հանգիստ չի գտնում,
Նավեր է պահում իր կրծքի վրա:

Դու էլ գետի պես անցիր քո ճամփան
Եվ նման եղիր գետի հորձանքին,
Որ կյանքիդ վերջին կայանում անգամ
Ինչ-որ մի բանով պետք լինես կյանքին:



1. Ըստ բանաստեղծության՝ նկարագրիր լեռնային գետի ճանապարհը և կատարած գործերը:
2. Քո կարծիքով՝ ինչո՞վ է մարդու կյանքը նման գետի հոսանքին:



*Հիշիր
«Փետակը»:*

3. Համեմատիր գետի և գետակի կատարած գործերը:

1 **Գետ** բառով կազմիր այնպիսի՝ բառակապակցություն, որը դառնա բանաստեղծության նոր վերնագիր:

ՀԱՆԳԵՐ-ՉԱՆԳԵՐ

2

Հեղինակը՝ Համո Սահյանը, բանաստեղծության մեջ գործածել է այսպիսի հանգաբառեր.

գալիս - տալիս
մտնում - գտնում

Շարունակի՞ր հանգավորել.

կանչող - լացել -

գալիս է - եղան -

իմացիր - աղալ -

3

Գետ բառով կազմի՞ր բարդ և անանցավոր բառեր:

4

Փոխակերպում

Գետ - ետ - կե - կր
- կո - ծով:

5

7, 2, 1, 1000 թվերը գրի՞ր բառերով ու տեղադրի՞ր առածների մեջ:

Մի խելքը լավ է, ավելի:

.... անգամ չափիր, անգամ կտրիր:

Մի գնդակով նապաստակ չես խփի:

խելոքին ասա, անխելքին՝
... ու մեկ:

Հանելուկ

☀ Ի՞նչ մայր է, որ իր ձագերի կաթով է սնվում:



ՈՒՉՈ՞ՒՄ ԵՍ ԱՎԵԼԻՆ ԻՄԱՆԱԼ

ՇԱՔԱՐԱԶՈՒՐ ԳԵՏԱԿԸ

Ավանդություն

Մի հովիվ ունենում է Շուշան անունով մի աղջիկ, որի նմանը չկար աշխարհում: Նա որ ծիծաղում էր, սարերում շուշաններ էին բացվում, որ լաց էր լինում, արտասուքներն աղբյուրներ էին դառնում: Ասում են, թե այս գետակը Շուշանի արտասուքներից է գոյացել: Ջրի քաղցրահամ լինելու պատճառով գետակը կոչվել է Շաքարաջուր:

Հիշո՞ւմ ես՝ Սևանի մեջ թափվում է 28 գետ ու գետակ:
Ծովին խառնվող գետի նման դո՛ւ էլ պիտանի եղիր քո հայրենիքին:



Այսքան մոտ եմ,
Բայց կարոտ եմ Մասիսին...

Հովհաննես Շիրազ

ԳԵՎՈՐԳ ԷՄԻՆ

Մենք փո՛քր ենք, այո՛,
Ձեզ ո՛վ էր ասում,
Մեզ սեղմեք այնքան,
Որ մենք ստիպված... աղամանդ դառնանք:

Ա՛խ, ԱՅՍ ՄԱՍԻՍԱԸ

Ա՛խ, այս Մասիսը...

Որից փափկում են սրտերը բոլոր,
Երբ ինքը... քար է:


Որ ջերմացնում է սրտերը մուլոր,
Երբ ինքը... սառն է:

Որ աշխարհներից հեռավոր-հեռու,
Բոլոր հայերին այստեղ է բերում,
Երբ ինքն... այստեղ չէ:

Միաբանության քարոզ է կարդում
Աշխարհում ցրված հայերին անտուն,
Երբ որ... կիսված է:

Որ մեծ սիրո պես
Ո՛չ հեռանում է,
Ո՛չ էլ գալիս է...

Ա՛խ, այս Մասիսը:



1. Ըստ բանաստեղծության՝ ամբողջացրո՛ւ միտքը և մեկնաբանի՛ր Մասիսը.

- քար է, բայց....
- սառն է, բայց....
- այստեղ չէ, բայց....
- կիսված է, բայց....
- ո՛չ հեռանում է, ո՛չ էլ...

2. Ի՞նչ ես կարծում հայերն ինչո՞ւ են այդքան սիրում Մասիսը և ինչպե՞ս են այդ սերը դրսևորում:

1

ա) Օգտվելով տառերի թվային արժեքների աղյուսակից (էջ 5)՝ վերծանի՛ր ծածկագրված բառերը:

8690, 6690, 4690, 2801, 4091, 4609, 2640:

Օրինակ՝ 9690 = 9000 + 600 + 90 = ք + ո + ղ = քող:

բ) Վերծանի՛ր նախադասությունը:

4609 7, 401 720 9420:

2

ա) Գրի՛ր այբուբենի երեսուներորդ տառի անունը: Փոխելով անվան վերջին տառը՝ ստացի՛ր նոր բառեր: Զանի՞ բառ կազմեցիր: Համեմատի՛ր ընկերոջդ գրած բառերի հետ:

բ) Բառարանից օգտվելով՝ գտի՛ր այդ բառերի բացատրությունը:

3

Շարունակի՛ր

փափուկ - փափկել

մոլոր -

սառը -

ջերմ -

հեռու -

ՀԱՆԳԵՐ-ՉԱՆԳԵՐ

4

Լրացրո՛ւ վերջավորությունները և ստացի՛ր իրար հետ հանգ կազմող բառեր:

ա) քան-, վան-, ման-, իան-,

բ) չա-, թա-, լա-, ճամ-,

գ) աս-, պաս-, կայ-, պա-:

ՌԻԶՈ՞ՒՄ ԵՍ ԱՎԵԼԻՆ ԻՄԱՆԱԿ

Մասիս լեռան բարձրությունը հինգ հազար հարյուր վաթսուհինգ մետր է: Այն աշխարհի ամենաբարձր լեռն է՝ հաշված ստորոտից մինչև գագաթ՝ չորս հազար երեք հարյուր մետր: Փոքր գագաթը հաճախ անվանում են Սիս: Նրա բարձրությունը երեք հազար ինը հարյուր քսանհինգ մետր է: Սիսի և Մասիսի գագաթների հեռավորությունը մոտ տասը կիլոմետր է:

Նշված թվերը գրե՛ք թվանշանների օգնությամբ և գտե՛ք, թե Մեծ Մասիսը քանի՞ մետրով է բարձր Փոքր Մասիսից՝ Սիսից:



Սիս + Մասիս = Արարատ

Մեծ և Փոքր Մասիսները ձեռք ձեռքի տված կարոտով սպասում են քո հայրենանվեր գործերին:



ՄԻԼՎԱ ԿԱՊՈՒՏԻԿՅԱՆ

Երևի հայրենիքը հենց այն է, որ դու տեսնում ես, ուրիշը չի տեսնում:

Երևի հայրենիքը հենց այն է, որ կորցնելուց հետո այլևս ոչինչ չես ունենա կորցնելու:

Վարդգես Պետրոսյան

Եվ ուզում եմ ես, որ ձեր երազը
Չունենա ոչինչ պակաս ու թերի:

ՀԱՅՐԵՆԻՔ

Լեռները հպարտ վե՛ր են բարձրանում,
Որ փառքդ վերև՝ տանեն, հայրենի՛ք:
Արծիվները վես* երկինք են հասնում,
Որ փառքդ երկինք տանեն, հայրենի՛ք:
Հովերն ու հողմերն աշխա՛րհ են շրջում,
Որ փառքդ չորս կողմ տանեն, հայրենի՛ք:
Աղբյուր ու գուսան ե՛րգ են կարկաչում,
Որ փառքիդ գովքը անեն, հայրենի՛ք:
Իսկ զավակներ՛դ, զավակներ՛դ անգին
Իրենց արյո՛ւնն են տալիս սրտագին,
Որ փառքդ անմա՛հ պահեն, հայրենի՛ք...



1. Ըստ բանաստեղծության՝ ի՞նչ են անում.
լեռները, արծիվները, հովերն ու հողմերը, աղբյուրն ու գուսանը:
Պատմիր:

2. Ըստ բանաստեղծության՝ ի՞նչ են անում զավակները: Հայրենիքի
փառքի համար ուրիշ ի՞նչ կարելի է անել:

3. Նամակ գրիր սփյուռքահայ բո հասակակցին՝ նկարագրելով ձնեղավայրդ:

1 Բառակապակցություններն արտահայտի՛ր մեկ բառով.

- 2 թև ունեցող,
- 7 գլուխ ունեցող,
- 8 ոտք ունեցող,
- 4 հարկ ունեցող:

2 ա) Թվային բաղադրիչով դարձվածներն արտահայտի՛ր մեկ բառով.

- հավասարեցնել գրոյի,
- յոթ սարից այն կողմ,
- երկու բայի վրա:
- բ) Դարձվածներն օգտագործի՛ր նախադասությունների մեջ:

Դու տեսնում ես երեք սլացիկ բարդի:

Առաջին բարդու վրա կանգնած է մեկ արագիլ:
Երկրորդ բարդու վրա տեսնում ես երկու արագիլ:
Երրորդ բարդու վրա արագիլները երեքն են:

Մեկ, երկու, երեք բառերը ցույց են տալիս
յուրաքանչյուր բարդու վրա եղած արագիլների
թիվը, քանակը:

Առաջին, երկրորդ, երրորդ բառերը ցույց են տա-
լիս բարդիներից յուրաքանչյուրի թվային կարգը,
դասը, այսինքն՝ թե տվյալ բարդին շարքում
որերորդն է:



U

Առարկաների թիվ (1, 2, 3...) և թվային
կարգ (առաջին, երկրորդ, երրորդ...) ցույց
տվող բառերը կոչվում են թվական կամ
թվական անուն: Թվականը պատասխանում է քանի՞, որքա՞ն,
ինչքա՞ն, քանի՞երրորդ հարցերին:

U

Առարկայի թիվ, քանակ ցույց տվող թվականները քանակական
թվականներ են: Առարկայի կարգ, դաս ցույց տվող թվականները
դասական թվականներ են:

3

Քար, առաջին, փափկել, սիրտ, տասնհինգ, հինգերորդ, ջերմացնել,
կարդալ, քառասուն, անտուն, չորրորդ, մոլոր, հազար, բարձր, հեռա-
վոր, սար, երկու, աշխարհ, կանչել բառերը բաժանի՞ր չորս խմբի: Ի՞նչ
են ցույց տալիս յուրաքանչյուր խմբի բառերը: Ի՞նչ անուն կդնես
խմբերից յուրաքանչյուրին:

4

**Որոշի՛ր՝ որ բառերի հետ են գործածվել թվականները, և այդ
բառակապակցությունները գրի՛ր տետրում:**

Դու սովորում ես չորրորդ դասարանում:

Արագածն ունի չորս գագաթ:

Հայ շախմատիստները գրավեցին առաջին տեղը:

Սևանա լիճ թափվում է քսանութ գետ ու գետակ:



Հայրենիքը հենց այն է, որ անհնար է հասկանալ խելքով,
չափել մետրերով, նրան կարելի է և պետք է հավատալ
միայն:

Վարդգես Պետրոսյան



Երբ հնչում են Ամանորի զանգերը, երկնքից մեր սրտերին երագանքներ են իջնում, որոնք բարեմաղթանքների միջոցով հասնում են մեր սիրելիներին...


ՄԵՏԱԶՆԵ

Գրքի նկատմամբ անտարբեր լինել նշանակում է անտարբեր լինել մարդու նկատմամբ:

ՆՈՐ ՏԱՐՎԱ ԳԻՇԵՐ

Թե աշխարհում փակ դռներ կան, թո՛ղ որ բացվեն այս գիշեր, ՈՒ Նոր տարին նոր խնդությամբ թող նե՛րս մտնի այս գիշեր, Թե կան դատարկ, համր տներ, մանկան ճիչո՛վ թող լցվեն, Ով փնտրում է սրտանց մեկին, հանկարծ գտնի այս գիշեր:

Թե կան տխուր, լացող աչքեր, թող ծիծաղե՛ն այս գիշեր, Կանչող ձեռքերն իրար հասնեն, հրաշք ապրեն այս գիշեր, Թե կան սրտեր՝ չար նախանձով, դառնան բարի ու ներող, Եվ ուրիշի ուրախ կյանքով խանդավառվեն այս գիշեր:



Թե մոլորված անցորդներ կան, դարձի՛ թող գան այս գիշեր, Սրբագործված սիրով մտնեն իրենց օջախն այս գիշեր, Թե կան բախտի փշոտ ճամփեք, թող ծաղկունքո՛վ կանաչեն, ՈՒ երջանիկ սպասումով բոլորն արբեն այս գիշեր...

Թե աշխարհում պանդուխտներ* կան, թող տո՛նն դառնան այս գիշեր, Հայրենական հավերժությամբ ողջագուրվե՛ն այս գիշեր, Արարչագո՛րծ իմ ժողովուրդ, թո՛ղ որ խմենք մինչև լույս Թափվող ձյունի նման մաքուր խղճիդ կենա՛ցն այս գիշեր...



1. Անգիր սովորիր բեզ դուր եկած բառատողը:
2. Հայրենիք, սեր, ընտանիք, հայրենադարձություն բառերից ո՞րը ո՞ր բառատողին կվերագրես: Ինչո՞ւ:

ԹՎԱԿԱՆԻ ԵՐԳԸ


Թվականն եմ խորհրդավոր,
 Խոսքի մաս եմ շատ պատվավոր,
 Ցույց եմ տալիս մինչև անհուն,
 Թե՛ թվի կարգ, թե՛ թվանուն:

ՉՎԱՐԹ ՏՐԱՄԱԲԱՆՈՒԹՅՈՒՆ

Թվականներն անվերջ են:
 Կարո՞ղ ես ասել, թե ինչու:

- 2 Լրացրու խաչբառը և ընդգծված սյունակում կկարդաս, թե որն է հրաշալիքների հրաշալիքը:

ԽԱՉԲԱՐ «ՅՐԱՇԱՆԻՔՆԵՐ»



- 1 Բարեմաղթանքնե՛ր գրիր ընկերոջդ և փոխանցիր նրան:

Հանելուկ

🌀 Եկավ օրով, գնաց տարով:



Հիշիր
 «Ներկնքի բոլոր աստղերը
 ճանաչում էին նրան»:



4



8



... լիճ

6




3



Սասունցի ...

2

7



Սուրբ ...

5



... Մաշտոց

Լավ բան մտածիր, որ լավ բան կատարվի:
 Հայ ժողովրդական առած

ԱՄՓՈՓԻՐ ԻՄԱՅԱԾԴ, ԱՏՈՒԳԻՐ ԻՆՔՂ ԶԵՉ

1. Ամբողջացրո՞ւ միտքը և ասա՛, թե որ բնագրից է:

Մեր ամեն ինչի դասատուն ասում է....

Նա է հայը, ով....

Դու բռնած մեր ձեռքը՝ տանում ես....

....., որովհետև կաղինը կաղնի էր դարձել:

Դու էլ գետի պես անցիր քո ճամփան, որ....

....., որ փառքդ վերև տանեն, Հայրենի՛ք:

Բոլոր հայերին այստեղ է բերում, որովհետև....

Թող որ Նոր տարվա այս գիշերը....

2. Քեզ ծանոթ ո՞ր հեղինակներին հանդիպեցիր այս բաժնում:


Հիշիր նրանց ստեղծագործություններից:

3. «Ուրիշն ես ավելին իմանալ» բնագրից (էջ 71) սյունակներով գրիր գոյականները, ածականները, բայերն ու թվականները:

4. Գրի՛ր բառեր, որոնց մի տառը փոխելով՝ կատանաս թվականներ:

Օրինակ՝ մեզ – մեկ, մեխ – մեկ:

5. Իմաստային ի՞նչ ընդհանրություններ ես տեսնում հետևյալ ստեղծագործություններում:



ԵՍ ԱՅՆՊԵ՛Ս ԱՍԵՄ, ԴՈՒ ԱՅՆՊԵ՛Ս ՀԱՍԿԱՑԻՐ

Երկու հասուլիկներ, համով-համով ուտելով, խոսում էին: Նրանցից մեկը, հերթական կարկանդակը բերանը դնելով, ասաց.

- Հիշո՞ւմ ես մեր դասարանցի Արայիկին:

- Այո՛, հիշում եմ:

- Երկու օր առաջ տեսա՛ **ցամաք ձորի աղվես** էր դարձել:

- Չի՛ կարող պատահել: Մարդը աղվես չի դառնում: Համ էլ ի՞նչ իմացար, որ ցամաք ձորի աղվես է:

- Ինձ ճիշտ չհասկացար: Ուզում եմ ասել՝ **ոտքի վրա հալվել էր, վիզը տանձի պոչ էր դարձել:**

- Ձևեմա՞րդ է, ի՞նչ է, որ հալվի: Վիզը որ տանձի պոչ դառնա, գլուխը վրան չի մնա:

- Է՛, լավ չես հասկանում: **Ոտքի վրա չորացել էր, մենակ քիթն էր մնացել:**

- Ինչքան էլ չորանա, մարդուց միայն քիթը չի կարող մնալ:

- Ինձ լավ չես հասկանում: Ասում եմ շատ խիստ նիհարել էր. **քթից բռնեիր՝ շունչը կտար:**

- Զեզ պե՞տք է նրա շունչը, որ ուզում ես քթից բռնել:

Այսպես զրուցում էին երկու հասուլիկները:

Ինչո՞ւ իրար չէին հասկանում ընկերները:

ՎԱՅՍՎԱՆ Ա. ՍԱՐԱՅՆԱ





Դու կարողացիր երկու ընկերների երկխոսությունը և կռահեցիր, թե նրանք ինչու իրար չհասկացան: Այժմ կարդանք և տեսնենք, թե ինչ պատահեց, երբ ընկերացան արջն ու օձը:

Սիրեցե՛ք հայ լեզուն, և հայ ժողովուրդը չի՛ կորչի:

ԱՎԵՏԻՔ ԻՍԱՀԱԿՅԱՆ

ԱՐՋՆ ՈՒ ՕՁԸ

Ինչպես եղավ, որ մի անգամ
Արջն ու օձը դարձան ընկեր,
Ընկեր դարձան ու բարեկամ:
«Մեկս քնի,
Մեկս հսկի,
Իրար շահենք,
Իրար պահենք,
Ընկերովի կյանք վայելենք»:
Այսպես ասին, երդվեցին,
Իրար ազնիվ խոսք տվեցին,
Օձը՝ արջին, արջը՝ օձին:
Անցավ այս կերպ մի ժամանակ:
Եվ շարունակ
Երկու ընկեր սիրով, սրտով
Նստան-ելան ու քուն մտան
Կարգով, հերթով:
Սակայն օձի սողքը* բեկբեկ*
Դուր չէր գալիս արջին երբեք:
Ո՛ր մի օր էլ արջը ժայռին
Թիկն էր տվել արևկողի,
Հանկարծ օձը՝ ուլոր-մուլոր
Եկավ, ասես, գաղտագողի:
Վախն ու կասկածն առավ արջին,
Ելավ կանգնեց նստած տեղում:
«Ես ծուռումուռ գնացողին,
Ընկեր լինի, թե կաթնախաբե*,
Չէ՛, չեմ սիրում, ես չե՛մ ուզում»:
Գոռաց այսպես և թաթն ուժգին
Դրեց, սեղմեց օձի գլխին
Ո՛ր մյուս թաթը օձի մարմնով



Մինչև այդը քաշեց թափով.
Ապա մոտիկ հոսող գետին
Հանձնեց օձի անկենդան դին:
Եվ նայելով ջրերի հետ
Նետի նման սուրող օձին՝
Գոհ մրթմրթաց բեղերի տակ.
«Ա՛յ, ընկերը եսպես շիտակ
Պիտի լինի,
Դե՛հ, շիփ-շիտակ գնա՛ հիմի»:



1. Ի՞նչ պայմանավորվեցին արջն ու օձը:
2. Ի՞նչը դուր չեկավ արջին, և ինչպե՞ս վարվեց նա:
3. Ընտրի՛ր քո կարծիքով ճիշտ տարբերակը և քննարկի՛ր ընկերներիդ հետ.

- Արջը մեղավոր էր (մեղավոր չէր), որովհետև....
 - Օձը մեղավոր էր (մեղավոր չէր), որովհետև....
4. Առակի հիմնական միտքն է.
- Ընկերության մեջ պետք է շիտակ ու ազնիվ լինել:
 - Երբ ցանկանաս, կարող ես հրաժարվել ընկերոջից:
 - Դիմացիկի նկատմամբ պետք է լինել հանդուրժող. ընդունել նրան այնպիսին, ինչպիսին նա կա:
 - Ո՛րք հետ ուզես, կարող ես ընկերանալ:
 - Եթե կասկածներ ունես, պարզաբանի՛ր ընկերոջդ հետ: Դիմնավորի՛ր ընտրությունդ:

1 Առակը բաժանի՛ր դրվագների, վերնագրի՛ր և շարադրի՛ր արձակ:

2 «Շուռումուռ գնալ» և «շիկի-շիտակ գնալ» հականիշ արտահայտություններն օգտագործի՛ր նախադասությունների մեջ:

3 Չիշի՛ր և գրի՛ր առածներ և ասացվածքներ ընկերության վերաբերյալ:

4 Գրի՛ր, թե որ անվանումը որ առարկայինն է. ջահ, անվադող, երկծանի, վարդակ, համակարգիչ, սրճեփ, ամրակ:

5 ԶՎԱՐԹ ՏՐԱՄԱԲԱՆՈՒԹՅՈՒՆ

- Զանի՞ ոտք ունեն արջն ու օձը միասին:
 - Զանի՞ օր են քնում ձմռան երեք ամսում արջն ու օձը միասին:
- Պատասխանները (թվականները) գրի՛ր բառերով:



Առած

🌸 Օձն իր շապիկը կփոխի, քնույթը* չի փոխի:

Ընկեր ընտրի՛ր առանց շտապելու: Առավել ևս մի՛ շտապիր փոխել նրան:



Պարզվում է, որ աղվեսն ու գայլն էլ հաշվել գիտեն, բայց արի ու տես, որ «ուղտի պարը կամրջին է բռնում»:

Մաղթում եմ, որ ուրիշների և ինքդ քեզ հետ վիճելու քիչ պատճառներ ունենաս:

ՍԵՐԳԵՅ ՎԱՐԴԱՆՅԱՆ ՎԵՃԸ

- Ղա՛, ղա՛, փախե՛ք-փրկվե՛ք,- անտառով մեկ աղմկեց ագռավը,- որսորդներ են մտել անտառ, փախե՛ք-փրկվե՛ք...

Գազաններն իրար հրմշտելով նետվեցին անտառի խորքերը:

Գայլը, դուրս գալով ծառի հետևից, բռնեց փախչող աղվեսի վզից.

- Ի՞նչ է պատահել, ի՞նչ ես իրար անցել:

- Որսորդներ են մտել անտառ, ի՛նձ են որոնում:

- Իսկ ինչո՞ւ են հենց քե՛զ որոնում:

- Բա էլ ո՞ւմ,- զարմացավ աղվեսը,- նրանք եկել են իմ մորթու համար:

- Չա՛, հա՛, հա՛,- խռպուտ ու մրսած ձայնով ծիծաղեց գայլը,- եթե դու աղվես ես, ես քո պոչն եմ, ուրեմն ես՝ անտառի տիրակալս, քո կարծիքով՝ ոչինչ չարժե՛մ, որ որսորդներն ինձ թողած ընկել են մի ինչ-որ քնձռոտ աղվեսի հետևից:

- Այո՛, հենց ի՛մ հետևից:

- Գիտե՞ս ինչ: Ինձ խաբելը հեշտ չէ, գնա հա՛վ գտիր, խաբի՛ր,- գայրացավ գայլը:

- Այո՛, իմ մորթու համար են որսորդներն անտառ եկել, ի՛մ, ի՛մ մորթու,- ասաց աղվեսը:

- Իսկ ի՞նչ է, մենք մորթի չունե՞նք, տկլո՞ր եսք: Քանի՛ անգամ են բուրդս գգել գյուղի շները, բայց դե չլինի-չլինի, մի երկու աղվեսի մորթու չափ վրաս մնացած կլինի:

- Է՛, մի՛ ծիծաղեցրու,- քթի տակ խնդաց աղվեսը,- բուրդին է հայտնի, որ ամբողջ անտառում իմ մորթուց լավը չկա:

- Թո՛ւ,- գայրացավ գայլը,- դե որ այդպես է, եկ հաշվե՛նք, թե ով է ավելի թավամազ:

Գայլն սկսեց աղվեսի մորթու մազերը հաշվել, իսկ աղվեսը՝ գայլի: Նրանք հաշվում էին, հաշվում, իսկ որսորդների շների հաչոցները գնալով ավելի ու ավելի մոտիկից էին լսվում:



-...Հագար հարյուր տասը, տասնմեկ, տասներկու,- հաշվում էր գայլը, երբ շատ մոտիկից լսվեց շների ձայնը: Նա ցցեց ականջները, շուրջը նայեց և աղվեսին ասաց.

- Լսո՞ւմ ես, արի՛ փախչենք...

- ...Ուրեք հարյուր երեսունհինգ, երեսունվեց. ի՞նչ է, տեսար, որ վրադ մազ չկա, շների՞ն ես պատճառ բերում, ասա՛, որ ի՛մ մորթին է ավելի լավը,- ասաց աղվեսը:

- Ո՛չ մի դեպքում, երբե՛ք,- ասաց գայլը, և նրանք շարունակեցին հաշվել:

Ագռավը, որ այս ու այն կողմ էր թռչում, բոլորին զգուշացնում, նրանց տեսնելով, կանչեց.

- Հե՛յ, ժամանա՛կ եք գտել վիճելու, փախե՛ք-փրկվե՛ք, շները հասա՛ն...

Բայց գայլն էլ, աղվեսն էլ նրա վրա ուշադրություն չդարձրին և շարունակեցին հաշվել: Մեկ էլ ծառերի հետևից վրա պրծան որսորդների շները և գայլին ու աղվեսին այնպե՛ս գզեցին, նրանց բուրդն այնպե՛ս քամուն սովեցին, որ նրանք հագիվիազ մազապուրծ փախան:

- Ա՛յ թե շները ձեր մազերը լավ հաշվեցին,- նրանց հետևից կռավեց ագռավը:



1. Ի՞նչ իրարանցում էր անտառում: Պատմիր:

2. Ինչո՞ւ վիճեցին գայլն ու աղվեսը:

3. Ինչո՞վ ավարտվեց վեճը:

4. Քո կարծիքով՝ ինչո՞ւ պատժեցին վիճաբանողները:

5. Աղվեսի ու գայլի մասին քո պատկերացումները համեմատիր պատմության հերոսների վարքագծի հետ և դրան համապատասխան հորինիր նոր ավարտ:

1 Հեռուների արաբներում ի՞նչ դատապարտելի հատկանիշներ նկատեցիր: Գրիր: Քեզ կօգնեն հետևյալ առածները.

- Հիմար գլխի պատճառով տուժում են ոտքերը:
- Ջուրն էկել, ջրաղացն է տարել, դու չախչախս՝ ես փնտրում:
- Ի՞նչ ես կորցրել, ի՞նչ ես ման գալիս:
- Կռվի մեջ փլավ չեն բաժանում:
- Ուղտի պարը կամրջին է բռնում:

2 «Մազերը հաշվել» արտահայտությունը բնագրի տարբեր նախադասություններում գործածվել է ուղիղ և փոխաբերական իմաստներով: Գտիր և գրիր այդ նախադասությունները:

3

Առակում դատապարտվում է.

- վախկոտությունը,
- սնապարծությունը,
- ստախոսությունը,
- դավաճանությունը:

Ընտրի՛ր ճիշտ պատասխանը. դրան համապատասխան հիշի՛ր առածներ և գրի՛ր:

4

Բնագրից դ՛ուրս գրիր թվականները և շարունակիր բառերով գրել մինչև շների վրա հասնելը.

- գայլինը՝ մինչև 1116-ը,
- աղվեսինը՝ մինչև 840-ը:

U

11-99 թվականները գրվում են միասին՝ մեկ բառով:

Օրինակ՝ տասնհինգ, երեսունմեկ, ինսունինը:

100-ից բարձր թվերը գրվում են առանձին բառերով:

Օրինակ՝ հարյուր քսանչորս, հազար վեց հարյուր երեսունութ, հինգ հազար վեց հարյուր քառասունինը:

ԴԱՐՁՎԱԾ

Թե դու աղվեսն ես, ես քո պոչն եմ արտահայտությունն օգտագործում են, երբ ուզում են ասել, որ իրենք էլ պակաս հասկացող և խորամանկ չեն, գիտեն, թե դիմացինն ինչ է ուզում անել, ինչ կա դիմացինի մտքում, որ իրենց խաբելն այդքան էլ հեշտ չէ:



ՄԱՉԱՊՈՒԾ

ԲԱՌԸ՝ ԱՓԻ ՄԵՋ



Մազապուրծ նշանակում է հագիվ-հազ պրծած, մի կերպ փորձանքից, աղետից ազատված: Իսկ ի՞նչ արմատներից է կազմված **մազապուրծ** բառը: Թվում է, թե՛ **մազ** և **պրծնել**: Սակայն բառի արմատներն են **մազ**-ը և **ապուր**-ը: **Ապուր**-ը **ապրել** բառի արմատն է: Իսկ **ապրել** սկզբնապես նշանակել է ճողոպրել, ազատվել:



Սնապարծությունն ու հիմարությունը նույն տանն են քնակվում: Մի՛ թակիր այդ տան դուռը:



Աշխատասեր մարդկանց հաճախ համեմատում են մեղուների ու մրջյունների հետ: Զանի որ դու ոչ միայն աշխատասեր ես, այլև ընթերցասեր, կարդա՛ այս առակը:

Միասին աշխատեք, միասին վայելեք, հաշտ ու խաղաղ ապրեք:

ԱԹԱԲԵԿ ԽՆԿՈՅԱԼ

ԾՊՈՒՌՆ ՈՒ ՄՐՋՅՈՒՆԸ

Թռի-վռի մի ճպուռ,
Ողջ ամառը շուռումուռ,
Երգեց, ճռռաց,
Ճռճռաց:

Մին էլ, ըհը՛, ձմեռը
Փռեց իր ցուրտ թևերը:
Բացեց գորգը սպիտակ,
Դաշտերն առավ ձյունի տակ:

Անցան պայծառ օրերը,
Էլ ո՞րն ասեմ, էլ ո՞րը,
Երբ ամեն մի թփի տակ
Թե՛ սեղան կար, թե՛ օթյակ*:

Եկան օրեր ցրտաշունչ,
Ճպուռն ընկավ լուռումունջ,
Զաղցած փորին էլ ի՞նչ երգ,
Ցուրտը տարավ ոտ ու ձեռք:

Չընգր-զընգր դողալով,
Ծանր-ծանր սողալով՝
Նա մրջյունին ասում է.

- Գլխի՛դ մատաղ, սանամե՛ր*,

Մի ճա՛ր արա՛ շունչ առնեմ,
Ցրտից, սովից չմեռնեմ.

Կերակրի՛ր, տաքացրո՛ւ,
Մինչև գարուն ապրեցրո՛ւ:

- Ես ի՞նչ բան է, սանի՛կս,
Չարմանում եմ, ջանի՛կս,

Չաշխատեցի՛ր ամառը,
Ասա՛ ի՞նչն էր պատճառը:

- Այդպես բանի, սանամե՛ր,
Էլ ժամանակ ո՞վ ուներ.

Այն խոտերում բուրավետ



Երգում էինք մերոնց հետ:

- Ուրեմն՝ դո՞ւ...

- Այո՛, է՛ս...

Ողջ ամառը դեն ու դես,

Երգում էի մշտապես:

- Երգո՞ւմ էիր... Շա՛տ բարի,

Այժմ էլ բռնի՛ վերվերի*,

Զամին ծափ տա, դու պարի՛:





1. Վերընթերցիր այն տողերը, որտեղ նկարագրվում են ճպուռի ամառային օրերը, և պատմիր:

2. Ինչո՞ւ է ճպուռը խնդրում մրջյունին «ապրեցնել» իրեն հատկապես մինչև գարուն:

3. Բնութագրիր առակի հերոսներին և համեմատիր:

4. Ճպուռին ներս ջընդունելու համար փորձիր մրջյունին.

- արդարացնել,

- մեղադրել:

5. Դամառոտ պատմիր առակը՝ դեպքերը փոխելով այնպես, որ մրջյունը ճպուռին ներս թողնի:

6. Արձակ շարադրիր առակի բովանդակությունը՝ փոխելով ավարտը:



1 Գրիր, թե ո՞ր միջատը ո՞րերորդ տեղում է նստած:

Օրինակ՝ ճպուռը նստած է երկրորդ կարգի տասնմեկերորդ տեղում:

2 Կարդա՛ առակի գլխավոր մտքին համապատասխանող այս առածները և մեկնաբանիր:

- Ամռան փուշը՝ ձմռան նուշը:

- Այսօրվա գործը վաղվան չեն թողնի:

- Լավութիւնն արա, ջո՛ւրը գցիր:

- Ինչ որ ցանես, էն էլ կհնձես:

- Ժամանակը ոսկի է:

- Ձյունն ի՞նչ գիտի, թե աղբատը փետ չունի:

3 Անձայն, միշտ, սուսուփուս, պատշգամբ, անուշահոտ, հնար, պարել բառերի փոխարեն ի՞նչ հոմանիշներ է ընտրել հեղինակը:

4 Չորիկի՞ր մի հանելուկ մրջյունի մասին:

5 Բնագրից դո՛ւրս գրիր փոխաբերական իմաստ ունեցող արտահայտություններ:

6) Հստ տրված նմուշի լրացրո՛ւ աղյուսակը՝ հո ընտանիքի անդամների ծննդյան թվերով:

Ծննդյան թիվը		
Անունը	թվանշաններով	բառերով
Գագիկ	1992	հազար ինը հարյուր իննսուներկու
.....

7) Ամբողջացրո՛ւ ասացվածքները՝ ընտրելով սկզբին համապատասխան ավարտ:

Աջով տուր,

այն էլ կհնձես:

որ ձախով առնես:

ինչ որ ցանես,

շո՛ւրը գցիր:

մարդը մարդուն կհանդիպի:

Լավությո՛ւն արա,

Սարը սարին չի հանդիպի,

U

Շարունակի՛ր

մեկ - առաջին
երկու - երկրորդ
երեք - երրորդ
չորս - չորրորդ

հինգ - հինգերորդ
վեց -
յոթ -
ութ -

ինը - իններորդ
11 -
25 -
68 -

Ինչպես տեսնում ես, քանակական թվականներին ավելացնելով -րորդ կամ -երորդ ածանցները՝ ստանում ենք դասական թվականներ:

Օգտվելով տրված օրինակներից՝ որոշի՛ր՝ քանակական որ թվականների վրա է ավելացել -րորդ ածանցը, որոնց վրա՝ -երորդ:

8) **ԶՎԱՐԹ ՏՐԱՄԱԲԱՆՈՒԹՅՈՒՆ**

ա) Լրացրո՛ւ ճպուռի օրակարգը:

Օրվա ընթացքում ճպուռը երգում ու պարում է ժամ, ուտում է րոպե, աշխատում է ժամ, քնում է ժամ:

բ) Կազմի՛ր Մրջյունի օրակարգը:

Առած

Ամռանը պառկես հովերը,
Զմռանը սատկես կովերը:

Ով աշխատի, նա կուտի:

Ով ալարի, ոչ դալարի:

Ով՝ մրջյուն, ով՝ ճպուռ. ընտրի՛ր ինքդ:



Դու ծանոթ ես Եզրպոսի ստեղծած մի քանի առակի:

Հիշում ես
«Առակի ծնունդը»,
«Հնարամիտը»:



Այժմ կարդանք Եզրպոսի առակներից ևս մեկը, որի հերոսը պըստիկ է, բայց ճստիկ է:

ԵՉՊՊՍ

Հիշիր. անհաղթահարելի է համերաշխությունը, և նույնքան անզոր է անմիաբանությունը:

ԱՌՅՈՒԾՆ ՈՒ ՄՈՒԿԸ

Քնած առյուծի մարմնի վրայով մի մուկ վազեց: Առյուծը զարթնեց, բռնեց նրան և, այն է, ուզում էր խժռել, բայց մուկը ինդրեց բաց թողնել իրեն՝ հավատացնելով, որ բարությանը կհատուցի իր փրկության համար: Առյուծը քահ-քահ ծիծաղեց ու բաց թողեց նրան:

Բայց, շատ չանցած, այնպես պատահեց, որ առյուծն ընկավ որսորդների ճանկը, և նրան պարանով կապկպեցին ծառին: Մուկը, լսելով նրա հառաչանքները, իսկույն ևեթ վազեց, կրծեց պարանը և ազատեց նրան՝ ասելով. «Այն ժամանակ դու ծիծաղեցիր ինձ վրա և կարծես թե չհավատացիր ինձ, իսկ հիմա իմացի՛ր, որ մո՛ւկն էլ կարող է երախտահատույց* լինել լավության համար»:

Առակը ցույց է տալիս, որ նույնիսկ ամենից ուժեղներին ճակատագիրը երբեմն ստիպում է ամենից թույլերի կարիքն զգալ:



1. Ի՞նչ պատահեց առյուծին:
2. Մուկն ինչո՞ւ օգնեց առյուծին:
3. Նկարագրիր առյուծին ու մկանը:
4. Մտածիր՝ ուժեղը և թույլը ե՞րբ կարող են միմյանց կարիք զգալ:

1 Ինչպես արդեն գիտես, առակի հիմնական իմաստը սովորաբար արտահայտվում է առակի վերջին տողերում:

Արտագրի՛ր այդ տողերը և այդ մտքին համապատասխան հորինի՛ր մի փոքրիկ պատմություն:

ՀԵՏԱԵՐԵՒՐ Ե ԻՍԱՆԱԿ

2

Փակագծերից ընտրիր նիշտ բառը և լրացրո՛ւ նախադասությունները: Գրիր տետրում:

- Հայ տպագիր գիրքը լույս է տեսել 1512 թ.: (առաջի, առաջին)
- Հայաստանը հզոր է եղել Տիգրան ... թագավորի օրոք: (երկրորդ, երրորդ)
- Հայկական լեռնաշխարհի մեծ լիճը Սևանն է: (երրորդ, երրորդ)
- Հաղպատի ճարտարապետական համալիրը կառուցվել է դարում: (տասներորդ, տասերորդ)

3

Երախտիք և հատուցել բառերով կազմի՛ր մի բարդ բառ և ստացված բառով ընկերներիդ հետ խաղա՛ «բառքամոցի»:

4

Օգտվելով բառաշարերից՝ կազմի՛ր բարդ բառեր և գրի՛ր տետրում:

Արագ, ահեղ, քաջ, դանդաղ, թավ, արթա:

Մազ, վագել, քայլ, վայել, գոչ, սիրտ:

Ստացված բառերն առակի ո՞ր հերոսին են բնութագրում: ՈՒԳՈՒՄ ԵՍ ԱՎԵԼԻՆ ԻՍԱՆԱԿ

ՈՒԳՈՒՄ ԵՍ ԱՎԵԼԻՆ ԻՍԱՆԱԿ

Առյուծին անվանում են կենդանիների արթա: Ուժով, ճարպկությամբ, համարձակությամբ դժվար թե մեկը համեմատվի առյուծի հետ: Առյուծներն առաջին հերթին ոչնչացնում են հիվանդ, թույլ կենդանիներին և դրանով թույլ չեն տալիս, որ վարակիչ հիվանդությունները տարածվեն: Առյուծը որսին հետապնդում է ժամում 50 կիլոմետր արագությամբ: Նա այդ արագությամբ կարող է վագել ընդամենը 900 մետր: Առյուծներն ապրում են ընտանիքներով: Առյուծի նորածին ձագուկները՝ կորյունները (սովորաբար 3-ն են լինում), շատ փոքր են՝ մոտ 80 սմ, և կշռում են 1200-2100 գրամ:

5

«Ուժով և արթուն խմանալ» տեխնիկայի ֆանտաստիկական թվականները գրի՛ր բառերով: Դրանք դարձնո՛ւ դասական թվականներ:

Բնության մեջ հարազատ
Ապրում են պարզ ու ազատ

Մեծ ու փոքր միասին՝
Ամեն մեկը՝ իր հոգսին:



Այս անգամ առակի հերոսը ոչ թե մարդ կամ որևէ կենդանի է, այլ, պատկերացնո՞ւմ ես, տակառ, այն էլ՝ դատարկ:

Լա՛վ ականջ արե՞ք իմ այս խրատին.
Խելո՞ք մարդն ընկեր չի՞ դառնա վատին:

ՅՐԱԶԻԿ ՍԵՎՈՅԱԼ

ՏԱԿԱՌԻ ԼՈՂԸ

Հսկա գետում հոսանքն ի վար
Զշվում էր մի դատարկ տակառ
Եվ մեծամիտ ձայն էր տալիս.

– Ճամփա՛ տվե՞ք, է՛ն եմ գալիս՝
Իմ մեծ լողով հաղթ ու անշեղ,
Նավերն իմ դեմ ի՞նչ են՝ տաշեղ...

Սակայն դեմից եկող մի նավ
Ըմծիծաղով նրան ասաց.

– Ո՛վ բթամիտ, դատա՛րկ տակառ,
Կյանքը գործ է և ոչ թե ճառ.

Դու որպեսզի ապացուցես,
Որ իսկապես լողալ գիտես
Եվ հզոր ես՝ մեծ ուժի տեր,
Պիտի լողաս հոսանքն ի վեր...



1. Ի՞նչ մեծամիտ ձայն էր հնչում տակառից:

2. Ի՞նչ արձագանք լսվեց նավից:

3. Ինչպե՞ս ես հասկանում «Կյանքը գործ է և ոչ թե ճառ» տողը:

4. Մեկնաբանի՛ր «Պիտի լողաս հոսանքն ի վեր...» արտահայտու-
թյունը և դատի՛ր՝ կարո՞ղ էր, արդյո՞ք, տակառը հոսանքն ի վեր լողալ:

5. Ինչպիսի՞ մարդկանց են խորհրդանշում տակառը և նավը:

1

ա) Տրված բառաշարքից ընտրի՛ր
հաղթ, անշեղ բառերի հոմանիշները.

հաղթական, ուղիղ, ջշեղվող, ուղ-
ղագիծ, մեծամիտ, սրընթաց, հզոր,
ուղղամիտ, գորավոր:

բ) Ընտրված հոմանիշներից երկու-
սի համար ընտրի՛ր համապատաս-
խան գոյականներ:

2

Բառքամոցի

Դատարկախոս բառով
ընկերոջդ հետ խաղա՛
«բառքամոցի»:

3 Փակագծերից ընտրիր ճիշտ բառը և լրացրո՛ւ նախադասությունները: Գրիր տետրում:

- Մեկ ժամը վայրկյան է: (վացուն, վաթսուն)
- Մեկ դարը տարի է: (հարուր, հարյուր)
-ը բաղկացած է ութ արմատից և սուն ածանցից: (ութսուն, ութանասուն)
-ն ոչ թե օղակ է չնչին, այլ նշանն է ոչնչի: (զերո, զրո)

4 Առածների մասերը խառնվել են:

- Վերականգնիր առածները և գրիր:
 ՈՒՆՔԸ շինելու տեղ գլորվեց խուլիը*:
 Կուլա՛, դո՛ւ լսիր ամանում չկա:
 Կո՛ւժ, թեզ ասեմ, անունը կա:
 Գտավ պուտուկը*՝ աչքը հանեց:

Առած

☀ Դատարկ տակառի ձայնը բարձր կլինի:

5 **ԶՎԱՐՑ ՏՐԱՄԱԲԱՆՈՒԹՅՈՒՆ**

Մարդիկ հաշվել սովորել են մատներով: Կան լեզուներ, որոնցում 5-ը նշանակում է մեկ ձեռք, 10-ը՝ 2 ձեռք, 20-ը՝ ձեռքեր ու ոտքեր կամ մարդ:

Օրինակ՝ $38 = 20 + 10 + 5 + 3 =$ մեկ մարդ + երկու ձեռք + մեկ ձեռք + երեք մատ:

Նույն կերպ գրիր հետևյալ թվերը.
 125, 205, 46, 127:

6 Հորինի՛ր մի պատմություն նկարի շուրջ՝ օգտագործելով **հոսանքն ի վար, հոսանքն ի վեր** արտահայտությունները:



Ես ճա՛ռ ասեմ,
 Թե՛ գանգ կախեմ...

Կարդա՛ Արաբել Խնկոյանի «Մկների ժողովը»:



Ինչպես մի շերեփի ջուրը հեղեղ դարձավ:

Ռոբորդ միասին և մի կողմի վրա ձգեք, որ բարը տեղից շարժվի:

ՎԱՐԴԱՆ ԱՅԳԵԿՑԻ

ԱՅՐԻ ԿԻՆԸ ԵՎ ՈՐՂԻՆ

Մի այրի կին ուներ տասը այծ և մի որդի: Եվ ամեն օր որդին այծերը տանում էր արոտ, և մայրն ամեն օր մի շերեփի ջուր էր լցնում կաթի մեջ և փոխ էր տալիս հարևաններին: Եվ որդին մորն ասաց.

- Ինչո՞ւ ես այդպես ջուր լցնում կաթի մեջ և փոխ տալիս հարևաններին:

Մայրն ասաց.

- Որդի՛, մեր կաթը քիչ է, դրա համար եմ անում, որ մեր կաթը մի քիչ ավելի լինի, որ ճմռանը մեզ թացան լինի:

Իսկ մի օր, երբ որդին այծերն արոտ էր տարել, երկնքում ծնվեց մի փոքր ամպ, և անձրև եկավ, և հեղեղ եղավ, և այծերը սրբեց-լցրեց գետը: Որդին տուն եկավ արևով և դատարկ և ձեռքին՝ միայն փայտը: Մայրն ասաց.

- Որդի՛, ո՞ր ես այծերը, և ինչո՞ւ դու այսօր արևով եկար:

Որդին ասաց.

- Մայրի՛կ, այն մի շերեփի ջուրը, որ խառնում էիր կաթին և փոխ տալիս՝ հարևաններին, հավաքվեց և հեղեղ դարձավ և եկավ մեր այծերը տարավ, լցրեց գետը:



1. Ի՞նչ էր անում այրի կինը և ինչպե՞ս բացատրեց իր արարքը:
2. Ինչո՞ւ որդին շուտ եկավ տուն և ի՞նչ պարզաբանում տվեց մորը:
3. Ի՞նչ կցանկանաս ասել այրի կնոջը և նրա տղային:
4. Քո կարծիքով՝ իսկապես մի շերեփի ջո՞րն էր հեղեղ դարձել, թե՞...

5. «Առյուծն ու մուկը» առակում հիմնական միտքն արտահայտված է նրա վերջին երկու տողում: Այս առակի համար ինքդ հորինիր այդ տողերը:

1

Փոխակերպում

Կարթ - □արթ - թ□թ - □ուր - ջուր:

2

Կարդա՛ նախադասությունը, գտի՛ր ավելորդ բառերը: Գրի՛ր ճիշտ ձևով:

Արան ու Աշոտը իրար հետ միասին գնում էին դպրոց:

Մի երիտասարդ պատանի ու մի ծեր ծերունի մտան անտառ:

Նոր բնակարանի համար մենք գնել ենք սեղան, բազմոց, կահույք, պահարան:

 Ննդուկ

ՈՒՏՈՒՑԻՋՆ.

- Մի շնչավոր գոյական ասա:

Աշակերտը.


- Այծ:

- Մի անշո՛ւնչ գոյական ասա:

- Խեղդված այծ:

ԹԱԳԱՆ

— ԲԱՌԸ՝ ԱՓԻ ՄԵՉ



Թացան նշանակում է կաթնեղեն, հատկապես՝ կաթ, մածուն, թան: Բառի արմատն է **թաց**-ը: Նկատի է առնվում այն, որ ուտելու ժամանակ հացը թաց էր արվում և ոչ թե ցամաք էր ուտվում:

ԽԱՆՆԱԳԻՐ



3

Վերականգնի՛ր խառնագիրը և գտի՛ր, թե ինչն է թափվում երկնից և դառնում հեղեղ: Գրի՛ր այդ բառի հականիշները:

ԱՉԵՒ ԱՌԱՋ


արբել
հեղեղ



4

Գրի՛ր մինչև 20 երկնիչ կենտ թվերը և դրանք դարձրո՛ւ դասական թվականներ:

Ուսած

-  Ազնիվ մարդու հացը չի կտրվի, Անազնիվ վաստակը հեղեղը կտանի:


Եթե փորձես դու խաբել ուրիշին,
Լոկ թե՛՛գ կխաբես, մշտապես հիշի՛ր:

ԵՃՈՊՈՍ

ԱՌՅՈՒԾՆ ՈՒ ՆԱՊԱՍՏԱԿԸ

Առյուծը գտավ քնած նապաստակին և ուզում էր խժռել, երբ հանկարծ տեսավ, որ կողքով փախչում է եղջերուն: Նապաստակին թողեց ու ընկավ եղջերվի հետևից, իսկ նապաստակն աղմուկից զարթնեց ու փախավ: Առյուծը շատ վազեց եղջերվի հետևից, բայց չկարողացավ բռնել և վերադարձավ դեպի նապաստակը: Բայց տեսնելով, որ նա էլ արդեն չքացել է, ասաց. «Տե՛ղև է ինձ, ձեռքիս որսը բաց թողեցի և դատարկ հույսի հետևից ընկա»:

Այդպես էլ որոշ մարդիկ, ընկնելով շատի հետևից, չեն նկատում, որ կորցնում են նաև իրենց ունեցածը:



1. Առյուծն ինչո՞ւ հանդիմանեց ինքն իրեն:
2. Մրն է այս առակի հիմնական միտքը: Ըստ դրա հորինի՞ր մի պատմություն մարդկանց մասին:

1 (Ո՞ր) առյուծը (ինչպե՞ս) վազում էր եղջերվի հետևից: (դանդաղաշարժ, հզոր, արագ, շնչակտուր, անզոր)
 Բառաշարքից ընտրի՞ր համապատասխան բառերը և տեղադրի՞ր նախադասության մեջ: Ըստ կազմության ինչպիսի՞ն են բառաշարքի բառերը:

2 Խմբավորի՞ր թվականները. քանակական թվականները դարձրո՞ւ դասական և՛ հակառակը.
 չորրորդ, երեք, տասը, իններորդ, ինսուտն, երեսուն, քառասուն, տասնչորս, տասներեք, հարյուրերորդ, ութսուներորդ:

ՉՔԱՆԱԿ


ԲԱՌԸ՝ ԱՓԻ ՄԵՋ

Չարմանալի է, բայց **չքանալ** բառն արմատ չունի. համեմայն դեպս, այդպես է երևում: Հասկանալի է, որ բառը կազմված է **չիք** արմատից: Իսկ **չիք** բառի մեջ **չ**-ն և **ք**-ն ածանցներ են: Մնաց **ի**-ն, որն իրոք արմատ է, նշանակում է մի բան:

Իսկ **չքանալ** բառի մեջ **ի**-ն չկա, այն դարձել է **ը**, որն էլ չի գրվում:

3

Մտածի՛ր շարունակություն
 Եթե առյուծը մռնչում է, ապա....
 Եթե աբաղաղը ծուղրուղու է
 կանչում, ապա....
 Եթե արագիլները չվում են, ապա....
 Եթե շունը հաչում է, ապա....
 Եթե կատուն «լվացվում է», ապա....



4

Ի՞նչ կարող ես հորինել
 ըստ նկարի: Պատմի՛ր:

ԱՋԻ ԱՌԱՋ

եղգերու
 փախչել



Մի ձեռքով երկու ձմերուկ չես բռնի:



Կարդանք մի խաղի մասին, որը սովորեցնում է ապրել:

Որքան շատ սովորես, այնքան շատ կհամոզվես, որ դեռ շատ բան ունես սովորելու:

ՈՒՅՈՒՅԵԼ ԳՆՅՈՒԴԵՑՅԱԼ

ՇԱԽՄԱՏ

Շախմատ խաղալիս Գոռն ասաց. «Վաչե՛, Գործերդ ոնց որ այնքան էլ լավ չեն»:

- Իսկ ինչո՞ւ, ա՛յ Գոռ, ի՞նչ է եղել որ, ես ունեմ երեք անցունակ զինվոր:
- Բայց իմ փղերը՝ խենթ ու համարձակ, Նրանց կճգմեն հաստ ոտքերի տակ:
- Քո փղերը, Գո՛ռ, մեկտեղ չեն գործում, Միմյանց պաշտպանել Նույնիսկ չեն փորձում, Իսկ զինվորներն իմ շատ են քաջարի, Տե՛ս՝ ոնց են մեկտեղ ելել պայթարի: Իսկ որտեղ որ կա սեր ու միություն, Այնտեղ չի լինի երբեք պարտություն:



Տղաներից յուրաքանչյուրն ինչպե՛ս էր մեկնաբանում խաղը:

ՇԱԽՄԱՏ

ԲԱՈՐ՝ ԱՓԻ ՄԵՉ

Մենք՝ հայերս, **շախմատ** բառը միայն վերջին ժամանակներում ենք գործածում: **Շախմատ = շախ**

+ մատ, որը նշանակում է մահ շախին (արքային):

Մենք նախկինում գործածել ենք **ճատրակ** բառը:

Խաղը հնարել են Հնդկաստանում անհիշելի ժամանակներում:

Ճատրակ-ը կազմված է հին հնդկերեն **ճատր** (չորս) և **ակ** (մաս) բառերից և թարգմանվում է **քառանդամ կամ չորեքմասնյա**:

ԱՉՔԻ ԱՌԱՋ

համարչակ
երբեմն



1

Գրի՛ր առակի հիմնական միտքը և դրան համապատասխան հիշի՛ր առածներ:

2

Հորինիր մի պատմություն, որտեղ հաղթանակում են սերն ու միությունը:



Հիշիր

«Անտանն ու քամին»:

3

Խաղա՛ Վաչեի փոխարեն և հաղթիր:




4

Քանի՞ խաղաքարով են շախմատ խաղում: Դրանցից քանի՞սն են գինվոր: Գրի՛ր բոլոր խաղաքարերի անվանումները: Դրանցով կազմի՛ր մի փոքրիկ պատմություն:

5

Կրացրու խաչքառը և ընդգծված սյունակում կկարդաս, թե հայերն ինչ բառ են գործածել **շախմատ** բառի փոխարեն:



1. Հայոց այբուբենի տառի անուն, որի թվային արժեքը 100 է:
2. Թագ ունեցող խաղաքար, որին կարող են մատ հայտարարել:
3. Հաղթանակ կամ պարտություն շախմատում:
4. Խաղաքար, որից ամենաշատը կա խաղատախտակի վրա:
5. Թեկուզ նա թագ ունի, բայց արքայի համար կգոհի իրեն:
6. Ե՛վ ջրում է լավ լողում, և՛ խաղատախտակի վրա:

ՈՒՉՈ՞ՒՄ ԵՍ ԱՎԵԼԻՆ ԻՍԱՆՆԱԼ

2006 թվականին Հայաստանի շախմատի հավաքականի վեց դյուցազուններ հաղթանակի բերկրանքով լցրին միլիոնավոր հայ սրտեր: Նրանք հաղթեցին բոլորին և աշխարհում առաջինը դարձան, բարձրացրին հայի դրոշը և հայի միտքը:

2008 թվականին կրկնվեց նույնը. շախմատի համաշխարհային օլիմպիադայում մենք դարձյալ առաջինն էինք: Մի՞թե հրաշք է: Մեկ անգամ ևս համոզվում ենք, որ երբ միասնական ենք և միակամ, ապա ուժեղ ենք և անսպարտելի:



Ո՛վ հայ ժողովուրդ, թո միակ փրկությունը թո հավաքական ուժի մեջ է: Եղիշե Չարենց

ԱՄՓՈՓԻՐ ԻՄԱՅԱԾԴ, ԱՏՈՒԳԻՐ ԻՆԵՂ ԶԵՉ

1. Օգտվելով նկարներից և բառասյուններից՝ տեսրում լրացրո՛ւ աղյուսակը:

								
Առակի վերնագիրը	Դատապարտելին թեթևամտություն խարդախություն մեծամտություն անմիաբանություն թերահավատություն սնապարծություն անհանդուրժողականություն ազահություն				Գովելին միասնություն սակավապետություն արդարություն վճռականություն երախտագիտություն աշխատասիրություն շիտակություն համեստություն			
Դատապարտելին								
Գովելին								

2. Բուսական և կենդանական աշխարհից ընտրելով հերոսներ՝ հորինիր առակ:



Հիշիր
 «Առակի ծնունդը»:

3. Ամիսների շարժում ո՞րերորդն են հետևյալ ամիսները. դեկտեմբեր, հունվար, հունիս, օգոստոս, հուլիս, մարտ:

4. Գրի՛ր, թե այս տարի շաբաթվա ո՞րերորդ օրն է. հունվարի 28-ը, մայիսի 9-ը, հունիսի 1-ը, հուլիսի 5-ը, սեպտեմբերի 21-ը:


Ի՞նչ տոներ են նշվում այդ օրերին: Ո՞րիչ ի՞նչ տոներ գիտես:

5 ԶԿԱՐԹ ՏՐԱՄԱԲԱՆՈՒԹՅՈՒՆ

ԿԱՐՃ ԱՄԻՍԸ

- Ամենակարճ ամիսն ասա,-
- Հայկին դիմեց Սանասարը:
- Փետրվարն է,- ասաց Հայկը:
- Իսկ ես կասեմ՝ մարտն է, մարտը:
- Երկուսն էլ ճիշտ են, կարծես, Իսկ թե ինչու, դու էլ գիտես:

ՅՈՐ ՍԱՐԻՑ,
ՅՈՐ ՁՈՐԻՑ
ԱՅՆ ԿՈՂՄ



Իհարկե, կարելի է ամեն ինչ ասել, բայց կարելի՞ է ամեն ինչ ասել:

ԱՄԵՆԱԹԱՆԿԸ ՀԱՎԱՍԱՐՆԵՐԻ ՄԵՋ

(Հայկական հեքիաթ)

Մի թագավոր, որ իր երկրին կառավարիչ էր փնտրում, հանեց երեք միանման ոսկե արձանիկ, դրեց ի ցույց և ասաց.

- Ով այս միանման արձանիկների մեջ գտնի ամենաթանկը, նա էլ կլինի իմ երկրի կառավարիչը:

Սկսեցին գալ. հերթով մտնեցին, առնում, տակուգլուխ նայում, տնտղում*, ոմանք կշռում էին, ոմանք չափսերն էին առնում, բայց երեք ոսկե արձանիկներն արտաքսապես ողնչով չէին տարբերվում, կշռով էլ հավասար էին, հղկվածությամբ, գեղեցկությամբ՝ նույնը:

Եվ ահա, ի վերջո, հայտնվում է նաև մեր հեքիաթի իմաստունը: Ասում է.

- Մի թե՛լ տվեք:

Թելն առնում է, մտցնում արձանիկներից մեկի ականջը: Թելի ծայրը մյուս ականջից դուրս է գալիս: Առնում է թելը, մտցնում երկրորդ արձանիկի ականջը: Թելի ծայրը դուրս է գալիս արձանիկի բերանից: Թելը մտցնում է երրորդ արձանիկի ականջը. ծայրը գնում, ներսում կորչում է, մնում է խորքերում:

- Սա՛ է,- ասում է,- հավասարների մեջ ամենաթանկը:

- Դե դրա բացատրությունն էլ տո՛ւր:

- Շատ լավ, թագավոր,- ասում է իմաստունը:- Առաջինը նման է այն մարդուն, որի ականջից ինչ մտնում, մյուսից նույնությամբ դուրս է գալիս, լսածից ոչինչ չի ըմբռնում: Երկրորդը նման է այն մարդուն, որի ականջից մտածը լեզվի ծայրին է, դրան գաղտնիք հայտնել չի կարելի: Իսկ երրորդն էլ նման է այն մարդուն, որն իր ամեն լսածը խոր ըմբռնում է, պահում ներսում:

- Ապրե՛ս,- ասում է թագավորը, իսկ ժողովուրդը կանգնած լսում է:- Զենց դո՛ւ կլինես իմ երկրի կառավարիչը:





1. Ի՞նչ պայման դրեց թագավորը երկրի կառավարիչ ընտրելիս:
2. Իմաստունն ինչպե՞ս բացատրեց իր ընտրությունը:
3. Խմբում ընկերներիդ հետ քննարկիր և հետևյալ բառերից ընտրիր հոմանիշ գույգերն ու գրիր առանձին շարքերով, չընկալել, խորհրդապահ, շատախոսել, գաղտնապահ, շղակրատել, գաղտնամիտ, չըմբռնել: Այդ բառաշարքերն իմաստով բնագրի ո՞ր նախադասությունների հետ են կապվում: Կարդա՛:


1 Արտագրիր միայն նախադասությունները: Կարդա՛ նամապատասխան հնչերանգով:
 Փայլող աստղեր
 Աստղագարդ երկինք
 Աստղերը փայլում էին երկնքում:
 Երկնքի փայլող աստղեր
 Որքա՛ն սիրուն են երկնքի աստղերը:
 Ի՞նչ են հուշում աստղերը:
 Վառվել երկնքի աստղեր
 Վառվե՛ք, երկնքի՛ «աչքեր»:

2 **ԲԱՌԸ՝ ԲԱՌԻ ՄԵՉ**
 Կառավարիչ բառի մեջ գտի՛ր այլ բառեր:

3 Գրի՛ր առարկաների հայերեն անվանումները:

4 **ԲԱՌԱԳՈՒՄԱՐ**
 Գավաթ + որ =
 Գտի՛ր ստացված բառի արմատը և ածանցը: Այդ ածանցով կազմիր նոր բառեր:

5 Մի ականջից մտնել, մյուսից դուրս գալ:
 Ականջից մտածը լեզվի ծայրին է:
 Շատ գիտես, քի՛չ խոսիր:
 Լռությունը ոսկի է:
 Մեկնաբանի՛ր արտահայտությունները և դրանցից մեկի շուրջ ստեղծիր մի հեքիաթ:



Եղի՛ր համբերող ու եղի՛ր ուշիմ.
 Մի՛ շտապիր լսածդ ասել ուրիշին:

«Ով ալարի, ոչ դալարի»:

Պարզվում է, որ յոթ սարից, յոթ ծորից այն կողմ ոչ բոլորը գիտեն այս առածը:

ԹՈՂ ՈՒՐԻՆՆ ԱՆԻ

(Զինական հեքիաթ)

Ամայի ճանապարհով իրար հետևից քայլում էին երեք ճամփորդ: Եղանակն սկսեց վատանալ, ուժեղ քամի բարձրացավ, ձյուն տեղաց, բութ ու բորան սկսվեց: Քանի գնաց, բութն ուժեղացավ, փոխվեց մորիկի, իսկ մինչև ամենամոտիկ գյուղը դեռ ահագին ճանապարհ կար:

Ի՞նչ անեին ճամփորդները: Առջևից գնացողը որոշեց մտնել մի լքված տնակ և այնտեղ սպասել, մինչև եղանակը հանդարտվի: Երկրորդ և երրորդ ճանապարհորդներն էլ հետևեցին նրան:

Իջավ երեկոն: Ճամփորդները սաստիկ մրսեցին:

- Ի՞նչ ցուրտ է, դիմանալ չի լինում,-
ասաց առաջինը:

- Ձեռքերս ու ոտքերս փայտացել են,-
ասաց երկրորդը:

- Եթե այսպես շարունակվի, մենք բո-
լորովին կսառչենք,- ասաց երրորդը:

Յետո երեքն էլ լռեցին, բայց քիչ անց
առաջինը նորից խոսեց.

- Եթե մի քիչ փայտ բերվի, կրակ կա-
նենք, կտաքանանք:

- Այո՛, շա՛տ լավ կլիներ,- ասաց երկ-
րորդը:

- Այո՛, այո՛, իհա՛րկե,- համաձայնեց
երրորդը,- եթե փայտ բերվեր, կարելի էր այստեղ գիշերել:

Երեքն էլ միասին խոսում էին, բայց ոչ ոք տեղից չէր շարժվում, որ գնար
փայտ բերեր: Իսկ սառնամանիքը գնալով սաստկանում էր:

Առաջին ճամփորդը դիմեց երկրորդին.

- Հարևան, գնա՛ փայտի: Ես կգնայի, բայց ոտքերս ցավում են, չեմ
կարող:

Երկրորդն ասաց երրորդին.

- Փորս շատ է ցավում, դո՛ւ գնա փայտի:

Երրորդն էլ դիմեց առաջինին.

- Ավելի լավ է դո՛ւ գնաս, գլուխս պտտվում է, հագիվ եմ ոտքի վրա
կանգնած մնում:

Երեքն էլ առողջ էին, բայց ամեն մեկը մտածում էր, որ մյուս երկուսը
պետք է անեն այդ գործը:



Առաջինը մտածում էր. «Ես ին սրանց ծառան չեմ, որ փայտի գևամ»:

«Դուք չեք գնում, ես էլ չեմ գևա», – մտածում էր երկրորդը:

«Ինչո՞ւ ես պետք է փայտի գևամ, թող ուրիշը գևա», – մտածում էր երրորդը:

Արդեն կեսգիշեր էր, բուքը ոռնում էր, սառնամանիքը՝ սաստկանում, իսկ ճամփորդներից յուրաքանչյուրը մտածում էր. «Այլևս հնարավոր չէ դիմանալ այս սառնամանիքին, վերջապես ե՞րբ պետք է որևէ մեկը փայտի գևա»:

Նրանք շարունակում էին սառչել, բայց ոչ մեկը տեղից չէր շարժվում...



1. Ի՞նչ պատահեց ճամփորդներին:

2. Տեսկում ինչպե՞ս էր իրեն պահում նրանցից յուրաքանչյուրը:

3. Բնութագրիր ճամփորդներին:

4. Ի՞նչ ես կարծում՝ ինչո՞ւ է հեքիաթն այդպես ավարտվում: Ընրն է հեքիաթի հիմնական միտքը:

5. Շարունակիր հեքիաթը:

ԱՋԵԻ ԱՌԱՋ

Մորիկ
երրորդ



1

Ինչ պատճառներ էին բերում ճամփորդները գործը շանելու համար: Ինչո՞ւ ընտրի՞ր ճիշտ տարբերակները և ճիմնավորի՞ր հեքիաթի տողերով.

ծուլանում էին,
ուզում էին գործն ուրիշի վրա բարդել,
ինքնարդարանում էին,
իրոք տկար էին,
վախենում էին մթից,
մեծամիտ էին:

ԱՌԱՋԻՆ

ԲԱՌԸ՝ ԱՓԻ ՄԵՋ

Շատ ժողովուրդներ, հայերը՝
նույնպես, աջը համարել են լավ,
բարի, հաջողություն բերող, իսկ ձախը՝ հակառակը:

Օրինակ, ասում ենք. «Գործը աջ գևալ»՝ գործերը հաջող ընթանալ, «աջ ձեռք»՝ ամենավստահելին ու ամենահավատարիմը, և այլն:

Աջ բառից առ մասնիկով կազմվել է առաջ բառը: Իսկ ով առաջ է գնում դառնում է առաջինը: Ուրեմն՝ մեր առաջին բառի արմատն է աջ-ը, որով շատ ուրիշ բառեր էլ են կազմվել՝ առաջնորդ, հաջող, հաջողություն, հաջորդ, և այլն:



2 Այս բնագիրն ընթերցելիս դու տեսար, որ հերոսները երբեմն հարցնում էին, երբեմն՝ հրամայում, երբեմն՝ բացականչում, երբեմն՝ հանգիստ պատմում:

Բնագրից դո՛ւրս գրիր մեկական նախադասություն, որտեղ ինչ-որ բան են հարցնում, ինչ-որ բան են հրամայում, ինչ-որ բան են բացականչում կամ ինչ-որ բան են պատմում:

3 Այս «ընկերներն» օգնեցին, որ դու ճիշտ հնչե-րանգով կարդաս նախադասությունները:



- ինձ ճանաչո՞ւմ ես:



- ճանաչի՞ր ինձ:



- ճանաչեցի՞ր ինձ:

ԳԵՏԱԶԵՐՔԻՐ Ե ԻՍԱՆԱԼ

4 Այս առածները չգիտեին ճամփորդները: Դու իմացի՞ր:

☀ Ես՝ աղա, դու՝ աղա, մեր աղունը ո՞վ աղա:

☀ Գործի անունը տալիս գլխի ցավը բռնում է:

☀ Ուրիշի ձեռքին նայողը սոված կմնա:

☀ Մարդ ինչ որ իր ձեռքով կանի, աշխարհը չի անի:

☀ Ուրիշի ձեռքով ապուր ուտողի բերանը կվառվի:

ա) Հեփաթը բաժանիր այնպիսի մասերի, որոնք վերնագրվեն այսպես.

«Բուբն սկսվեց»:

«Ճամփորդները սաստիկ մրտցին»:

«Ճամփորդները վիճում են»:

«Ծուլյերը պատժվեցին»:

բ) Այդ համառոտ նախադասությունները լրացրո՛ւ **ինչպիսի՛, ինչպե՛ս, որտե՞ղ** հարցերին պատասխանող անդամներով և գրի՛ր տետրում:

Ավելի լավ է խավարի մեջ մի մոմ վառել, քան թե անվերջ խոսել խավարի դեմ:

Գիտե՞ս՝ սերն ու միությունը թեթևացնում են ամեն ծանրությունը:
Հենց այդ մասին է կորեացի եղբայրների հեքիաթը: Կարդանք:

ԵՐԿՈՒ ԵՂԲԱՅՐ

(Կորեական հեքիաթ)

Մի ծերունի երկու տղա ուներ: Մեծ տղան ծնողների հետ էր ապրում, իսկ փոքրը՝ գյուղի ծայրին: Երկուսն էլ ընտանիքի տեր էին, երկուսն էլ՝ աղքատ:

Թեև երկու եղբայրն էլ շատ հոգսեր ունեին, սակայն համերաշխ էին իրար հետ, սիրում ու հարգում էին միմյանց:

Մի անգամ աշևանը մեծ եղբայրը հաշվեց իր ցորենի պաշարը և մտածեց. «Իմ ցորենը շատ է՝ ամբողջ տասը պարկ, իսկ եղբորս բերքն ավելի քիչ է: Պետք է օգնել նրան»:

Երբ մութն ընկավ, նա շալակն առավ ամենամեծ պարկը և գնաց դեպի կրտսեր եղբոր տունը: Ճանապարհին նա հանդիպեց մի մարդու, սակայն, քանի որ մութ էր, չճանաչեց նրան:



- Քո կարծիքով՝ ո՞վ էր այդ մարդը և ի՞նչ էր անում այդ ուշ ժամին:

Նա պարկը դրեց եղբոր տանը և շտապ վերադարձավ, որ մի պարկ էլ տանի: Սակայն երբ տուն հասավ, զարմացավ՝ տեսնելով, որ առաջվա պես տանը տասը պարկ ցորեն կա: Ժամանակ չունեի մտածելու: Նորից մի պարկ ցորեն շալակն առավ ու գնաց դեպի եղբոր տունը:

Ճանապարհին նա նորից մի մարդ տեսավ, բայց մթան մեջ չճանաչեց նրան: Երբ տուն հասավ, կրկին զարմանքով տեսավ, որ իր ունեցած տասը պարկն էլ նույնությամբ իրենց տեղում են: «Ա՛յ քեզ հրաշք»:

- Ի՞նչ ես կարծում՝ որտեղից հայտնվեցին այդ պարկերը:

- Եթե այդպես է,- վճռեց նա,- երկու պարկ էլ տանեմ եղբորս:

Եվ նա ծանոթ ճանապարհով նորից գնաց դեպի գյուղի մյուս ծայրը: Այդ ժամանակ լուսինն արդեն դուրս էր եկել ամպերի տակից և լուսավորել ճանապարհը: Մեծ եղբայրը հագիվ էր անցել ճանապարհի կեսը, երբ տեսավ, որ դիմացից մի մարդ է գալիս՝ իր պես պարկը շալակին:

Երբ այդ մարդը մոտեցավ, մեծ եղբայրն իսկույն ճանաչեց նրան. փոքր եղբայրն էր:

- Այդ ո՞ր, եղբայր,- հարցրեց նա:- Ո՛հ է, գնա՛ տուն:

• Գուշակիր՝ ո՞ւր էր գնում կրտսեր եղբայրը:

- Իսկ դո՞ւ ուր ես գնում այս ուշ ժամին,- հարցրեց կրտսեր եղբայրը:

Պարզ էր, որ կրտսեր եղբայրը ևս նույն երեկոյան որոշել էր իր մեծ եղբորն օգնել: Նրանք միաժամանակ սկսել էին միմյանց տուն ցորեն տանել: Ահա թե ինչու ցորենի պարկերը չէին պակասում:

Եղբայրները գոհունակությամբ գրկախառնվեցին: Ցորենի պարկերը ծանր էին, բայց թեթև էին եղբայրների հոգիները:

ԶԷ՞ որ նախքան հեքիաթն ընթերցելը մենք իմացանք, որ....



1. Բնութագրիր հեքիաթի հերոսներին:

2. Ի՞նչ առածներ կարող ես հիշել, որոնք համապատասխանն են հեքիաթի իմաստին:

3. Այս հեքիաթը համեմատիր չինական «Թող ուրի՛շն անի» հեքիաթի հետ:

1

Բնագրի չորրորդ պարբերությունից դո՛ւրս գրիր ի՞նչ, ինչպիսի՞ և ի՞նչ արեց հարցերին պատասխանող բառերը:

2

Բնագրից ընտրիր և կարդա՛ այն նախադասությունները, որտեղ գործածված են գյուղի ծայր, թեթև հոգի արտահայտությունները: Այդ արտահայտություններով կազմիր ուրիշ նախադասություններ:

ԸՆՏԱՆԻՔ

ԲԱՌԸ՝ ԱՓԻ ՄԵՉ

Բառերի մեջ շատ զարմանալի գաղտնիքներ են թաքնված: Այսօր թվում է, թե **ընտանիք** բառը պարզ է: Իրականում այն կազմված է **ընդ** մասնիկից և **տուն** բառից՝ **ընդտանի**, այսինքն՝ մի տան մեջ, միասին, ընտանիք՝ արյունակից մարդկանց (ծնողներ, երեխաներ և այլն) միասին ապրող խումբ, տան անդամներ: Նույնպիսի կազմություն ունի **ընկեր** բառը՝ **ընդ** + **կեր**, այսինքն՝ միասին ուտող:





Դու տեսնում ես, որ առաջին նկարում պատմում են, երկրորդում հարցնում, երրորդում հրամայում, չորրորդում բացականչում:

Ըստ յուրաքանչյուր նկարի՝ կազմիր մի նախադասություն և կարդա՛ համապատասխան հնչեւանգով:


Ս Ըստ արտասանության երանգի՝ նախադասությունները լինում են՝ պատմողական, հարցական, հրամայական, բացականչական:

4 Բնագրից ընտրիր՝ նախադասություններ և գրի՛ր համապատասխան նշանների դիմաց:

5 Կրակն ընկնել արտահայտությունը կիրառի՛ր նախադասության մեջ ուղիղ և փոխաբերական իմաստներով:

Օրինակ: Կացինը կրակն էր ընկել գյուղացու մեղքով:

Վարորդը կրակն էր ընկել հին ավտոմեքենայի ձեռքը:



Ուսած

🌻 Եղբայրդ եղբոր աղբյուրն է, Որ ծարավանա՝ պաղ ջուրն է:

«ՈՒՄ ուսի որ տանք,
Սարեր շուռ կտանք»:



Հիշի՛ր
«ԱՐԱՆ ու ՇԱՐԱՆ»:



ՋԱՆՆԻ ՌՈՂԱՐԻ

Յուրաքանչյուր կենդանի խոսում է իր ցեղակիցներին հասկանալի լեզվով: Բայց արի ու տես, որ մեր հեքիաթի հերոս մկանը իր ցեղակիցները չեն հասկանում:

Ցանկացած դպրոցում կգտնվի մի տղա, որը կհարցնի, թե ինչպես են հեքիաթներ հորինում: Ասեմ, որ թե՛ մենակ, թե՛ ամբողջ դասարանով կարող եք դա անել:

ԳՐԵԻՑ ՓԱՆԱԾ ՄՎՆԻԿԸ

Մկնիկն ամբողջ կյանքում ապրել էր բարակ, էժանագին գրքույկում, որի մեջ նկարներով փոքրիկ պատմություններ կային: Մկնիկը շատ էր ձանձրացել և մի օր որոշեց փոխել բնակարանը: Նա ուզում էր գտնել այնպիսի տուն, որի թուղթը բանի պետք լիներ, զոնե նրանից պանրի հոտ գար: Նա հավաքեց ուժերն ու, որ չթռա՛վ, հայտնվեց իրական կյանքում՝ իսկական մկների մոտ:



- Սբառ՛ւշ,- շատ վախեցավ մկնիկը. կատվի հոտ էր առել:

- Ի՞նչ ասաց սա,- զարմացան կողքի մկները, որ ոչ մի բան չէին հասկացել նրա ասածից:

- Սփլո՛ւմ, բա՛խ փլում,- ասաց մկնիկը: Խեղճը միայն իր գրքի կենդանիների լեզվով էր խոսում:

- Երևի ուրիշ երկրից է եկել,- ասաց մի թռչակառու մուկ, որը երկար ժամանակ մի մեծ նավի վրա էր ծառայել:

Նա փորձեց անգլերեն խոսել նորեկի հետ: Մկնիկը ոչինչ չհասկացավ ու ասաց.

- Սիխի փնիշ, բրոհի՛ք:

- Ո՛չ, սա անգլիացի չէ,- ասաց «նավաստին»:

- Բա ո՞վ է նա, որտեղի՞ց է հայտնվել:

- Դե արի՛ ու գլո՛ւխ հանիր, թե ով է:

Ո՛ր խեղճ մկնիկի անունը դրեցին Արի ու գլուխ հանիր:

Մկները միշտ խաղում էին նրա հոգու հետ, ձեռք առնում.

- Լսի՛ր, ա՛յ Արի ու գլուխ հանիր, դու ի՞նչ պանիր ես սիրում:

- Սփիկն՞գ, քոն սիսիցաիր,- պատասխանում էր գրքի մկնիկը:

- Դե լավ, բարի՛ գիշեր,- ծիծաղում էին մկները: Իսկ ամենափոքրերը քաշում էին նրա պոչը, որ բարկացնեն ու վրան ծիծաղեն:

- Սոո՛ւնգ, սփլաշ սքուա՛փ:

Մի անգամ մկները ջրաղաց գնացին, որտեղ պարկերով այլուր կար: Նրանք ծակեցին պարկերը և սկսեցին այլուր խժռել: Լսվում էր մկների ատամների համերաշխ խրթխրթոցը.

- Խը՛րթ, խը՛րթ, խը՛րթ:

Գիտե՞ք՝ ուսելիս մկներն այդպիսի ձայն են հանում: Բայց արի ու տես, որ գրքի մկնիկի ատամների ձայնն էլ էր տարբերվում մյուսների ատամների ձայնից:

- Զրե՛ք, սքրե՛ք, սրե՛ք:

- Լսի՛ր, գոնե մկնավարի ուսե՛լ սովորիր,- փնթփնթում էր «Նավաստի» մուկը:- Եթե դու նավի վրա լինեիր, քեզ վաղուց ծովը նետած կլինեին: Ախր քո չփչփոցը զզվելի է:

- Զրե՛նգ,- պատասխանեց մկնիկն ու կրկին մտավ պարկի մեջ՝ այլուր ուսելու:

«Նավաստին» նշան արեց, ու բոլորը սուսուփուս հեռացան ջրաղացից՝ գրքի մկնիկին թողնելով բախտի քմահաճույքին: Նրանք համոզված էին, որ սա չի գտնի տունդարձի ճանապարհը: Իսկ մկնիկը, էլի ականջում քնած, շարունակում էր այլուր խժռել: Երբ նկատեց, որ մենակ է մնացել, արդեն շատ էր մութ. ինչպե՞ս տուն գնար: Մկնիկը որոշեց գիշերել ջրաղացում: Նա արդեն ննջում էր, երբ մթության մեջ երկու դեղին կրակ փայլեց, լսվեց չորքոտանի որսորդի ոտքերի թփթփոցը. դա կատուն էր:

- Սքաո՛ւշ,- սարսափած ծվաց մկնիկը:

- Գրագրա՛ն,- պատասխանեց կատուն:

Պարզվեց, որ նա էլ էր գրքից: Իսկական կատուները նրան դուրս էին արել, որովհետև նա չէր կարողանում սովորական «միաու» ասել: Վտարված մուկն ու կատուն երդվեցին երբեք չբաժանվել: Ամբողջ գիշեր նրանք գրուցում էին իրենց գրքային լեզվով ու շատ լավ էլ հասկանում էին իրար:



Համեմատիր նկարի և բնագրի բովանդակությունները, նշիր տարբերությունները:



1. Որտե՞ղ էր ապրում մկնիկը և ինչո՞ւ որոշեց փոխել իր բնակարանը:

2. Շատ հետաքրքրական արկածներ պատահեցին մկանը.

- հանդիպում և զրույց ցեղակիցների հետ,
- ցեղակիցների վերաբերմունքը,
- կյանքը ջրաղացում:

Վերընթերցի՛ր համապատասխան հատվածները և պատմի՛ր:

3. Ինչո՞ւ մկանը չէին հասկանում իր ցեղակիցները, և ինչո՞ւ նրան հասկացավ գրքակից կատուն:

4. Քո կարծիքով՝ մուկն ու կատուն ինչպե՞ս էին հայտնվել գրքում:

1 Ի՞նչ էին խոսում մուկն ու կատուն: Ստեղծե՛ք երկխոսություն և կարդացե՛ք համապատասխան հնչերանգով:

2 Նկարագրի՛ր մի դեպք, երբ դու կամ որևէ մեկը հայտնվել է նման իրավիճակում:

3 Վերականգնի՛ր «ֆանդված» առածները: Գրի՛ր բնագրին համապատասխան առածը:

մկան մահ:

քան ոչխարի մի հոտը:

հազար կա՛ մեկ չարժե:

Կատվի խաղ՝

Էծը էծին ավելի լավ է,

Մեկ կա՛ հազար արժե,

4 ԴԱՐՉԱԿՍՆԵՐ



Բնագրում օգտագործված ո՞ր երկու դարձվածներն են նկարված:

Դու գիտես, որ «նմանը նմանին է սիրում», բայց բոլորն իրար նման չեն. ընդունի՛ր նրանց այնպես, ինչպիսին կան:

Կառլո հայրիկը փայտից մի տիկնիկ է պատրաստում, անունը դնում **Բուրատինո**: **Բուրատինոն** դառնում է աշխույժ, արկածասեր, արդարամիտ ու ազնիվ մի մարտիկ:

Տիկնիկային թատրոնի չար ու դաժան տնօրեն Կարաբաս Բարաբասն ուզում է Բուրատինոյին էլ խաբեությանը տանել իր տիկնիկային թատրոնը և դաժանաբար աշխատեցնել:

Սակայն Բուրատինոն փախչում է նրանից, բազմաթիվ արկածների հանդիպում, ընկնում է հիմարների աշխարհը: Մի օր էլ նրան նետում են գետը, բայց նա փայտից էր ու չէր խեղդվի: Հենց գետում էլ Տորտիլա կրիան նրան տալիս է Ոսկե բանալին: Բուրատինոն չգիտեր, թե դա ինչ բանալի է և ինչու է Կարաբաս Բարաբասը փնտրում այն:

Այստեղ դու կկարդաս, թե Բուրատինոն ինչպես է կարողանում Կարաբաս Բարաբասից կորզել Ոսկե բանալու գաղտնիքը:

Իսկ գաղտնիքն այն էր, որ Կառլո հայրիկի խցում նկարված օջախի հետևում, գաղտնի թատրոնի դուռն էր, որտեղ բոլորը երջանիկ էին՝ և՛ մարդիկ, և՛ տիկնիկները:



Ես հիշեցի իմ հին բարեկամ Բուրատինոյին
և որոշեցի ձեզ պատմել այդ փայտե մարդուկի
անսովոր պատմությունը:

ԱԼԵՔՍԵՅ ՏՈԼՍՏՈՅ

ԲՈՒՐԱՏԻՆՈՆ ԻՍԱՆՈՒՄ Է ՈՍԿԵ ԲԱՆԱԼՈՒ ԳԱՂՏՆԻՔԸ

Տիկնիկային թատրոնի դաժան տնօրեն Կարաբաս Բարաբասը պանդկատիրոջն* ասաց.

- Այս գինին անպետք է, լցրո՛ւ այն փարջից*, - և ոսկորով ցույց տվեց այն փարջը, որի մեջ նստած էր Բուրատինոն:

- Սինյո՛ր, այդ փարջը դատարկ է, - պատասխանեց ճաշարանատերը:

- Սո՛ւտ ես ասում, ցո՛ւյց տուր:

Ճաշարանատերը փարջը վերցրեց և շուռ տվեց: Բուրատինոն ամբողջ ուժով սեղմվեց փարջի պատերին, որ վայր չընկնի:

- Այդ դեպքում փարջը դի՛ր սեղանին, մենք մեջը ոսկոր կլցնենք:

Եվ Բուրատինոյի գլխին սկսեցին կրծած ոսկորներ ու հացի չորուկներ տեղալ:



Կարաբաս Բարաբասը կուշտ խմելուց հետո ձեռքը խփեց սեղանին ու ասաց.

- Չե՛նց գտա Բուրատինոյին, նրանից կխլե՛մ Ոսկե բանալին:
Պանդոկապետն ասաց.

- Իզուր եք ձեզ հոգնեցնում որոնումներով: Ես հիմա կկանչեմ երկու ճարպիկ տղաների, նրանք կխուզարկեն ամբողջ անտառը և Բուրատինոյին բարձ կտան այստեղ:

- Լա՛վ: Ռեղարկի՛ր տղաներին,- ասաց Կարաբաս Բարաբասը:

Այդ ժամանակ Բուրատինոն փարչի խորքից երգեցիկ ձայնով կանչեց.

- Բա՛ց արա գաղտնիքը, դժբա՛խտ, բա՛ց արա գաղտնիքը...

Կարաբաս Բարաբասը, հանկարծակիի եկած, ատամները վախից չխկացրեց:

- Բա՛ց արա գաղտնիքը,- փարչի խորքից նորից լսվեց խորհրդավոր ձայնը,- թե չէ այդ աթոռից չես իջնի այլևս, դժբա՛խտ:

Կարաբաս Բարաբասը փորձեց վեր թռչել, բայց չկարողացավ նույնիսկ շարժվել:

- Ի-ի-ի՛նչ գ... գաղ... տնիք,- կակազելով հարցրեց նա:

Ձայնը պատասխանեց.

- Ոսկե բանալու գաղտնիքը:

Կարաբաս Բարաբասի ծնոտը սարսափից կախվեց:

- Որտե՞ղ է դռնակը, որտե՞ղ է դռնակը,- նվագ ձայնը, որ նման էր աշնանային գիշերը ծխնելույզի մեջ աղմկող քամու ձայնի...

- Կասե՛մ, կասե՛մ, լռի՛ր, լռի՛ր,- շշնջաց Կարաբաս Բարաբասը:- Դռնակը ծեր Կառլոյի խցում է, նկարված օջախի հետևում...

Չազիվ էր նա արտասանել այս խոսքերը, երբ ներս մտավ պանդոկապետը.

- Ա՛յ, վստահելի տղաներ են, սիկյո՛ր, նրանք փողով սատանաներին անգամ ձեզ մոտ կբերեն...

Եվ նա ցույց տվեց շեմքին կանգնած Ալիսա աղվեսին ու Բազիլիո կատվին:

Աղվեսը հարգանքով հանեց իր հևամաշ գլխարկը:

- Սիկյո՛ր Կարաբաս Բարաբաս, նվիրեցե՛ք մեզ տասը ոսկի, և մենք սրիկա Բուրատինոյին ձեզ կտանք առանց տեղից անգամ շարժվելու:



Կարաբաս Բարաբասը ձեռքը կոխեց մորուքի հետևում գտնվող բաճկոնակի* գրպանը և տասը ոսկեդրամ հանեց:

- Ահա՛ փողերը: Իսկ ո՞ւր է Բուրատինոն:

Աղվեսը մի քանի անգամ փողերը հաշվեց, հառաչելով կեսը տվեց կատվին և ասաց.

- Նա այդ փարջի մեջ է, սինյո՛ր, ձեր քթի տակ...

Կարաբաս Բարաբասը սեղանից վերցրեց փարջը և կատաղած խփեց քարե հատակին: Փարջի կտորտանքի ու կրծած ոսկորների միջից դուրս թռավ Բուրատինոն: Մինչ բոլորը շշմած, բերանները բաց կանգնած էին, նա պանդոկից նետի պես դուրս սլացավ բակ՝ ուղիղ աբլորի մոտ, որը հպարտորեն մերթ մեկ, մերթ մյուս աչքով նայում էր մի որդի:

- Այդ դո՛ւ ինձ մատնեցիր, դո՛ւ, կոտլետի պառաված միս,- քիթը կատաղի վեր քաշելով՝ ասաց Բուրատինոն:- Դե, հիմա ճղի՛ր ինչքան ուժ ունես...

Եվ նա պինդ կպավ աբլորի գեներալական պոչին: Աբլորը, ոչինչ չհասկանալով, թւերը ցցեց և սկսեց փախչել: Բուրատինոն, նրա պոչից կախված, թռավ մինչև սարի տակ, կտրեց-անցավ ճանապարհը և դաշտով սլացավ դեպի անտառ:



1. Ի՞նչ էր անում Կարաբաս Բարաբասը պանդոկում:

2. Ոսկե բանալու գաղտնիքն ինչպե՛ս իմացավ Բուրատինոն:

3. Ովքե՛ր խոստացան գտնել Բուրատինոյին և ինչպե՛ս գտան:

4. Ի՞նչ հնարամտությամբ Բուրատինոն ազատվեց հետապնդողներից: Կարդա՛ համապատասխան հատվածը:

5. Ինչո՞ւ էին համագործակցում Կարաբաս Բարաբասը, Ալիսա աղվեսը և Բագիլիո կատուն: Կարդա՛ նրանց բնութագրող տողերը:

6. Քո կարծիքով՝ ինչո՞ւ էին բոլորն ուզում ձեռք բերել Ոսկե բանալին:

U

Պատմելու ձևով ասված նախադասությունը կոչվում է պատմողական նախադասություն:

ԱՉԵՐ ԱՌԱՋ

գաղտնիք



1

Հեփիաթում նկարագրված դեպքերի շուրջ կազմիր մի ֆանի պատմողական նախադասություն և գրիր: Սկսիր այսպես.

1. Կարաբաս Բարաբասը պանդոկում հանկարծ գտավ Բուրատինոյին:

2.

2

Ինչ հարցեր կտաս, որոնց պատասխանները լինեն հետևյալ պատմողական նախադասություններ: Գրիր:

- Ո՛չ, ես վախենում եմ:
- Այո՛, ես դա կարող եմ:
- Ես դժվարանում եմ խոստովանել:
- Այո՛, ինձ համար հաճելի է:

Օրինակ, առաջին նախադասության համար հնարավոր են այսպիսի հարցեր.


- Դու մենակ կգնա՞ս անտառ:
- Բարձր աշտարակից կթռչե՞ս ջրավազանի մեջ:
- Դու չհուշկներով կսահե՞ս սահադաշտում:

Դու գրեցիր հարց պարունակող նախադասություններ:



3

Գտիր, թե ինչ կենդանիներ են պատկերված նկարում: Ճիշտ լրացրու խաչքառը և կտեսնես, թե ով է բաճակվել կենդանիների մեջ (խաչվե՞ն նշանակում է փայտե տիկնիկ):



4

ՉԿԱՐՑ ՏՐԱՄԱԲԱՆՈՒԹՅՈՒՆ

Երեք ընկեր, չորս սկյուռ

Երեք ընկերով՝ Գոռը, Սահակը
 ՈՒ Վաղարշակը, ուրախ երգելով,
 Անտառ գնացին օրը ցերեկով:
 Ծառի փչակում տեսան չորս սկյուռ,
 Որ թաքնվեցին բնի մեջ իսկույն:
 Իսկ եթե միայն Գոռն անտառ գնար,
 Նա քանի՞ սկյուռ կտեսներ ծառին.
 Եղի՞ր ուշադիր, չխաբվե՛ս բառին:



Չարերը որքան էլ համախմբվեն, միևնույն է, բարին միշտ հաղթում է:



Յոթ սարից, յոթ ձորից այն կողմ կար մի թագավորություն, որտեղ օձն իր պորտով, հավքն իր թևով չէր եղել: Եկեք մենք համարձակ մտնենք և բացահայտենք սև արկղի գաղտնիքը:

Այս աշխարհում գունավոր
Տոն է ապրած ամեն օր:

ԷՐԿԱՐԴ ՄԻԼԻՏՈՆՅԱՆ

ՍԵՎ ԱՐԿՂԻ ԳԱՂՏՆԻՔԸ

Կա՛ր, և հաստատ կար, մի դաժան թագավոր: Նրա իշխանության մեջ մարդը վախենում էր մարդուց, ձին՝ ձիուց, ծաղիկը՝ ծաղկից: Օձն իր պորտով, հավքն իր թևով չէին համարձակվում մտնել դաժան թագավորի տիրապետությունը: Մի անգամ նրա գորավարն ասաց.

- Օ՛, պայծառափայլ, արեգնատեսք, ամենագո՛ր տեր, հրաշալի բան եմ մտածել:

Թագավորը, ձեռքերը շփելով, ժպիտը երեփին ասաց.

- Դե, շո՛ւտ ասա, թե չէ ինչքան ժամանակ է ձանձրանում եմ, Յախաբլո՛ր:

Թագավորն այդպես էր կոչում արթունիքի բոլոր անձանց, որովհետև հավես չունեի հիշելու նրանց անունները:



Եվ գորավարը, հաճույքից դողալով, ասաց.

- Ուրեմն այսպես. կպատրաստենք մի սև, փոքրիկ արկղ, նրա մեջ ոչինչ չենք պահի և կկանչենք երկրի իմաստուններին, թող գուշակեն՝ ի՞նչ կա և չկա արկղի մեջ: Համոզված եմ նրանցից ոչ մեկը ճշգրիտ չի պատասխանի և, իսկուրեմ, կցրենք ձեր ձանձրույթը, այսինքն՝ կգլխատվեն բոլորը: Հավատացե՛ք, Ձերդ մեծությանը միայն նրանցից է վտանգ սպառնում:

Թագավորը ցուցամատը դրեց ճակատին, մի պահ լռեց, իբր խորհում է, և ասաց.

- Վաղը երեկոյան բոլոր իմաստուններն այստե՛ղ լինեն: Գնահատում եմ հնարանքդ, Յախաբլո՛ր, արի՛ կտտացնեմ գլխիդ, մտածող գուլիս է:

Չորավարը ոգևորված թռչկոտեց՝ շոյելով կտտոցներից խառնված մազերը:

Հաջորդ օրը թագավորը բազմել էր գահին, նրա առջև սև արկղն էր: Ծեր իմաստունները հերթով մոտենում, փորձում էին գուշակել, ապա գլխիկոր հեռանում կարմրագգեստ դահճի ուղեկցությամբ:

Թագավորի առջև կանգնեց վերջին, ամենագիտուն իմաստունը: Թագավորը հորանջեց ու ասաց.

- Ո՛վ ամենագիտուն, ես էլ մարդ եմ, քունս տանում է, վաղն առավոտյան կհավաքվենք գուշակությունդ լսելու:

Իմաստունին գինվորներն ուղեկցեցին պալատի բանտախուց, որպեսզի որևէ մեկի հետ չկարողանա զրուցել:

Իմաստունը երկար-բարակ խորհեց, հազար բան գուշակեց, մինչև գտավ իր փնտրածը:

Քնելուց առաջ բթի տակ մրմնջաց. «Եթե թագավորը դաժան է, ուրեմն՝ վախկոտ է»:

Առավոտյան թագավորական դահլիճում նույն պատկերն էր. թագավորը՝ գահին, սև փոքրիկ արկղը՝ սեղանին, մեծամեծներն ու նրանց կանայք՝ դահլիճում:

Բեմ բարձրացավ ծեր իմաստունը, ողջունեց թագավորին ու սպասեց:

- Դե՛, գուշակի՛ր, ամենագե՛տ, ի՛նչ կա այս փոքրիկ արկղի մեջ, - ասաց թագավորը, - եթե ճշգրիտ գուշակես, թագավորությանս կեսը քեզ կտամ:

Իմաստունը ծանրախոհ նայեց արկղին և բառ առ բառ արտաբերեց.

- Գիշերը երազ տեսա: Երազում Ձերդ մեծության սիրելիները՝ զորավարն ու վեգիրը, խորհուրդ էին անում, թե ինչպես սպանեն Ձեզ:

Չորավարն առաջարկեց այս փոքրիկ արկղի մեջ մահացու թունավոր ճանճ թաքցնել, այնպիսի ճանճ, որը միայն թագավորներին է խայթում: Վեգիրը համաձայնեց, և գիշերն արկղի մեջ գաղտագողի մահացու ճանճ դրեցին: Իմ երազները երբեք ինձ չեն խաբել, այնպես որ, Ձե՛րդ մեծություն, արկղի մեջ թունավոր ճանճ է:

Չորավարը գոռաց.

- Սո՛ւտ է, պայծառափայլ, մի՛ հավատացեք:

Վեգիրը բղավեց.

- Խաբո՛ւմ է, արեգևատե՛սք, այդպիսի բան չի՛ եղել:

Դահլիճը սսկվել, սպասում էր:

Թագավորը ցուցամատը դրեց ճակատին, իբր մտածում է, և չգիտեր ինչ որոշել: «Իսկ գուցե ճի՛շտ է իմաստունը, ո՛վ իմանա, զորավարն ու վեգիրը աչք չունեն իմ գահին, երեսանց ժպտում են ու բծնում, իսկ մտքում գուցե իմ մահն են ուզում: Չե՛, պետք չէ համարձակության դիմել»:

Եվ, գահին մի քանի անգամ անհանգիստ շարժվելով, հրամայեց.



- Արկղն առանց բացելու թաղել ամենախոր փոսի մեջ: Իսկ քե՛զ, իմաստո՛ւն, ինչպես խոստացա, հանձնում եմ թագավորությանս կեսը:

Դահճի ուղեկցությամբ և պահակախմբի հսկողության տակ դուրս տարան զորավարին ու վեզիրին:

Խեղկատակը քրքջում էր զորավարի հետևից.

- Փոս փորողը փոսն է ընկնում:



1. Ինչպիսի՞ մարդ էր թագավորը, և ինչպե՞ս էին ապրում նրա հպատակները:

2. Ի՞նչ զարհուրելի բան մտածեց թագավորի զորավարը:

3. Ի՞նչ պատահեց թագավորության իմաստունների հետ, և ի՞նչ մտածեց ամենագիտուն իմաստունը:

4. Ի՞նչ պատահեց «փոս փորողին»: Ինչո՞ւ:

5. Կարգա այն տողերը, որոնցից երևում են թագավորի դաժանությունը, վախկոտությունը, անգիտությունը, մեծամտությունը:

6. Եթե դու լինեիր իմաստունի փոխարեն, ի՞նչ հնարամտություն կբանեցնեիր:

1

Հեփիաթն ավարտվում է առածով: Ո՞րիչ ի՞նչ առածով կավարտեիր հեփիաթը: Ընտրիր:

Լավ անես, քեզ կանես, վատ անես, քեզ կանես:

Խելքը բնովի է, ոչ թե գևովի:

Ով ինչ անի, իրեն կանի:

Արդարը որ մազ դառնա, չի կտրվի, խարդախը, որ գերան դառնա, կկտրվի:

Տաշած քարը գետնին չի մնա:

U

Հարցում արտահայտող նախադասությունը կոչվում է հարցական նախադասություն: Հարցում արտահայտող բառի վերջին վանկի ձայնավորի վրա դրվում է հարցական նշան՝ **?**:

2

Հետևյալ պատմողական նախադասությունները դարձրո՛ւ հարցական:

Կար մի դաժան թագավոր:

Իմաստունը գտավ լուծումը:

Արկղը դատարկ էր:

Փոս փորողը փոսն է ընկնում:

Օրինակ: Իմաստունը երազ տեսավ: └── Իմաստո՞ւնը երազ տեսավ:
└── Իմաստունը երա՞զ տեսավ:
└── Իմաստունը երազ տեսա՞վ:

3 ԽՈՍՔԱՅԻՆ «ՎԹԱՐՆԵՐ»



ՈՒՂՂԻՐ ՍԻՍԱԼՆ, ԿԱՆԻՍԻՐ «ՎԹԱՐՆԵՐ»

Իմ մայրիկս մեր տան ճրագն է:
Քո հետ ես աշխարհի ծայրն ել կգնամ:
Երկրորդը ի՞նչ լավ էր նվագում ջութակի վրա:
ՈՒՂՈՒՄ ԵՄ ասեմ, որ այսպես ասելը սխալ է:
Արդեն առանց հեռախոս ապրել չի լինում:
Այսպես, ուրեմն, պայմանավորվածությունը չենք խախտում:

4

ա) Հեքիաթում ի՞նչ բառերով էին դիմում թագավորին: Կազմությամբ ինչպիսի՞ բառեր են դրանք, բաժանի՞ր բաղադրիչների:

բ) Թագավորներին ուրիշ ի՞նչ բառերով են դիմում. հիշի՞ր քո կարդացած ու լսած հեքիաթները:

5 ԶՎԱՐԹ ՏՐԱՄԱԲԱՆՈՒԹՅՈՒՆ

Մի արդար մարդ բանտապետի չարախոսությամբ բանտ է ընկնում: Թագավորի որոշմամբ մի սև արկղի մեջ երկու թուղթ են գցում: Մեկի վրա գրում են՝ «Մեղավոր է», մյուսի վրա՝ «Մեղավոր չէ»: Եթե մարդն արկղից հանի «Մեղավոր է» թուղթը, նրան կգլխատեն, եթե՝ «Մեղավոր չէ» թուղթը, ազատ կարծակեն:

Բանտապետն ուզում է, որ անպայման գլխատեն արդար մարդուն, և երկու թղթի վրա էլ գրում է՝ «Մեղավոր է»: Արդար մարդն իմանում է, որ բանտապետն այդպիսի նենգություն է արել ու շատ է տխրում:

Սակայն հանկարծ հասկանում է, որ ինքը կարող է փրկվել: Ինչպե՞ս, կարո՞ղ ես կռահել:



Հիշի՞ր
«Երեմ աղջիկների
հեքիաթը»:





Արտույտը վախենում էր, որ երկինքը փուլ կգա:
Նա պառկում է մեջքի վրա ու ոտքերը դեմ տալիս
երկնքին:

Տեսողները ծիծաղում են նրա վրա.

- Ա՛յ թռչնակ, դու ո՞նց կարող ես թռ ծղոտե տոտիկ-
ներով պահել երկինքը:

- Ես իմ բաժին երկինքն եմ պահում:

ՍՈՒՐԵՆ ՍՈՒՐԱՅԱՆ

ՔԱՋ ԱՐՏՈՒՏԻԿԸ

Լույսը չբացված՝ մի ժիր արտուտիկ՝
Պստլիկ ու սիրուն, ինչպես քաջ մարտիկ,
Մոխրագույն, ամուր իր թևիկներով,
Ծղոտե բարակ, պինդ տոտիկներով,
Երգը կտուցին վեր է սլանում,
Արևածաղն է երգով ողջունում...
Մի առավոտ էլ նա վաղ արթնացավ,
Աշխույժ ճախրանքով երկինք բարձրացավ:
Նրա դեմ ելավ հավազող բազեն.

- Բախտդ բերել է,
Ա՛յ անխելք, անզեն,
Կհոշոտեի
Քեզ հենց այս պահին,
Ափսոս՝ փախչում եմ
Կայծակի ահից:
Իսկ դու չե՞ս լսում
Որոտը ամպի,
Հազար փորձանք է
Սպասում ճամփիդ:
Աղետ է գալու,
Ամպերն են լալիս,
Երկինքը ճաքել
Ո՛ր փուլ է գալիս:
Դու՝ վտիտ* թռչուն,
Ի՞նչ պիտի անես.
Երկինքը՝ հսկա,
Դու՝ մի թիզ ու կես:
- Ո՛րժս ինչ պատի,
Այն էլ կանեմ ես,
Վտիտ եմ, սակայն

Ցանկանում եմ, որ ձեր հոգում հեքիաթն
ապրի երկա՛ր-երկար տարիներ:



Վախկոտ չեմ թեզ պես:
Թող ինչքան կուզի՝
Ամպը որոտա,
Ո՛չ, ես չե՛մ թողնի,
Որ ամպը փուլ գա,
Պիտի ես հասնեմ
Բարձր ամպերին,
Բարի լույս մաղթեմ
Մարդկանց, աշխարհին...

**Ամպրոպն է գոռում, շողում կայծակը,
Սակայն ճախրում է անվախ թռչնակը,
Ամպերն են գոռում, կայծակն է շաչում,
Ամպերից վեր է մի փոքրիկ թռչուն:**
Քաջ արտուտիկն է, թևիկներին՝ վերք,
Կտուցին՝ արև, լուսաբացի երգ:
Ճամփա է անցել նա շատ դժվարին,
Երգով բարի լույս ասել աշխարհին:
Արտույտի երգով բացվեց առավոտ,
Լույսից չբացան կայծակ ու որոտ:
Լույսով լցվեցին ձոր, դաշտ ու կածան,
Երկինքն էլ կապեց խիստի ծիածան...



1. Ինչպե՞ս էր բաջ արտուտիկը արևածագը ողջունում, և ի՞նչ պատահեց նրան մի առավոտ:
2. Ինչո՞ւ բազեն չհռչոտեց արտուտիկին:
3. Ինչո՞ւ արտուտիկը շարունակեց ճախրել:
4. Արտույտն ինչպե՞ս հաղթահարեց դժվարին ճանապարհը և ինչո՞ւ:

1 Վերընթերցելով բազեի ու արտուտիկի երկխոսությունը՝ բնութագրի՛ր նրանց:

2 Ի՞նչ կցանկանայիր հարցնել բանաստեղծության հերոսներին: Գրի՛ր:

3 Արտուտիկն ինչպե՞ս հասավ իր նպատակին: Վերընթերցի՛ր ընդգծված բառատողը:
Իսկ դո՞ւ.
 ա) հուսահատվում ես,
 բ) համբերում ես,
 գ) պայքարում ես,
 դ) աշխատում ես լավ գործեր անել,
 ե) հավատում ես քո հաղթանակին,
 զ) հրաժարվում ես պայքարելուց:

4 Լրացրո՛ւ աղյուսակը՝ օգտագործելով բնագրի բառերը:

արտուտիկ	բազե
երգեցիկ	գիշատիչ
բնբուշ	որսորդ
.....

ԱՏԼԱՏ

ԲԱՌԸ՝ ԱՓԻ ՄԵՋ



Ըստ հունական դիցաբանության՝ Երկնքի աստված Ռիրանոսը և Երկրի աստվածուհի Գեան ունեին վեց որդի՝ տիտաններ: Սրանք հսկայական ուժով օժտված աստվածներ էին: Իրենց որդիների հետ նրանք ցանկացան օլիմպոսյան աստվածներից գրավել Երկինքը: Այդ կռվի մասնակիցներից մեկն Ատլանտն էր, որի պատիժը պարտությունից հետո երկնակամարն իր ուսերին պահելն էր:



Չետագայում, փոխաբերական իմաստով, ատլանտներ կոչվեցին ճարտարապետության մեջ մարդկային կազմվածքով սյուները, որոնք պահում էին ծածկը:

Իսկ **տիտան** այսօր, դարձյալ փոխաբերական իմաստով, նշանակում է հսկայական, առասպելական ուժի տեր մարդ, ինչպես նաև՝ մեծ խելքի, տաղանդի տեր, ականավոր անձ:

☀ Սրտով արած փոքրիկ գործը
Լավ է, քան թե շատ մեծ փորձը:

Մաղթել
աշխարհ



ՈՒՉՈ՞ՒՄ ԵՍ ԱՎԵԼԻՆ ԻՄԱՆԱԿ

Դու էլ, Արտուուտիկն էլ մի-մի ատլանտ եք

Ջնում մարդկանց թվում էր, թե ինչ-որ ուժեր պահում են երկինքը, որ նա փուլ չգա երկրի վրա: Օրինակ, դու կարողացիր, որ ըստ հին հունական դիցաբանության՝ երկինքը պահում էր հզոր ուժով օժտված Ատլանտը:

Դարերի ընթացքում մարդիկ հասկացան, որ երկինքը պահելու հարկ չկա, որ երկինքը չի կարող փուլ գալ:

Սակայն միամիտ Արտուուտիկը չգիտեր դա ու պահում էր իր բաժին երկինքը:

Յուրաքանչյուր մարդ պետք է իր գործով «պահի երկինքը», որ երկինքը փուլ չգա, այսինքն՝ մեծ դժբախտություն, մեծ փորձանք չպատահի ամբողջ մարդկությանը:



«Երկինք պահելը» դժվար է, բայց հիշիր՝ դու մենակ չես, և ամեն մեկն իր բաժին երկինքն է պահում:





Թագավորին թվում էր, թե իրենից խորամանկ մարդ չկա աշխարհում, և ոչ մեկը չի կարող իրեն խաբել...

Արհամարհի՛ր չարիքն ու անազնվությունը, բայց ոչ՝ չար ու անազնիվ մարդկանց:

ՎԻՆԱՍ ՍԱՐՈՅԱՆ

ԹԱԳԱՎՈՐՆ ՈՒ ԽԱՐԵՔԱՆ

Թագավորի խորհրդատուն գալիս է նրա մոտ, ասում.

- Թագավորն ապրած կենա, մեր քաղաքում մի խաբեբա է հայտնվել, որը բլբլացնելով ազնիվ մարդկանցից փող է կորզում*:

- Ո՞նց թե,- զարմացած հարցնում է թագավորը:

- Մենք էլ դրանից գլուխ չենք հանում: Այդ մարդն աչքերը խորհրդավոր հառում է վրադ ու բլբլացնում: Հետո, մինչև գլխի ես ընկնում, տեսնում ես՝ քսակդ առել, չքացել է: Մի անգամ նույնիսկ քաղաքի ամենախորամանկ մարդուն քթից բռնած ման ածեց:

- Խելքին մոտ բաներ չես խոսում,- ասում է թագավորը:

- Է՛ն Աստված, ճիշտ եմ ասում:

- Դե լավ, գնա եդ մարդուն քե՛ր, տեսնենք, թե ինձ ոնց է խաբում: Եթե նրան չհաջողվի այդ բանն անել, զգուշացնում եմ՝ գլուխդ ուսերիդ չի մնա: Եվ խորհրդատուն գնում է բլբլացող խաբեբայի մոտ ու ասում.

- Մեր թագավորը քեզ իր պալատն է կանչում, որ իրեն խաբես: Լավ կլինի՝ ինչքան հմտություն ունես, բանեցնես:

- Ե՛ս... Խաբեմ թագավորի՛ն... Չէ՛, Աստված ինձ թույլ չի տա, որ եդ բանն անեմ:

- Եթե քեզ չհաջողվի մեր թագավորին խաբել, երկուսիս էլ կգլխատեն,- բացատրում է խորհրդատուն:

- Դե լավ, ինչ արած, որ ասում ես, ասում ես...- համաձայնում է խաբեբան:

Եվ խորհրդատուն նրան տանում է թագավորի մոտ:

Թագավորն ասում է.



- Ինձ ասել են, որ դու խաբել ես մեր քաղաքի ամենախելացի մարդկանց ու նրանցից փող կորզել: Ես շատ եմ հպարտանում իմ խելքով և ուզում եմ, որ ինձ էլ խաբես: Հապա փորձիր:

- Թագավորն ապրած կենա, խաբելը կխաբեմ, բայց վախենամ չկարողանամ, որովհետև բոլոր գործիքներս գրավ* են դրված: Իսկ առանց գործիքների... Լույնիսկ ամենամիամիտ գյուղացուն չեմ կարող խաբել:

- Որ այդպես է, գնա գործիքներդ բե՛ր,- հրամայում է թագավորը:

- Բայց ես փող չունեմ,- ասում է խաբեբան:

- Իսկ ինչքա՞ն է պետք, որ գործիքներդ հետ բերես:

- Երկու հարյուր ոսկի,- ասում է խաբեբան:

- Խորհրդակա՞ն,- հրամայում է թագավորը,- այդ երիտասարդին երկու հարյուր ոսկի՛ տուր, թող գնա իր գործիքները բերի, տեսնեսք ո՞նց է ինձ խաբում:

Եվ խորհրդականը խաբեբային երկու հարյուր ոսկի է տալիս: Վերջինս իրեն հատուկ ձևերով գլուխ է տալիս ու դուրս գնում՝ խոստանալով երկու ժամ հետո վերադառնալ: Իսկ թագավորը, հարմարավետ տեղավորվելով գահին, սպասում է: Շատ ժամանակ անց խորհրդատուն վախվորած ժպտում է:

- Ինչո՞ւ ես ժպտում,- հարցնում է թագավորը:

- Թագավորն ապրած կենա, եթե որոշել եք այդ խաբեբային սպասել...

Ոնց ասեմ՝ մինչև ձեր երեխաներն էլ լույս աշխարհ գան, նրանց թոռներն ու ծոռներն էլ, այդ խաբեբան չի վերադառնա: Չե՞ որ նա արդեն խաբել է Ձեզ, ո՛վ աշխարհի ամենախիմաստուն արքա: Այդ խաբեբայի գործիքը հենց նրա բլբլացող լեզուն է:



1. Ի՞նչ արտասովոր մարդ էր հայտնվել քաղաքում, և ինչո՞ւ էր թագավորն ուզում հանդիպել նրան:

2. Խաբեբան ինչո՞ւ համաձայնեց գնալ թագավորի մոտ:

3. Ի՞նչ հնարամտությամբ նա խաբեց թագավորին:

4. Ինչո՞ւ նրան հաջողվեց խաբել թագավորին:

5. Երբևէ բեզ խաբե՞լ են. ի՞նչ ես զգացել:

1

Գնա էդ մարդուն բե՛ր:

Գնա գործիքներդ բե՛ր:

Այդ երիտասարդին երկու հարյուր ոսկի՛ տուր:

Հեքիաթից ընտրված այս նախադասություններով թագավորը.

ա) պատմում է, բ) հարցնում է, գ) հրամայում է, դ) բացականչում է:

Ընտրիր՝ ո՞րն է ինչի տարբերակը և կարդա՛ համապատասխան հնչե-
րանգով:

2 Գրի՛ր թո կարդացած հեքիաթների թագավորներին բնութագրող բառեր: Այդ շարքի մեջ դու գրեցի՞ր այս հեքիաթի թագավորին բնութագրող բառեր: Հիմնավորի՞ր հեքիաթի տողերով:

U Ջրաման, կարգադրություն կամ խնդրանք արտահայտող նախադասությունը կոչվում է հրամայական նախադասություն:

<p>3</p> 	
<p>Կառլո հայրիկն ի՞նչ է հորդորում Բուրատինոյին:</p>	<p>Սև թագունին ի՞նչ է հրամայում Ալիսին:</p>
	
<p>Պարոն Լոլիկն ի՞նչ է կարգադրում Մաստինո շանը:</p>	<p>Դնչիկն ի՞նչ է խրատում Վինի Քուլիին:</p>
<p>Հարցերին պատասխանի՞ր հրամայական հնչերանգի նախադասություններով: Գրի՛ր պատասխան նախադասությունները: Ո՞ր բառի վրա կդնես շեշտը: Ինչո՞ւ: Ստուգի՛ր բեզ: Այս նախադասություններում դու շեշտը դրեցիր կտրուկ և ուժեղ հնչերանգով արտասանվող բառերի վերջին վանկի ձայնավորի վրա:</p>	

«Լեզուն աշխարհի ամենալավ և ամենավատ բանն է. նայած թե ում բերանում է»:
 Եզրպոս



Յոթ սարից, յոթ ծորից այն կողմ ապրում էր Վախրը: Եվ ապրում էր մի «բաջ» մարդու սրտում, որի անունն էր Նազար:

Կցանկանայի, որ դուք ավելի բախտավոր լինեք և ավելի բարձր ու մեծ, քան մենք ենք եղել:

ՀՈԿՅԱՆՆԵՍ ԹՈՒՄԱՆՅԱՆ

ՔԱՋ ՆԱԶԱՐԸ

Լինում է, չի լինում մի խեղճ մարդ՝ անունը Նազար: Ես Նազարը մի անշնորհք ու ալարկոտ մարդ է լինում. Է՛նքան էլ վախկոտ, Է՛նքան էլ վախկոտ, որ մենակ ոտը ոտի առաջ չէր դնիլ, թեկուզ սպանեիր: Օրը մինչև իրիկուն կնկա կողքը կտրած՝ նրա հետ դուրս գնալիս դուրս էր գնում, տուն գալիս՝ տուն գալի: Դրա համար էլ անունը դնում են Վախկոտ Նազար:

Ես Վախկոտ Նազարը մի գիշեր կնկա հետ շեմքն է դուրս գալի: Որ շեմքն է դուրս գալի, տեսնում է լո՛ւս-լուսնյակ գիշեր, ասում է.

– Ա՛յ կնիկ, ի՛նչ քարվան կտրելու գիշեր է... Սիրտս ասում է՝ վեր կաց գնա Հնդստանից եկող Շահի քարվանը կտրի, բեր տունը լցրու...

Կինը թե՛

– Ձե՛նդ կտրի՛, տե՛ղդ նստի, քարվան կտրողիս մտիկ արա...


Նազարը թե՛

– Անզգա՛մ կնիկ, ինչո՞ւ չես թողնում գնամ քարվան կտրեմ, բերեմ տունը լցնեմ: Ել ի՛նչ տղամարդ եմ ես, էլ ինչո՞ւ եմ գդակ ծածկում, որ դու համարձակվում ես իմ առաջը խոսես:

Որ շատ կռվում է, կնիկը տուն է մտնում, դուռը փակում:

– Հողե՛մ եղ վախկոտ գլուխդ, դե հիմի գնա՛, քարվան կտրի:

Ես Նազարս մնում է դռանը: Վախից լեղապատառ է լինում: Ինչքան աղաչում-պաղատում է, որ կնիկը դուռը բաց անի, չի լինում, բաց չի անում: Ճարը կտրած գնում է, մի պատի տակի կույզ է գալի, դողալով գիշերն անց է կացնում, մինչև լույսը բացվում է: Նազարը խռոված, պատի տակին



արևկող արած սպասում է, որ կնիկը գատուն տանի, ու միտք է անում: Ամառվա շոգ օր, գազազած ճանճեր, ինքն էլ էնքան ալարկոտ, որ ալարում է քիթը սրբի: Ճանճերը գալիս են սրա քիթ ու պռունգին* վեր գալի, լցվում: Որ շատ նեղացնում են, ձեռը տանում է երեսին զարկում: Որ երեսին զարկում է, ճանճերը շարդվում են, առաջին թափվում:

- Վահ, ես ի՞նչ եր...- մնում է զարմացած:

Ռեզում է համրի, թե մի զարկով բանիս սպանեց, չի կարողանում: Ստածում է, որ հազարից պակաս չի լինիլ:

- Վահ,- ասում է,- ես եսպես տղամարդ եմ էլել ու մինչև էսօր չեմ իմացել... Ես, որ մի զարկով կարող եմ հազար շունչ կենդանի շարդել, էլ ի՞նչ եմ ես անախտան կնկա կողքին վեր ընկել...

Եստեղից վեր է կենում, ուղիղ գնում իրենց գյուղի տերտերի մոտ:

- Տերտեր, օրհնյա՛ ի տեր:

- Աստված օրհնի, որդի՛ս:

- Տերտեր, բա չես ասիլ, էսպես-էսպես բան:

Պատմում է իր քաջագործությունը ու հետև էլ հայտնում է, որ պետք է իր կնկանից կորչի, միայն ինդրում է՝ իր արածը տերտերը գրի, որ անհայտ չմնա, ամենքն էլ կարդան-իմանան: Տերտերն էլ, կատակի համար, մի փալասի կտորի վրա գրում է.

**Անհաղթ հերոս Քաջ Նազար,
Որ մին զարկի՝ շարդի հազար:**

Ո՛ր տալիս է իրեն:

Նազարս ես փալասի կտորը մի փետի ծերի ամրացնում է, մի ժանգոտած թրի կտոր կապում մեջքը, իրենց հարևանի իշին նստում ու գյուղից հեռանում:



1. Ի՞նչ պատահեց Վախկոտ Նազարին մի անգամ:

2. Նազարն ինչո՞ւ գնաց տերտերի մոտ:

3. Վախկոտ Նազարն ինչպե՞ս դարձավ Քաջ Նազար:

4. Կարդա՛ Նազարին բնութագրող հատվածները:

5. Քո կարծիքով՝ ի՞նչ քաջագործություններ կկատարի Քաջ Նազարը

հետագայում:

6. Դեբիաթում հեղինակն ի՞նչ չափազանցություններ է կիրառել Նազարի կերպարն ավելի բնորոշ դարձնելու համար:





- Վայ, ես մարդիկ ինչ վաղ են բնում, բացականչեց Սասունցի Դավիթը:

Վայ բառի վրա ոչ շեշտ է դրված, ոչ հարցական նշան: Մտածիր՝ ինչո՞ւ: Կարդա՛ գարման՝ արտահայտելով:



- Ջան, Ոսկե բանալին գտա:



- Ախտո՛ւ, ո՞նց խաբվեցի:



- Երանի՛ր մեկը փայտի գնար:



- Վախենո՛ւմ եմ, դուռը մի՛ փակիր:

1 Ո՞ր նկարը ի՞նչ հույզով է արտահայտվում. վախ, ցանկություն, ուրախություն, ափսոսանք:

Արտագրի՛ր նախադասությունները՝ կից գրելով համապատասխան զգացմունք արտահայտող բառերը:

Ուշադրություն դարձրի՛ր, որ բացականչություն արտահայտող բառի վերջին վանկի ձայնավորի վրա դրված է բացականչական նշան (՛):

Բնագրից դո՛ւրս գրիր բացականչական նախադասությունները:

U Ուրախություն, հիացմունք, ցանկություն, զարմանք, ափսոսանք, վախ և այլ զգացմունքներ արտահայտող նախադասությունը կոչվում է **բացականչական նախադասություն**:

Եթե հետաքրքրեց, կարդա՛ հեքիաթն ամբողջությամբ և ընկերներիդ պատմի՛ր, թե Զաջ Նազարն ինչպես դարձավ թագավոր:



Վաչագանը մի հզոր թագավորի որդին էր: Մի անգամ, իր հավատարիմ ընկեր Վաղինակի հետ որս անելիս, աղբյուրի մոտ տեսնում է Անահիտին ու սիրահարվում: Ուզում է ամուսնանալ նրա հետ, սակայն թագավորն ու թագուհին համաձայն չեն լինում, քանի որ Անահիտը հասարակ նախրապանի աղջիկ էր: Սակայն...

ՂԱԶԱՐՈՍ ԱՂԱՅԱՆ

ԱՆԱԴԻՏ

Թագավորն ու թագուհին տեսան, որ չեն կարողանում Վաչագանի միտքը փոխել, կանչեցին Վաղինակին, հայտնեցին իրենց հոժարությունը*, և նրա հետ երկու իշխան դնելով՝ մեծամեծ ընծաներով* ուղարկեցին Յացիկ՝ հարսնախոսության:

Երբ հասան նախրապան Առանի տունը, Առանը նրանց սիրով ընդունեց և շնորհավորեց նրանց գալը:

- Այս ի՞նչ հրաշալի գորգ է,- ասաց Վաղինակը,- տանտիկինդ, կլինի գործած, անշուշտ:

- Այդ գորգը մեր Անահիտի գործածն է:

- Մեր թագավորի պալատում էլ չկա մի այսպիսի գարդ,- ասաց իշխաններից մեկը, հետո, դառնալով Առանին, ավելացրեց.- շատ ուրախ եմք, որ քո աղջիկն այսքան շնորհալի է: Քո Անահիտի համբավը մինչև թագավորի ականջն է հասել: Եվ ահա՛ մեզ ուղարկել է քեզ մոտ ինամախոսության: Թագավորը կամենում է, որ քո Անահիտին տաս իր միևուճար* որդուն՝ թագաժառանգ Վաչագանին:

Իշխանն այս առաջարկությունն անելով՝ սպասում էր, թե Առանը կամ չի հավատա, կամ թե, սաստիկ ուրախանալուց, վեր կթռչի տեղից: Բայց Առանը ո՛չ այս արավ և ո՛չ այն:

- Ի՛մ պատվավոր հյուրեր,- ասաց Առանը,- ես շատ շնորհակալ եմ, բայց ճշմարիտ եմ ասում ձեզ, իմ ձեռին չի տալն ու չտալը: Ահա կգա ինքը, իրեն կհարցնեք. եթե հոժարի, ես ոչինչ չունեմ ասելու:

Յենց այս խոսակցության ժամանակ եկավ Անահիտը:

- Անահի՛տ, ինչո՞ւ ես մենակ գործում,- հարցրեց Վաղինակը,- ես լսել եմ, որ դու աղջիկ աշակերտներ շատ ունես:

Ամեն հոգի, ամեն անհատ,
Եթե ունի արհեստ, ուսում,
Նա չի լինի տնանկ, աղքատ:



- Այո՛, ունեմ մի քսան հոգի,- պատասխանեց Անահիտը:
- Լսել եմ, որ դու քո աշակերտներին կարդալ էլ ես սովորեցնում:
- Այո՛, սովորեցնում եմ: Հիմա մեզանում ամեն մարդ պետք է կարդալ գիտենա:

- Անահի՛տ, եկ այստեղ, քեզ բան ունենք ասելու: Տե՛ս, թե քեզ համար ինչե՛ր է ուղարկել մեր թագավորը:

Վաղինակն այս ասելով՝ բացեց մի կապոց և նրա միջից հանեց ոսկի զարդարանքներ և մետաքսե հագուստներ:

Անահիտն այդ բաները տեսնելով՝ ամենևին չհափշտակվեց և չտեսի նման չզարմացավ, այլ համեստորեն հարցրեց.

- Կարելի՞ է, արդյոք, իմանալ, թե այդ պատիվն ինչո՞ւ է արել ինձ թագավորը:

- Մեր թագավորի որդին՝ Վաչագանը, քեզ տեսել է աղքյուրին. դու նրան ջուր ես տվել, և նա քեզ շատ հավանել է: Հիմա թագավորը մեզ ուղարկել է, որ քեզ նշանենք իր որդու հետ:

- Ո՛րեմն իմ տեսած որսորդը թագավորի որդի՞ն է եղել:

- Այո՛:

- Նա շատ լավ երիտասարդ էր: Բայց արդյոք գիտե՞ մի որևէ արհեստ:

- Նա թագավորի որդի է, Անահի՛տ, նրան ի՞նչ արհեստ է հարկավոր, ողջ աշխարհի տերը նա է, ամենքն էլ նրա ծառաներն են:

- Գիտեմ, որ այդպես է, բայց ո՛վ գիտե, աշխարհ է, այսօրվա ծառաների տերը վաղը կարող է ինքը լինել ծառա: Արհեստը մի այնպիսի բան է, որ ամենայն մարդ պիտի գիտենա, թե ծառա լինի, թե տեր, թե թագավոր և թե իշխան:

Այսպես որ ասաց Անահիտը, իշխանները մնացին իրար երեսի մտիկ տալիս: Նայեցին Առանին, տեսան, որ նա շատ հավան է աղջկա ասածին: Հետո դարձան Անահիտին ու կրկին հարցրին.

- Ո՛րեմն դու թագավորի որդուն չպիտի ուզես միայն նրա համար, որ նա արհեստ չգիտե՞:

- Այո՛, և այս ամենը, ինչ որ բերել եք, հետ կտանք ու կասեք, որ ես իրեն շատ հավանում եմ, միայն թող ների ինձ. ես ուխտ եմ արել* արհեստ չգիտցող մարդու չգնալ: Եթե՞ կամենում է, որ ես իր կինը լինեմ, թող նախ և առաջ մի արհեստ սովորի:

Իշխանները վեր կացան գնացին և ինչ որ տեսել, լսել էին, մի առ մի պատմեցին թագավորին: Թագավորն ու թագուհին շատ ուրախացան՝ կարծելով, թե Վաչագանը չի ընդունի նրա առաջարկությունը:

Իսկ Վաչագանը...





1. Մեր էին գնում պալատականները և ի՞նչ նպատակով:
2. Առանձն ինչպե՞ս դիմավորեց պալատականներին:
3. Ո՞վ էր Անահիտը և ի՞նչ էր անում: Վերընթերցի՞ր բնագրի համապատասխան հատվածը:

4. Ի՞նչ պայման դրեց Անահիտը և ինչպե՞ս հիմնավորեց: Դու համամի՞տ ես Անահիտին:

5. Ինչպիսի՞ն էր թագավորի և թագուհու վերաբերմունքը Վաչագանի և Անահիտի ամուսնությանը:

6. Քո կարծիքով՝ ինչպե՞ս կվարվի Վաչագանը: Շարունակի՞ր հեքիաթը:

1 Պալատականներ, գնալ, գյուղ բառերով կազմի՞ր պատմողական, հրամայական, հարցական, բացականչական նախադասություններ՝ կատարելով համապատասխան փոփոխություններ:



ա) Ի՞նչ մասնագիտություններ են պատկերված նկարներում:

բ) Ընտրի՛ր որևէ մասնագիտություն և պատրաստի՛ր փոփոխ հարցում. «Ի՞նչ կպատահի, եթե չլինի ... մասնագիտությունը»:

գ) Դու այդ մասնագիտություններից ո՞րը կընտրեիր և ինչո՞ւ:

2 Արհեստավոր բառով խաղա՛ «բառքամոցի»: Քո կազմած բառերը համեմատի՛ր ընկերոջդ կազմած բառերի հետ:

Քո կարծիքով՝ բնագրի ո՞ր տողերը կարելի է ղնել այստեղ:



1. Որոշիր՝ ո՞ր հեեխաթների հերոսներն են:

Գրիր հեեխաթների անունները՝ կից գրելով դրանց բովանդակությանը համապատասխան հետևյալ առածները.

Երկար լեզուն կարծացնում է կյանքը: Պստիկ է, բայց ճստիկ է: Սատանից յոթ օր շուտ է ծնվել: Արիեստն է մարդուն ոսկե բիլագունկ*: Ծաղիկը ծաղկին նայելով է բացվում: Զաջը մեկ անգամ է մեռնում, վախկոտը՝ հազար: Լեզուդ քեզ պահես, գլուխդ կշահես: Ծառի տակին պառկելով բերանդ տանձ չի ընկնի: Մեջք մեջքի որ տանք, սարեր շուռ կտանք: Չարը բարուն հակառակ է: Խորամանկ աղվեսը երկու ոտքով է թակարդն ընկնում:

2. Կարդա՛ և որոշիր նախադասությունների տեսակներն ըստ արտասանության երանգի:

Վաղ գարնանը իր ճոճին Ծիտիկն ասաց բողբոջին.	Ինչո՞ւ քնից չես ելնում, Ի՞նչ ես գտել անկողնում,
- Ա՛յ իմ քույրիկ վարդերես, Կարոտե՛լ եմ, ախր, քեզ...	Վե՛ր կաց, շողով լվացվի՛ր, Լույսը քեզնով թող բացվի՛:

3. Կարդա՛ Հովհաննես Թումանյանի «Խոսող ձուկը» հեեխաթից հետևյալ հատվածը և դիր բաց թողած կետադրական նշանները՝ , , :

Վերընթերցիր համապատասխան հնչերանգով:

Մին էլ կեսգիշերին դուռը դղրդում է:

- Ով է:

- Հրեշը: Եկել եմ որ եկել եմ, դե պատասխանս տվեք:

Ինչ պատասխան. սարսափից մարդ ու կնկա լեզուն կապվում է, մնում են տեղները քարացած:

- Մի վախենաք, ես ձեր տեղակ սրա պատասխանը կտամ,- ասում է երիտասարդ հյուրն ու գնում դեպի դուռը:

- Եկել եմ, – դռան հետևից ձայն է տալիս հրեշը:
- Ես էլ եմ եկել, – ներսից պատասխանում է հյուրը:
- Որտեղից ես եկել:
- Ծովի են ափից:
- Ընչով ես եկել:
- Կաղ մոծակը թամբել եմ, վրեն նստել եմ, եկել:
- Ուրեմն ծովը պստիկ է եղել:
- Ինչ պստիկ, արծիվը չի կարող մի ափից մյուսը թռչել:

4. Հիշիր հեքիաթի առանձնահատկությունները: Պատմվածքը դարձրո՞ւ հեքիաթ և ավարտիր:


Կար մի համարձակ տղա: Ծառ էր սիրում շրջել հայրենի երկրով, բարձրանալ սարերը, իջնել ձորերը, լողալ լճերում ու գետերում: Մի օր նա բարձրանում էր լեռը: Հանկարծ տեսավ մի քարանձավ, որից ծուխ էր բարձրանում: Մի փոքրիկ առվակ էր հոսում քարանձավի ներսից: Իսկ մուտքի մոտ ծանոթ պտուղներով մի ծառ էր աճել:

Հանկարծ ներսից դղրդոց լսվեց, և քարանձավը երերաց:

5. Ձեր ստեղծած հեքիաթներով կազմե՛ք մի ժողովածու և նկարագրե՛ք:

Հեքիաթներից մի քանիսը կարող եք ուղարկել **«Նախաշավիկ»** և **«9-րդ հրաշալիք»** հանդեսների խմբագրություններ՝ տպագրելու համար:


6. Լրացրո՞ւ խաչառը: Ընդգծված սյունակում դու կկարդաս ֆեյ սիրելի մի բառ, իսկ տողերում՝ տեղեկություններ նրա մասին: Քեզ կօգնեն հետևյալ բառերը. կենդանական, հրաշապատում, գրական:



1. Հրաշքներ պատմող գրվածք:
2. Կենդանիների մասին հեքիաթներն անվանում են
3. Թիվ, որը հանդիպում է հեքիաթի ավարտին:
4. Լինում է, չի

5. Գրողների ստեղծած հեքիաթներն անվանում են
6. Հեքիաթում գործողությունները սովորաբար կատարվում են սարից, ձորից այն կողմ:

ԱՅՍ ԶԱՐՄԱՆԱՅՐԱՇ ՄՈԼՈՐԱԿԸ





Այս գարմանահրաշ մուլորակի բնակիչը միայն մարդը չէ: Մեր շուրջն ապրում են բազմատեսակ արարածներ: Նրանց համար էլ այս մուլորակը գարմանահրաշ է:

Տեսնենք, թե ինչպիսին է աշխարհը նրանցից մեկի աչքերով:

ԱՂԱՍԻ ԱՅՎԱԶՅԱՆ

Այս հին ու հրաշալի աշխարհում մասնիկների միակ կապը սերն է:

ԽԱՅԵԸ*

Շարժվում էի տաքուկ ու փափուկ հողաշերտի մեջ և հիանում աշխարհով, երբ երկու խոշոր ու երկար մարդկային մատներ մտան հողի մեջ ու բռնեցին ինձ:

Երբ այդ մատները հանեցին ինձ իմ հողե կացարանից* և դրեցին փոքրիկ տուփի մեջ, ես միանգամից հասկացա, որ իմ ցեղակիցների ճակատագիրը նաև ինձ է սպասում: Շատերին թվում է, որ եթե մենք ապրում ենք հողի մեջ, ուրեմն չգիտենք, թե ինչ է կատարվում վերևում: Գիտենք: Բայց միևնույն է՝ ոչինչ չես անի:



- Քո կարծիքով՝ ո՞վ է հերոսը:

- Վերնթեցիք երկրորդ պարբերության վերջին նախադասությունը և մեկնաբանիր:

- Ի՞նչ ես կարծում ի՞նչ նակատագիր է սպասում հերոսին:

Լուսածեգին* այդ մատները հանեցին ինձ տուփիկի միջից, հազցրին ձկնորսական կարթին և իջեցրին շուրջ: Եվ այդ րոպեից արդեն ես ոչ թե որդ էի, այլ ուղղակի խայծ: Ձուկը պետք է մոտենար ինձ, կուլ տար, և ինքը դառնար զոհ: Մենք դա լավ գիտենք, բայց ի՞նչ արած... Ո՞ր սպասում եմ սրտի ցավով: Միայն թե չխաբվի որևէ մեկը: Թաքնվում էի, կուչ գալիս, ծանր երկաթը քարշ տալիս աչքից հեռու տեղեր, բայց պարանը ձգում էր ինձ ու նետում գետի կենտրոնը:

Եվ հանկարծ տեսնում եմ, թե ինչպես իմ կողմն է լողում մի սիրունիկ ձուկ: Նա մոտենում է, և նրա աչքերը փայլում են: Ինչքա՞ն շուտ են ձկները

հավատում ստին, և ինչքան հաճելի է դա նրանց: Եվ նրա հայացքն այնպե՛ս համոզված էր, այնպե՛ս հաստատուն իր գիտցածի մեջ, կարծես ասում էր. «Ես իմ բաժին համով կերակուրը գտել եմ»:

- Ինչ նպատակով ձկնորսն օգտագործեց որդին:

- Ինչ մտավախություն ուներ որդը և ինչպե՛ս էր ուզում խուսափել դրանից:

- Ինչ կլիմի հետո:

Երբ ձկնիկը շատ մոտեցավ, ես, մի կերպ շուրթերս շարժելով, շնչացի.

- Լսի՛ր, մի՛ մոտենա ինձ, ես որդ չեմ, ես միայն խայծ եմ... Իմ ներսում կարթն է, և նրանից պարանը գնում է վեր, ու ծայրը ձկնորսի ձեռքին է...



Ձուկն ինքնավստահ ժպտաց.

- ՈՒրեմն դու իմ լա՛վն ես ուզում:

- Չգիտեմ: Թերևս ավելի՝ սուտը չեմ սիրում:

- Ինչո՞ւ:

- Չգիտեմ: Պարզապես ճշմարտասեր եմ:

- ՈՒրեմն, որպեսզի ես քեզ չուտեմ, դու պատմություն ես հնարում:

- Ոչ, ես իսկապես ճշմարտությունն եմ ասում:

- ՈՒ կարծում ես՝ կհավատամ քեզ և բաց կթողնեմ հնարավորությունս:

- Բայց դու կմռնես:

- Մի՞թե դու կարծում ես, թե ինձնից խորամանկ ես:

Եվ ձուկը բծիծաղեց, ժպտաց այնքան խելոք ու ինքնավստահ, որ հուսալքումից քիչ էր մնում լաց լինելի:

- Ո՛չ, ես ճշմարտասեր եմ, ճշմարտությունը լա՛վ բան է:

- Տե՛ս, Է... Վախն ինչ ուժ է տալիս: Որդը... փիլիսոփա է դառնում: Որդը՝ փիլիսոփա: Եթե ես կուշտ էլ լինեի, հենց միայն նրա՛ համար քեզ կուտեի, որ դու կարծում ես, թե ինձնից ավելի խելոք ու խորամանկ ես:

Եվ ձուկը ժպտաց ամեն ինչ իմացողի ժպիտով ու ինձ առավ իր բերանը:

Ես երկար ժամանակ զգում էի, թե ինչպես է կարթը նրան ձգում վեր, ու այդ ժամանակ միայն մի բան էր ինձ հետաքրքրում՝ գոնե հիմա հասկացա՞մ, որ ես ճշմարտությունն էի ասում: Եվ ինչո՞ւ ձկներին ճշմարտությունը պետք չէ... Խե՛ղճ ձկներ:



1. Ինչպե՛ս ավարտվեց պատմվածքը: Դու սպասո՞ւմ էիր այդպիսի ավարտի:

2. Բնութագրի՛ր ձկանը և որդին՝ հիմնավորելով բնագրի համապատասխան տողերով:

1 Այս դասողություններից որն է քեզ ավելի համոզիչ թվում. ընտրիր և մեկնաբանիր:
 Որդն էլ, ծուկն էլ զոհ են:
 Որդը գիտակցում է իր զոհ լինելը:
 Ձուկը չի գիտակցում իր զոհ լինելը:
 Որդի և ձկան վիճակը բնական է և օրինաչափ:
 Որդը խղճում էր ձկանը, որովհետև ծուկն էլ իր նման զոհ էր:
 Ամենավերջին պահին էլ որդն ուզում էր, որ ձուկը հասկանա իրեն:

2 Համեմատիր երկու ձկնիկ հեռուներին:



Հիշիր
 «Բկկիկ
 ձկնիկ»:

- Ձկնիկ, լո՛ղ տուր, լո՛ղ արա,
 Դրսի որսը թո՛ղ արա,
 Իջի՛ր ջրի հատակը,
 Մինչև անցնի վտանգը:

3 Համեմատիր երկու ստեղծագործությունների որդերին:
 Հիշիր
 «Ո՞րն համար է խնձորը»:



4 ա) Քառատողից ընտրի՛ր և կարդա՛ հրամայական նախադասությունները:
 բ) Ո՞րն են ուղղված հեղինակի այդ հորդորները:

U Զո կարդացած նախադասության մեջ **ձկնիկ** բառը **կոչական** է:

Ուսածներ

Սա՛յլն ինչ մտքի է, սալլվո՛րն ինչ մտքի:

- Ձուկը ձկանն ասաց.
- Մի կո՛ղմ քաշվիր:
- Ո՞ր քաշվեմ. երկուսս էլ մի թավայում ենք տապակվում:

Տարբեր աչքեր են նայում այս զարմանահրաշ աշխարհին ու տարբեր ձևով տեսնում այն:



Հիշում ես
«Հրաշք բաց
ծովում»:

Հիշում ես. սառցաշիթերը
 սառած խոսքերն էին:
 Իսկ ցրտաշունչ Բևեռում
 սառչում են նույնիսկ... մտքերը:

ԱԼԵԿՏՐՈ ՄՈՐԱԿԻԱ

Միլիարդ տարի առաջ իրերը խոսել
 գիտեին: Նրանք ավելի ուշ համրացան,
 երբ մարդիկ սկսեցին անդադար խոսել:
 Փորձի՛ր հասկանալ իրերի լեզուն:

ԵՐԲ ՄՏԵՐԸ ՍԱՌՉՈՒՄ ԵՆ ՕՂՈՒՄ

Մեզանից միլիոնավոր տարիներ
 առաջ Բևեռում շատ ավելի ցուրտ
 էր, քան այսօր: Ջերմաստիճանը մի-
 լիարդ* աստիճան գրոյից ցածր էր,
 և ամեն ինչ սառչում էր, նույնիսկ՝
 մտքերը: Բավական է մեկը մտածեր.
 «Ցուրտ է, շա՛տ ցուրտ», նրա գլխա-
 վերևում գոլորշու ամպիկի մեջ, սառ-
 ցաշերտերով անմիջապես գրվում
 էր. «Ցուրտ է, շա՛տ ցուրտ»:

Հենց այդ պատճառով էլ Բևեռում
 ոչ ոք չէր համարձակվում մտածել:
 Բոլորն էլ վախենում էին, որ ուրիշները
 կկարդան իրենց մտքերը:

Այսպես արջերը, պինգվինները,
 փոկերը*, մարդիկ՝ բոլորը դադարել
 էին որևէ բան մտածելուց: Մի խոսքով,
 Բևեռը դարձել էր իսկական հիմա-
 ռիկների մի աշխարհ:

Դարերից մի դար (երբ ժամանակը
 դարերով էին հաշվում), մի Ծով Ա.
 Ցուլ, պառկած սառցակտորի վրա,
 կիսախուսի աչքերով վայելում էր
 ցուրտը:

Նրա գլխում ոչ մի միտք չկար,
 բացի մի կարճ «Բա՛»-ից: Հենց այդ
 «Բա՛»-ն էլ սառցե տառերով կախված
 էր նրա գլխավերևում: Թե ինչ էր
 ուզում ասել այդ «Բա՛»-ով, պարզ
 չէր:

Հանկարծ ջրից դուրս ցցվեց Օձ Ա.
 Ձուկն ու, պոչը խաղացնելով,
 կանչեց.

- Հե՛յ, Ծով Ա. Ցո՛ւլ, լսի՛ր, թե ի՛նչ եմ ասում:
- Ասա՛, լսում եմ, - փնթփնթաց Ծով Ա. Ցուլը:
- Ես մի երկրում եղա, որը կոչվում էր Արևադարձ: Ա՛յ թե շոգ էր այնտեղ:
 Եվ գիտե՞ս, այդ երկրում մտքերը չեն սառչում:
- Ի՛նչ ես ասում:



- Հավատա: Ա՛յ, օրինակ՝ մեկը քեզ է նայում ու մտածում. «Բայց ի՞նչ հաստիկ է այս Ծով Ա. Ցուլը, հա՛...», իսկ դու դա չես էլ իմանում, որովհետև այնտեղ մտքերը չեն սառչում ու մնում են անտեսանելի:

- Այդ ո՞վ է ասում, որ ես հաստիկ եմ,- նեղացած փնթփնթաց Ծով Ա. Ցուլը:

- Օրինակի համար եմ ասում: Լսի՛ր, արի գլուխներս առնենք-կորչենք Բևեռից: Թե իմանաս, ի՞նչ հաճելի է, երբ մտածում ես՝ ի՞նչ ուզում ես: Այդ Արևադարձում ես մի կո՛ւշտ մտածեցի:

- Ի՞նչ էիր մտածում:

- Տարբեր բաներ:

- Օրինա՞կ:

- Ինչ ուզես: Օրինակ՝ մտածում էի, որ արևը կանաչ է: Կամ երևու
անգամ երկու հավասար է հինգի:

- Հա՛, բայց արևը կանաչ չէ: Իսկ երկու անգամ երկու հավասար է չորսի:

- Պա՛րզ է: Բայց հրաշալիս էլ հենց դա է, որ կարող ես մտածել՝ ինչ ուզես, ու ոչ ոք չի իմանա:

Օձ Ա. Ձուկն այնքան խոսեց ու համոզեց, որ Ծով Ա. Ցուլը համաձայնեց գնալ Արևադարձ կոչվող երկիրը:

Օձ Ա. Ձուկը լողաց առջևից, իսկ Ծով Ա. Ցուլը հետևեց նրան:

Լողացին, լողացին, ջերմաստիճանը միլիարդ աստիճան ցրտությունից փոխվեց միլիարդ աստիճան տաքության: Աստվա՛ծ իմ, ի՞նչ շոգ էր:

Ծով Ա. Ցուլը դեռ ոչինչ չէր մտածում: Միլիոնավոր տարիներ նա չէր մտածել, հիմա էլ, կարծես, թմրած էր: Լողալիս մեկ-մեկ հարցնում էր.

- Օձ Ա. Ձո՛ւկ, դու արդեն մտածո՞ւմ ես:

- Իհա՛րկե:

- Իսկ ի՞նչ ես մտածում:

- Հազար ու մի բան և բոլորը քո մասին:

- Օրինա՞կ:

- Է՛, չեմ ասի, ասեմ կնեղանաս:



Ծով Ա. Ցուլը տխրեց: Բևեռում ոչ ոք ոչ մեկի մասին ոչինչ չէր մտածում: Աստվա՛ծ գիտի, թե Օձ Ա. Ձուկը հիմա իր մասին ինչեր է մտածում: Բամբասկոտ, բութ, երկերեսանի արարած: Հանկարծ Ծով Ա. Ցուլը նկատեց, որ ինքն էլ Օձ Ա. Ձկան մասին է վատ բաներ մտածում:

Այստեղ բոլորն իրեն միայն լավ բաներ էին ասում. «Բարի՛ գալուստ, ի՞նչ գեղեցիկ ես, ի՞նչ խելացի դեմք ունես, ի՞նչ բեղեր ես...»: Բայց Ծով Ա. Ցուլը համոզված էր, որ եթե Բևեռում լինեին, օդում սառցե տառերով գրված կլինեին. «Միայն դու էիր պակաս այստեղ, անճոռնի՛, ա՛յ քեզ մուլթ, մի սրա բեղերի՛ն նայեք...»:



1. Ինչո՞ւ էր «Բլեռը դարձել իսկական հիմարիկների մի աշխարհ»:
2. Ի՞նչ որոշեցին Մով Ա. Յուլն ու Օծ Ա. Չուկը և ինչո՞ւ:
3. Արևադարձում ի՞նչ փոփոխություններ զգաց իր մեջ Մով Ա. Յուկը:
4. Գուշակիր՝ ի՞նչ է սպասում նրանց Արևադարձում:

ԱՉԵԻ ԱՌԱՋ

Տիխարդ



ԲԵՎԵՌ

ԲԱՌԸ՝ ԱՓԻ ՄԵՋ

Տես՞լ եք, թե կրկեսում ինչպես է աճապարարը գնդակը պտտում մատի վրա: Եթե մտքով մատից ուղիղ գիծ տանենք դեպի գնդակի ամենավերին կետը, ապա կստանանք այն երևակայական առանցքը, որի շուրջը պտտվում է գնդակը:



Երկիրն էլ է, որպես գունդ, իր առանցքի շուրջը պտտվում Տիեզերքում: Երկրի հետ պտտվում են նրա բոլոր կետերը, իսկ առանցքի վերին և ստորին երկու կետերը մնում են տեղում. դրանք կոչվում են բևեռներ:

Բևեռ բառը մեր լեզվում սկզբնապես նշանակել է մեխ, գամ: **Մեխել, գամել** բառերը նշանակում են ինչ-որ բան տեղում ամրացնել:

Այստեղից փոխաբերական իմաստով երկրի պտտման երևակայական առանցքի ծայրակետերն անվանել են բևեռներ՝ որպես տեղում պտտվող կետեր, մնացած կետերի համեմատ՝ «անշարժ» կետեր:



- 1 Երեխաների մտերը սառել են օդում: Ի՞նչ կկարդա ծովացույր: Եթե ծովացույր, պինգվինը, առջը մտածելը մոռացած շլինեին, ի՞նչ կմտածեին:

ԵՐԲ ԱՏԵՐԸ ՍԱՌՉՈՒՄ ԵՆ ՕՂՈՒՄ

(շարունակություն)

Մի օր Ծով Ա. Ցուլն Ա. Ֆրիկացի անունով մի սևամորթի տեսավ, որն իր կնոջ և երեխաների հետ նավակում նստած Օձ Ա. Ձկան համար երգ էր երգում: Օձ Ա. Ձուկը հրճվանքից բերանը բաց լսում էր.

Օձ Ա. Ձուկ,
Օձ Ա. Ձուկ,
Չկա բեզ պես
Միրուն ձուկ:

Օձ Ա. Ձուկն այդ երգով հրապուրված՝ մի պահ մոռացել էր, որ Արևադարձ կոչվող երկրում մի բան ասում են, մի այլ բան մտածում: Նա մոռացավ նավակին, իսկ Ա. Ֆրիկացին ճարակորեն նետեց ուռվանս* ու մի ակնթարթում բռնեց խեղճ Օձ Ա.

Ձկանը: Զիչ անց Օձ Ա. Ձուկն արդեն տապակված էր ու խժռված:

Ծով Ա. Ցուլը դա որ տեսավ, սարսափեց: Նա հեռացավ՝ մտածելով. «Ի՞նչ սարսափելի է: Կեցցե՛նք մենք՝ բևեռոցիներս, որ ոչինչ չենք մտածում, իսկ եթե մտածում ենք, ապա բոլորը կարող են տեսնել, թե ինչ»:

Բայց Ծով Ա. Ցուլն անմիջապես չվերադարձավ Բևեռ: Գուցե ծուլությունն էր պատճառը, կամ էլ նրան դուր էր գալիս, որ կարելի է մի բան մտածել ու մեկ այլ բան ասել:

Այդպես Ծով Ա. Ցուլը մնաց Արևադարձ կոչվող երկրում և ընտելացավ այդ երկրի սովորություններին:

Մտածելն անսպասելի պտուղներ տվեց:

Ծով Ա. Ցուլն սկսեց շատ խորիմաստ բաներ մտածել, ասենք. «Ո՞վ ենք մենք: Որտեղի՞ց ենք գալիս: Ինչո՞ւ կանք: Ո՞ր ենք գնում»:

Ո՛ր ինքն էլ սկսեց պատասխանել իրեն. «Մենք ծովացուլեր ենք: Գալիս ենք Բևեռից: Կանք, որովհետև մեզ ստեղծել է հսկայական ծովացուլի նման մի էակ: Կերջապես կիեռանանք Արևադարձ կոչվող այս կեղծ երկրից և կվերադառնանք ազնիվ ու ճշմարիտ Բևեռ»: Ի վերջո Ծով Ա. Ցուլը ձանձրացավ մի բան մտածելուց, բայց ուրիշ բան անելուց և մի գեղեցիկ օր վերադարձավ Բևեռ: «Այո՛, չմտածել, անգործ ու անհոգ ապրել՝ գոնե մի միլիոն տարի», – երազում էր նա:

Մի անգամ Բևեռում, իր հին սառցակտորին թիկնած, Ծով Ա. Ցուլն զգաց, որ մտածելն արդեն վատ սովորություն է դարձել, և ինքը չի կարողանում չմտածել:

Դժբախտաբար, բոլոր մտքերն անմիջապես հայտնվում էին գլխավերևում՝ պսպղուն ու թափանցիկ սառցաշիթերով գրված: Խեղճ Ծով Ա.



Յուլի բարեկամներն սկսեցին նրանից փախչել: Նա էլ սկսեց վատ բաներ մտածել նրանց մասին: Այդ մտքերը վատ խոսքերով լցված սառցաշիթեր դարձան...

Շուտով Շով Ա. Յուլը մեն-մենակ մնաց իր սառցակտորի վրա:

Այդ ժամանակներից շա՛տ-շատ տարիներ են անցել: Բևեռում ջերմաստիճանը բարձրացել է: Մտքերն այլևս չեն սառչում և դարձել են անտեսանելի: Բայց Շով Ա. Յուլը դարձյալ մենակ է ապրում: Իր սառցակտորին պառկած՝ նա անվերջ մտածում է: Ի՞նչ է մտածում:

Ի՞նչ իմանաս:



Գրի՛ր՝ ի՞նչ է մտածում ծովացույր:




1. Ի՞նչ պատահեց Օձ Ա. Չկանը և ինչո՞ւ:

2. Կատարվածից ի՞նչ եզրակացրեց Շով Ա. Յուլը:

3. Շով Ա. Յուլն ինչո՞ւ անմիջապես չվերադարձավ Բևեռ: Մեկնաբանիր:

4. Վերադարձից հետո Բևեռում ինչո՞ւ մենակ մնաց Շով Ա. Յուլը:

1 Թվականները գրի՛ր բառերով՝ մինչև ջերմաստիճանը դառնա միլիոն:



2 Բնագրից դո՛ւրս գրիր երկուական հարցական և բացականչական նախադասություններ, դրանք կարդա՛ համապատասխան հնչերանգներով:

3 **Խաղ**
«Դու չգիտես, որ ես գիտեմ»:
Պատկերացրո՛ւ, որ ձեր դասարանում վայրէջք է կատարել մի այլմուտրակային: Դուք չգիտեք, որ նա կարողանում է կարդալ ձեր մտքերը: Ենթադրենք՝ դո՛ւ ես այդ այլմուտրակայինը: Ի՞նչ մտքեր կկարդաս:

Հանելուկ

Ո՞ր որ ուզեմ՝ կգնա,
Սահման չկա նրա դեմ,
Բայց ոչ մի տեղ չի մնա,
Նա հետ կգա սրաթև:

Ասացվածք

🌻 Լա՛վ բան մտածիր, որ լա՛վ բան կատարվի:

4

Գնահատիր, լրացրո՛ւ նախադասությունները՝ օգտվելով տրված բառաշարից.

վախկոտություն, խարդախություն, անհամարձակություն, երկերեսանիություն, խաբեություն, շմտածելու սովորություն, մտածելու կարողություն, մտքի ծուլություն, անկաշկանդ մտածելու հնարավորություն:



Բևեռում՝

լավ է, որովհետև իրար չեն խաբում....
վատ է, որովհետև....



Արևադարձում՝

լավ է, որովհետև....
վատ է, որովհետև երկերեսանի է....

Դու որտեղ կնախընտրեիր ապրել: Ինչո՞ւ:

5

ԽՈՍՔԱՅԻՆ «ՎԹԱՐՆԵՐ»



Արտագրի՛ր՝ ուղղելով (սրբագրելով) խոսքային «վթարները»:

Ավելնորդ բաներ մի՛ խոսիր:

Ամանչելու մտքեր գլխումդ մի՛ ժողովիր:

Դա ինձ Բևեռն էր հիշացնում:


Արևադարձում տույնիսկ մտքերն էին կանանչ:

6

Բնագրի «տաք» բառերից մեկը թաքնվել է բառանիվում:

ա) Գտի՛ր այդ բառը:

բ) Բառի բաղադրիչներով կազմի՛ր նոր բառեր:



Դիշո՞ւմ ես՝ պայմանավորվել ենք խոսել այնպես, որ երբ հալվեն մեր խոսքերը, չամաչենք: Մտքերը չեն երևում, բայց արի մտածենք այնպե՛ս, որ եթե դրանք տեսանելի դառնան, դարձյալ չամաչենք:



Գուլիվերն անգլիացի նավաստի էր, որը, նավաբեկության ենթարկվելով, ընկավ մեր գարմանահրաշ մոլորակի մի անհայտ անկյուն:

Քո մասին կարելի է կարծիք կազմել ըստ այն լեզվի, որով դու արտահայտվում ես:

ՋՈՆԱԹԱՆ ՍՎԻՖՏ

ԳՈՒԼԻՎԵՐԻ ՃԱՆԱՊԱՐՅՈՐԴՈՒԹՅՈՒՆԸ

Երբ Գուլիվերն արթնացավ, արդեն լրիվ լուսացել էր: Նա պառկած էր մեջքի վրա, և արևը ծակում էր աչքերը:

Գուլիվերը ցանկացավ տրորել աչքերը, սակայն չկարողացավ, ուզեց նստել, բայց չկարողացավ նույնիսկ մատները շարժել: Նրա ոտքերն ու ձեռքերը կարծես կպել էին գետնին: Նույնիսկ երկար ու խիտ մազերը պինդ կապած էին գետնի մեջ խրած ցցերից: Զիչ անց Գուլիվերի ոտքի վրայով ինչ-որ կենդանի բան շարժվեց, հասավ կրծքին ու կանգ առավ ծնոտի մոտ: Գուլիվերն աչքերը խոնարհեց դեպի ցած, որ տեսնի, թե դա ինչ է:



Ա՛յ քեզ հրաշք: Համարյա նրա քթի մոտ կանգնած էր մի մատնաչափիկ մարդկային արարած՝ ձեռքին՝ նետ ու աղեղ, մեջքին՝ կապարձ*: Մատնաչափիկին հետևում էին այդպիսի մոտ բառասուն արարածներ:

Չարմանքից Գուլիվերը բարձր ճչաց:

Մարդուկներն ահաբեկված փախան, մի քանիսը նույնիսկ վայր ընկան ու վնասվեցին: Սակայն շուտով նրանք վերադարձան: Նրանցից ամենախիզախը մոտեցավ Գուլիվերին, որ ամբողջովին տեսնի նրա դեմքը: Մարդուկն աչքերը հառեց երկինք, ձեռքերը վեր բարձրացրեց և բարակ ու զիլ ձայնով* հստակ գոռաց.

– Հեկինան դեգո՛ւլ:

- Հեկինան դեգո՛ւլ: Հեկինան դեգո՛ւլ,- իրենց բարակ ձայներով նրան միացան մյուսները:

Թե ինչ էին նշանակում այդ բառերը, Գուլիվերը չհասկացավ, թեև շատ օտար լեզուներ գիտեր:

Գուլիվերը երկար պառկած մնաց մեջքի վրա: Ի վերջո հավաքեց ուժերը և, կտրատելով թելերն ու դուրս քաշելով ցցերը, կարողացավ ձախ ձեռքը պոկել գետնից:

Հենց այդ պահին ներթևուժ ինչ-որ մեկը բարակ ձայնով զիլ ճչաց.

- Տուգո ֆոնա՛կ:

Հարյուրավոր նետեր սուրացին դեպի Գուլիվերը: Ասեղի պես սուր նետերը ծակծկում էին նրա ձեռքերը և դեմքը:

Գուլիվերը փորձեց դուրս արձնել կապանքներից: Սակայն նետերի մի նոր տարափ սկսվեց, և նա որոշեց անշարժ պառկել մինչև գիշեր:

«Մթան մեջ ավելի հեշտ կլինի ազատվել», - մտածում էր նա: Բայց մինչև մութն ընկնելը սպասելու հարկ չեղավ: Նա իր աջ ականջի մոտ լսեց թխկթխկոցներ, որ նման էին փայտի մեջ մեխ խփելու ձայների:

Մուրճիկները թխկթխկացին մոտ մի ժամ:

Գուլիվերը մի կերպ թեքեց գլուխը և տեսավ գլխին շատ մոտ հենց նոր կառուցված մի տախտակամած: Մի քանի մարդուկներ սանդուղք էին ամրացնում նրան:

Այդ սանդուղքով մի պատվավոր մարդ բարձրացավ և երեք անգամ գոչեց.

- Լանգրո դեհալ սա՛ն:

Այդ պահին Գուլիվերի մոտ վազեցին հիսուն մարդուկներ և կտրատեցին գլխի մազերը ցցերին կապող թելերը: Գուլիվե-

րը գլուխը շրջեց ու տեսավ խոսողի դեմքն ու շարժումները: Նա Գուլիվերին դիմեց մի երկար ճառով: Գուլիվերը ոչինչ չէր հասկանում, բայց, համենայն դեպս, գլխով դրական շարժումներ էր անում:

Գուլիվերը սովից նվաղում* էր և որոշեց ուտելիք խնդրել մարդուկներից: Նա մի քանի անգամ մատները մոտեցրեց բերանին՝ հասկացնելու համար իր խնդրանքը:

Ճառ ասողը հասկացավ Գուլիվերին: Նա իջավ տախտակամածից և հրամայեց, որ Գուլիվերի կողերին մի քանի երկար սանդուղքներ դնեն:

Դրանցով դեպի Գուլիվերի բերանը շարժվեցին հարյուրի չափ մարդուկներ՝ ուտելիքներով լի զամբյուղներով բեռնավորված:



Չամբյուղում հազար հաց կար, ամեն մեկը՝ սխտեռի չափ, կային տապա-
կած ճուղեր՝ մեր ճանճերի չափ: Գուլիվերը կերավ երեք տապակած ցուլ,
ուրբ ապխտած ոչխար, տասնինը խոզուկ և մի քանի հարյուր ճուղիկ ու
սագ:

Շուտով զամբյուղները դատարկվեցին:

Այդ ժամանակ մարդուկները դեպի Գուլիվերի ձեռքը գլորեցին երկու
մեծ տակառ՝ յուրաքանչյուրը մեր բաժակների չափ: Գուլիվերը բացեց
դրանց կափարիչները և միանգամից կուլ տվեց երկուսի պարունակու-
թյունը:

Երբ Գուլիվերը կատարեց այդ հրաշքները, մարդուկներն ուրախությու-
նից գոռացին և պար եկան նրա կրծքի վրա: Նրանք նշան արեցին, որ ցած
զցեն դատարկ տակառները: Ներքևում մարդուկներն այս ու այն կողմ
փախան և գոչեցին.

- Բորակ միվուր՛, բորակ միվուր՛:

Տակառների գինին խմելուց հետո Գուլիվերի քունը տարավ: Կիսաքուն
վիճակում նա զգում էր, թե մարդուկներն ինչպես են վազվզում իր մարմնի
վրայով: Մի պահ ցանկություն ունեցավ դրանցից մի քանիսին թափ տալ
իր վրայից, որովհետև խանգարում էին քնել: Սակայն խղճաց նրանց: Չէ՞
որ մարդուկները հենց նոր կերակրեցին իրեն համեղ ուտեստներով և
խմիչք տվեցին: Բացի այդ Գուլիվերը զարմացել էր այդ փոքրիկ մար-
դուկների անսովոր քաջությունից, որոնք վազվզում էին իր նման հսկայի
կրծքի վրայով, որը կարող էր մատի մի շարժումով ոչնչացնել նրանց:

Գուլիվերը որոշեց ուշադրություն չդարձնել նրանց վրա և, թունդ գինուց
արթած, շուտով քնեց:

Մարդուկները հենց դրան էլ սպասում էին: Նրանք գինու տակառների
մեջ քնաբեր էին լցրել, որ քնեցնեին իրենց հսկա հյուրին:



1. Ո՞ր էր ընկել Գուլիվերը, և ինչպե՞ս ընդունեցին նրան:

2. Ի՞նչը զարմացրեց Գուլիվերին:

3. Գուլիվերի արածներից ի՞նչը հրաշք թվաց մարդուկներին:

4. Կռահիր, թե ինչ էին ուզում ասել մարդուկները և հայերեն

թարգմանիր նրանց ասածները:

5. Մարդուկներն ինչո՞ւ էին ուզում քնեցնել հսկա հյուրին:




Հիշիր

«Ելիզաբեթը հանդիպում
է Բորոյին»:

1 Թ՛զուկ Բորոյին համեմատիր
մարդուկների հետ:

2

Պատկերացրո՛ւ, որ դու մարդուկ նետաձիգներից մեկն ես. նկարագրի՛ր Գուլիվերին: Իսկ այժմ դու Գուլիվերն ես. նկարագրի՛ր մարդուկներին:



3

Համեմատի՛ր Բո և մարդուկների սննդի չափաբաժինները:

4

Կոչականն էլ ունի իր կետադրական նշանները: Եթե մոռանաս դրանք, տես՝ ինչ կստացվի.

Սոնա եղբորս անունն Աշոտ է:

Կետադրական նշաններն այնպես դիր, որ անհեթեթությունը վերանա:

Չուսով ենք, որ դու այսպե՛ս կետադրեցիր.

Սոնա՛, եղբորս անունն Աշոտ է:

Իսկ այս դեպքերում ինչպե՛ս կվարվես.

Աշոտը Սոնա տղայի անուն է:

Աշոտը տղայի անուն է Սոնա:

5

Ո՞րն է «ավելորդ»:
Ինչո՞ւ:

Ցուլ, խոզ, ոչխար,
սագ, ճայ:

U

Կոչականը կարող է լինել նախադասության սկզբում, միջում կամ վերջում: Կոչականը մյուս անդամներից անջատվում է ստորակետով: Նրա վերջին վանկի ձայնավորի վրա դրվում է շեշտ:



6

Կազմի՛ր նախադասություններ՝ դիմելով Գուլիվերին, անձրևին, Ծով Ա. Ցուլին, գրքին:

U

Դու տեսար, որ իբրև կոչական կարող է գործածվել առարկա ցույց տվող ամեն բառ:

ԱՅՔԻ ԱՌԱՋ -
ասկրուղի



7

Ինչ կլինի, ասա՛, գրի՛ց, ինձ էլ սիրես գոնե մի քիչ:
Կո՛ւժ, քե՛զ ասեմ, կուլա՛, դո՛ւ լսիր:
Արև՛, արև՛, ե՛կ, ե՛կ, զիզի քարին վե՛ր եկ:
Ծիտի՛կ, ծիտի՛կ, մո՛տ արի:
Արհեստը, Վաչագա՛ն, կաթ-կաթ աղբյուր է:
Այս նախադասություններում գտի՛ր կոչականները և գրի՛ր:


8 ԶՎԱՐԹ ՏՐԱՄԱԲԱՆՈՒԹՅՈՒՆ



Մարդուկներն ուզում էին Գուլիվերին գինի տալ: ՈՒնեին երեք տակա՞մ մեկը՝ 3-լիտրանոց, մյուսը՝ 2-լիտրանոց և երրորդը՝ 1-լիտրանոց: Գինին պռնկեպռունկ լցված էր 3-լիտրանոց տակառում: Մարդուկներն ուզում էին գինին հավասարապես լցնել երեք տակառների մեջ: Խորիուրդ տուր նրանց՝ ինչպե՞ս վարվեն:

Թզուկների աշխարհում Գուլիվերը հսկա էր, հսկաների աշխարհում՝ թզուկ:

Կարդա՛ «Լեմյուել Գուլիվերի ճանապարհորդությունը» գիրքը:





Հիշում ես

«Կոկորդիլոսի և առյուծի արանքում»:

Պատկերացնո՞ւմ ես, Մյունխհաուզենի այս մի սուտն այնքան մեծ է, որ չտեղավորվեց Երկիր մոլորակի վրա և հասավ մինչև Լուսին:

ԵՐԻՍ ՌԱՍԴԵ

Կարդացե՛ք և ինքներդ դատեցե՛ք՝ աշխարհում բարոն Մյունխհաուզենից ավելի ճշմարտախոս մարդ եղե՞լ է արդյոք:

ԲԱՐՈՆ ՄՅՈՒՆԽԱՈՒԶԵՆԻ ԾԱՆԱՊԱՐԴՈՐԴՈՒԹՅՈՒՆԸ ԴԵՊԻ ԼՈՒՍԻՆ

Մի անգամ կռվի ժամանակ գերի ընկա, թեև կռվում էի վագրի նման:

Ինձ նշանակեցին մեղուների հովիվ: Ամեն առավոտ դուրս էի քշում մեղուներին, տանում բացատում արածեցնում և երեկոյան բերում էի փեթակների մեջ տեղավորում:

Մի անգամ համրեցի ու տեսա, որ մի մեղու չկա: Գնացի փնտրելու ու տեսա, որ երկու արջ հարձակվել են մեղվիս վրա: Մոտս մի փոքրիկ արծաթե կացին ունեի, որը շարտեցի դեպի գազանները: Արջերը փախան, մեղուն ազատվեց, բայց, դժբախտաբար, իմ հզոր ձեռքերի ուժը հաշվի չէի առել. այնպիսի թափով էի շարտել, որ կացինը թռել էր ու ընկել Լուսնի վրա:



Ի՞նչ անեի:

Հիշեցի, որ մի բույս կա, որ շատ արագ է աճում: Այդ բույսը բակլան է: Շտապ մի այդպիսի բակլա տնկեցի, որն իսկույն սկսեց աճել ու շուտով հասավ Լուսնին:

- Ո՛հա՛, - գոչեցի ես և սկսեցի բակլայի ցողունով վեր մագլցել: Մի ժամից արդեն Լուսնի վրա էի:

Կացինս գտնելու համար շատ ժամանակ կորցրի: Լուսինն էլ էր արծաթից, կացինս էլ: Ի վերջո, կացինս գտա փտած հարդի դեզի մեջ:

Ո՛րախ-ուրախ գոտուս մեջ խրեցի կացինը և ուզեցի ցած իջնել Երկիր: Բայց... այն թեզ բան. Արեգակը չորացրել էր բակլայի ցողունը, և այն փշուր-փշուր թափվել էր ցած:

Լացս հազիվ զսպեցի:

Ի՞նչ անեմ: Ի՞նչ անեմ: Մի՞թե ամբողջ կյանքս պիտի մնամ այս սառած Լուսնի վրա:

Օ՛, ո՛չ, ո՛չ մի դեպքում:

Իսկույն վագեցի դեպի հարդի դեզը և սկսեցի հարդից պարան հյուսել: Սկսեցի պարանով ցած իջնել: Բայց պարանը կարճ դուրս եկավ, ու ես մնացի օդում կախված՝ երկնքի ու երկրի միջև: Սարսափելի էր, բայց ես գլուխս չկորցրի:

Ամուր բռնեցի պարանի ներքևի ծայրը, կացնով կտրեցի վերևից ու կապեցի ներքևի ծայրին: Այդպես սկսեցի իջնել:

Սակայն երկիրը դեռ հեռու էր, և շատ անգամ պարանի վերևի ծայրը կտրելու ու ներքևի ծայրին կապելու հարկ եղավ: Վերջապես այնքան իջա, որ քաղաքի տներն ու պալատները երևացին:

Եվ հանկարծ... օ՛ սարսափ... պարանը կտրվեց:

Ես ներքև ընկա այնպիսի թափով, որ գետնի մեջ կես մղոն* խորությամբ փոս բացվեց:

Ո՛հ էֆի գալով՝ երկար մտածեցի, թե այդ փոսից ինչպես դուրս գամ: Ամբողջ օրը ո՛չ կերա, ո՛չ խմեցի. մտածում էի ու մտածում: Եվ հանկարծ ելքը գտա. եղունգներով աստիճաններ սարքեցի և դուրս եկա փոսից:

Այո՛, Մյունխհաուզենը երբեք չի՛ կորչի:



1. Մյունխհաուզենն ինչպե՞ս դարձավ մեղուների հովիվ և ինչպե՞ս էր կատարում իր պարտականությունները:
2. Նա ինչպե՞ս հասավ Լուսին և ինչո՞ւ տխրեց:
3. Ի՞նչ «հնարամտությամբ» նա Լուսնից իջավ:

4. Մյունխհաուզենի հետ ո՞ր իրավիճակում կուզենայիր հայտնվել և ի՞նչ կանեիր:


5. Եթե Մյունխհաուզենը փոսից դուրս չգար (ինչը խիստ անհավանական է), ապա ի՞նչ կաներ:

1 Չորինի՛ր գվարճալի սուտասելուկներ և կարդա՛ ընկերներիդ համար:

ԱՉԻՆ ԱՌԱՋ
հարդ, արգ
հյուսել

2 Լրացրո՛ւ խաչբառը: Ընդգծված սյունակում կկարդաս, թե գերմաներեն ինչպես է հնչում և լրացրած բառերի հոմանիշը:

1. Համեստ բառի հակակիշը:
2. Պայծառ միտք ունեցող:
3. Սուտ խոսող:
4. Ինքն իրեն հավանող:
5. Մեծ-մեծ խոսող:
6. Հնարք + միտք =
7. Արկած + խնդիր =
8. Գլուխը գովող մարդ:
9. Չարմանք գոյականից ստացված ածական:
10. Պարծեցող:
11. Սուտասան բառի հոմանիշը:



3 Հորինի՛ր մի պատմություն՝ օգտվելով **Մյունխհաուզեն** բառի բացատրություններից:

Պարոն



ԲԱՌԸ՝ ԱՓԻ ՄԵՋ

Այսօր հայերի մեջ ամենատարածված դիմելաձևը **պարոն** է: Այս բառն առաջին անգամ օգտագործել են Կիլիկյան Հայաստանում: **Պարոն** բառն առաջացել է ֆրանսերեն **բարոն** բառից, որ նշանակել է իշխան, մեծավոր: **Բարոն** բառն էլ գերմաներեն **բարո** բառից է, որ նշանակել է ազատ մարդ:
 Ահա թե ով է եղել բարոն Մյունխհաուզենը. նա թե՛ մեծավոր էր, թե՛ ազատ մարդ:

Սուտ խոսելը լավ բան չէ, եթե սուտը կատակ չէ: | Ծիշող պետք է ճանաչել, ծիշտ խոսել ու չամաչել:



Այս զարմանահրաշ աշխարհում մարդը ձեռակերտ հրաշալիքներ շատ է ստեղծել: Ինչը վաղ անցյալում երազանք էր, այսօր իրականանում է թո աչքի առջև. սլացող ճեպընթացներ, կղզիների չափ նավեր, միջմուրակային տիեզերակայաններ, ամենակարող համակարգիչներ, մարդանման ռոբոտներ և, ով իմանա...

ԵՎԳԵՆԻ ԿԵԼՏԻՍՏՈՎ

Դուք պետք է իմանաք, թե ինչ բան է անակնկալը և պատրաստ լինեք դրան...

ԷԼԵԿՏՐՈՆԻԿԻ ԱՐԿԱՇՆԵՐԸ

Մայիսյան մի առավոտ «Կաղնուտ» հյուրանոցի առջև կանգ առավ մի բաց մոխրագույն ավտոմեքենա: Դուռը բացվեց, և մեքենայից դուրս եկավ ծխամորճը բերանին մի մարդ: Տեսնելով սիրալիր դեմքեր, ծաղկեփնջեր՝ նա շփոթված ժպտաց: Դա պրոֆեսոր Գրոմովն էր: Նա գիտաժողովի* պատվավոր հյուրն էր:

Մեքենայի բեռնոցից դուրս էր ցցվել հսկայական ճամպրուկի կլորավուն անկյունը: «Կաղնուտի» տնօրենն ուզեց բարձրացնել ճամպրուկը:

- Նույնիսկ ձեզ պես ուժեղ մարդը չի կարողանա տեղաշարժել ճամպրուկը: Դա շատ ծանր ճամպրուկ է,- ասաց պրոֆեսորը:

- Դատարկ բան է,- պատասխանեց տնօրենը:

Նա մկանուտ* ձեռքերով գրկեց ճամպրուկը և իջեցրեց գետնին: Նրա դեմքը կարմրեց: Ճամպրուկը երկարավուն էր, սև գույնի, չորս բռնակով, վրան գրված էր. «Չգո՛ւյշ, սարքավորումներ են»:

Տնօրենը երեք օգնականների հետ ճամպրուկը տարավ պրոֆեսորի հյուրանոցային համարը:

Պրոֆեսորը բացեց սենյակի պատուհանը:

- Կաղնիները մեծացել են,- ասաց ինքն իրեն՝ նայելով պատուհանից:

Նա կռացավ ճամպրուկի վրա, բացեց փականները, մի կողմ դրեց կափարիչը: Ճամպրուկի մեջ, փափուկ կտորի վրա, ամբողջ հասակով մեկ, աչքերը փակ պառկած էր մի տղա: Թվում էր, թե քնած է:

Մի բանի ընդմեջ պրոֆեսորը նայում էր քնածին: Ո՛չ, ոչ մեկը միանգամից գլխի չէր ընկնի, որ իր առջև ռոբոտ տղա է: Կճատ* բիթ, գազաթի վրա՝ ցից մազեր, երկար թարթիչներ... Կապույտ բաճկոն, վերնաշապիկ, ամառային տաբատ: Այդպիսի հարյուրավոր, հազարավոր տղաներ են վազվզում այս մեծ բաղաթի փողոցներով:



- Ահա և մենք տեղ հասանք, Էլեկտրոնի՛կ,- մեղմ ասաց պրոֆեսորը:-
հնչա՛ց՝ ս էս:

Թարթիչները դողդողացին, փայլուն աչքերը բացվեցին: Տղան բարձրացավ տեղից, նստեց:

- Ես լավ եմ,- ասաց նա խռպոտ ձայնով:- Ծիշտ է, մի քիչ դես ու դեն խփվեցի: Ես ինչո՞ւ պետք է պառնկեի ճամպրուկի մեջ:

Պրոֆեսորն օգնեց, որ նա դուրս գա ճամպրուկից, շտկեց* հագուստը:

- Այդ մասին հետո կխոսենք... Իսկ հիմա մի շատ կարևոր բան պիտի անենք:



Նա Էլեկտրոնիկին նստեցրեց աթոռին, նրա բաճկոնի տակից հանեց ճկուն ու ձգվող լարով Էլեկտրական փոքրիկ երկ-ժանին և մտցրեց վարդակի մեջ:

- Վա՛յ,- վեր թռավ Էլեկտրոնիկը:

- Ոչի՛նչ, ոչի՛նչ, համբերի՛ր,- հանգստացրեց պրոֆեսորը:- Դու այսօր շատ պետք է շարժվես: Դրա համար անհրաժեշտ է լիցքավորվել:

Պրոֆեսորը, թողնելով Էլեկտրոնիկին, մոտեցավ տեսահեռախոսին, հավաքեց հեռախոսահամարը, խոսեց գործընկերոջ հետ՝ ասելով, որ անակնկալ ունի նրա համար:

- Չե՛մ ուզում,- լսվեց Էլեկտրոնիկի ճղճղան ձայնը:- Ես այսպես չե՛մ կարող...

Երբ պրոֆեսորը շրջվեց, տեսավ, թե ինչպես Էլեկտրոնիկը պոկվեց աթոռից, վազեց լուսամուտի մոտ, կայծակնորեն ցատկեց լուսամուտագոգին և թռավ երկրորդ հարկից:

Հաջորդ ակնթարթին պրոֆեսորը լուսամուտի մոտ էր:

Նա տեսավ, թե ինչպես է ծառերի արանքում երբեմն-երբեմն երևում կապույտ բաճկոնը:

- Էլեկտրոնի՛կ,- կանչեց Գրոմովը:

Սակայն տղան արդեն անհետացել էր:

Գլուխը տարուբերելով՝ պրոֆեսորը գրպանից հանեց ակնոցը և նայեց վարդակին:

- Երկո՛ւ հարյուր բսան վոլտ:- Նրա ձայնի մեջ տազնապ կար:- Այս ի՞նչ արեցի:- Նա վազեց դեպի դուռը:

Ցած վազելով աստիճաններով՝ նա դուրս եկավ փողոց: Նստելով տաբսին ու շունչը տեղը բերելով՝ ասաց վարորդին.

- Առա՛ջ: Պետք է հասնել կապույտ բաճկոնով տղային...

...Այսպես սկսվեցին արտասովոր իրադարձությունները...



1. Ի՞նչ անակնկալ էր պատրաստել պրոֆեսոր Գրոմովը գիտաժողովի համար:

2. Ի՞նչ պատահեց էլեկտրոնիկին, և ո՞րն էր դրա պատճառը:

3. Էլեկտրոնիկն ինչո՞վ էր նման մյուս տղաներին և ինչո՞վ էր տարբեր

Նրանցից:

4. Ըստ բեզ՝ ի՞նչ արտասովոր իրադարձություններ տեղի կունենան:

5. Ստաժիր՝ ուրիշ ի՞նչ կարող է ստեղծել մարդն ապագայում:

1

Ռոբոտի արտասանած նախադասությունը փոփոխիր, արտասանիր և գրիր այնպե՛ս, որ մարդկային հույզեր արտահայտի (գարմանք, հիացմունք, հարցում):

Ես պետք է պառկեմ ճամպրուկի մեջ:



2

Ռոբոտը համակարգչով կատարել է այսպիսի խմբավորում.

գոյական	ածական	բայ	թվական
ժպտաց մոխրագույն ճամպրուկ երկու հարյուր քսան	չորս բաճկոն կապույտ անհետացել էր	երկրորդ նայում էր արտասովոր վազել	ռոբոտ հարյուր քսան վարդակ կանչեց

Օգնիր ռոբոտին՝ խմբավորիր նիշտ:

3

Նույն ծաղկից մեղուն մեղր է շինում, օձը՝ թույն:

ա) Մեկնաբանիր նկարները՝ օգտվելով առածից:

բ) Հռեիմիր փոփոխիկ պատմությունն նկարների շուրջ:



Կյանքը թեթևացնելու, աշխարհը ճանաչելու համար մարդը գարմանահրաշ ու հզոր սարքեր է ստեղծել, բազում գաղտնիքներ բացահայտել:

Ո՞ր դեռ որբան գաղտնիքներ կան բացահայտելու...

Քանի՛-քանի մարդ է հազարավոր տարիներ նայել Լուսնին, հիացել նրանով, երագել գոնե մտքով հասնել նրան: Ինչքա՛ն ավանդություններ կան Լուսնի մասին, ինչքա՛ն բանաստեղծություններ են ծնվել նրա նուրբ շողերին, քանի՛-քանի՛ մարդ է ծնկի եկած երկրպագել նրան:

ՎԱԶԱԳԱՆ Ա. ՍԱՐԳՍՅԱՆ

ՈՏԱՂԵՏՔԵՐ ԼՈՒՍՆԻ ՎՐԱ

Միայն մարդիկ չէ, որ ձգվում էին դեպի Լուսին: Երկրի օվկիանոսներն էլ են ձգվում դեպի Լուսին, ուզում են հասնել նրան: Երբ Լուսինը, Երկրի շուրջը պտտվելով, մոտենում է օվկիանոսին, ջրերն սկսում են բարձրանալ վերև: Լուսինը հեռանում է, ջրերը նորից իջնում են կարոտած:

Լուսինը կարծես մի հսկայական հայելի է, որն անդրադարձնում է Արևի լույսը և լուսավորում Երկրի գիշերները, ուրախություն բերում մարդկանց:

Լուսնին հասնելու մասին երագելով՝ մարդը եկավ-հասավ 20-րդ դար: Լուսնագնաց տիեզերանավեր կառուցեց և իջեցրեց Լուսնի վրա: Բայց մարդը շարունակ երագում էր, որ ի՞նքը ոտքը դնի Լուսնի մակերևույթին:



Եկավ 1969 թվականը:

Ամերիկացիների «Ապոլոն-11» տիեզերանավը հուլիսի 16-ին թռավ դեպի Լուսին: Տիեզերանավի մեջ էին տիեզերագնացներ Նիլ Արմսթրոնգը, Էդվին Օլդրինը և Մայքլ Բուլինգը: Չորս օր հետո «Ապոլոն-11»-ը մոտեցավ Լուսնին: Մայքլ Բուլինգը մնաց Լուսնի շուրջը 100 կմ հեռավորության վրա պտտվող տիեզերանավի մեջ, իսկ նրա ընկերները, նստելով փոքրիկ տիեզերանավակը, սլացան դեպի Լուսին:

Հուլիսի 20-ին տիեզերանավակը բարեհաջող վայրէջք կատարեց Լուսնի վրա: Ամբողջ աշխարհը սրտատրոփ սպասում էր, թե ինչ է լինելու:

Հաջորդ օրը՝ 1969 թվականի հուլիսի 21-ին, Նիլ Արմսթրոնգը տիեզերանավակից զգուշորեն իջավ Լուսնի վրա: Ոտքը դնելով Լուսնին՝ նա ասաց.

- Սա մարդու համար մի փոքր քայլ է, իսկ ամբողջ մարդկության համար՝ մի հսկայական քայլ դեպի առաջ:

Այս խոսքը Լուսնի վրա արտասանված առաջին նախադասությունն է: Զսան ընդհանուր սպասելուց հետո Լուսնի վրա իջավ նաև Էդվին Օլդրինը: Իրականացավ մարդու դարավոր երազանքը. մարդը Լուսնի վրա է: Լուսնի վրա ո՛չ օդ կա, ո՛չ ջուր, բնական է, որ քամի և անձրև էլ չկա:

- Գուցե ցատկելով՝ առաջ գնանք,- առաջարկեց Արմսթրոնգը: Փորձեցին, սակայն այնքան էլ արդյունավետ չէր: Օլդրինը մոտ երկու մետր ցատկեց վերև, իսկ վայրեջքը վտանգավոր էր:

- Փորձենք վազել,- առաջարկեց Օլդրինը:

Վազելիս նրանց ոտքերը դանդաղ էին տեղաշարժվում, ինչպես դանդաղեցված կինոֆիլմում:

- Ավելի լավ է քայլենք,- վճռեց Արմսթրոնգը: Պարզվեց, որ Լուսնի վրա էլ քայլելը տեղաշարժվելու ամենահարմար եղանակն է:

Լուսնի մակերևույթը բարբարոտ էր ու պինդ, պատված էր մեկ-երկու սանտիմետր հաստությամբ մանրահատիկ փոշիով:

- Նայի՛ր,- ասաց Արմսթրոնգը,- փոշին թաց չէ, բայց լայծուն է:


- Այո՛,- պատասխանեց Օլդրինը,- ոտքդ դնում ես քարին և կարող ես սայթաքել ու ընկնել:

- Այս հանդերձանքով՝ սկաֆանդրով*, թթվածնով լի անոթով, և այլ սարքերով ծանրաբեռնված՝ դու երկրի վրա կկշռեիր մոտ 110-120 կիլոգրամ: Իսկ այստեղ դու վեց անգամ թեթև ես՝ մոտ 20 կիլոգրամ,- ասաց Արմսթրոնգը:- Այնպես որ, եթե ընկնես էլ, բան չի պատահի:


- Հիմա եթե այստեղ բարձրացատկի մրցումներ լինեն, ես մի 8-10 մետր բարձրության վրա դրված ձողի վրայով հանգիստ կցատկեմ,- շարունակեց Օլդրինը:

- Մենք այստեղ հեռացատկի չեմպիոն էլ կարող ենք դառնալ՝ ցատկելով 45-50 մետր,- լրացրեց Արմսթրոնգը:

Այսպես զրուցելով ու կատակելով՝ տիեզերագնացները Լուսնի վրայից վերցրին մոտ 25 կգ ապարների* նմուշներ, տեղադրեցին հեռուստախցիկ,



ամրացրին Ամերիկայի Միացյալ Նահանգների դրոշը, հեռուստահեռախոսով խոսեցին Երկրի հետ, Լուսնի մակերևույթին տեղադրեցին գիտական սարքավորումներ:



Տիեզերագնացները Լուսնի վրա ընդհանուր առմամբ մնացին 22 ժամ: Նրանք այնտեղ թողեցին մի հուշատախտակ, որի վրա գրված էր. «Այստեղ Երկիր մոլորակի մարդիկ առաջին անգամ ոտք դրեցին Լուսնի վրա: Հուլիս, 1969 թ.: Մենք եկել ենք խաղաղությամբ, ամբողջ մարդկության անունից»:

Այնուհետև նրանք նստեցին իրենց փոքրիկ տիեզերանավակը և թռան դեպի մեծ տիեզերանավը, որտեղ նրանց անհամբերությամբ սպասում էր Մայքլ Զոլինզը:

- Այսբան մոտ լինել Լուսնին ու ոտք չդնել նրա վրա՞,- տրտնջաց* Զոլինզը:

- Ոչինչ, հաջորդ անգամ դ՛ու կիջնես,- զվարթ ասացին Արմսթրոնգն ու Օլդրինը:



1. Ի՞նչ զարմանալի իրադարձություն տեղի ունեցավ 1969 թվականին:

2. Տիեզերագնացների զրույցից դու ի՞նչ իմացար Լուսնի մասին:

3. Վերընթերցի՞ր բնագրի առաջին պարբերությունը և պատմի՞ր, թե ինչ ազդեցություն է ունենում Լուսինը Երկրի վրա:

4. Լուսնի վրա մինչև այժմ պահպանվել են տիեզերագնացների ոտնահետքերը: Կարո՞ղ ես ասել, թե ինչու:

5. Համեմատի՞ր բարոն Մյունխհաուզենի տեսած Լուսինը Արմսթրոնգի տեսած Լուսնի հետ:

1. Գնահատի՞ր երեք տիեզերագնացների կատարած աշխատանքը: Դու ո՞ւմ տեղը կցանկանայիր լինել:

ՀԱՆԵԼՈՒԿ

Այն ի՞նչ տղա էր. հենց ծնվեց՝ Դրեցին թագավոր,
Տասնհինգ տարի թագավորեց,
Տասնվեց տարվա մեջ հիվանդացավ,
Երեսուն տարին լրացավ՝ մահացավ,
Հաջորդ օրը նորից կենդանացավ:



2 ՉԿԱՐԹ ՏՐԱՄԱԲԱՆՈՒԹՅՈՒՆ

Քո շնիկն այստեղ կշռում է 6 կգ: Եթե նա մի օր հայտնվի Լուսնի վրա, որքա՞ն կկշռի այնտեղ:

3

ԿՅԱՆՔ ԼՈՒՍՆԻ ՎՐԱ

Դու Լուսնի վրա ես և տեսել ես մետաղյա թիթեղներ, որոնց վրա գրված է՝ **ոհղ, ոջու, կկրա, դօ:**

Վերծանիր գաղտնագրված բաները և, օգտագործելով դրանք, հորինիր մի պատմություն՝ ստեղծելով կյանք Լուսնի վրա:



© Խնդրակ

- Ո՞րն է մեզ ավելի մոտ՝ Լուսինը, թե՞ Աֆրիկան, - հարցնում են չորրորդ դասարանցի Սահակին:
- Լուսինը:
- Ինչո՞ւ:
- Այստեղից Լուսինը երևում է, իսկ Աֆրիկան՝ ոչ:

ԳԵՏԱՔՐԵԻՐ Ե ԻՍԱՆԱԼ

4 Մրանք Արեգակի շուրջը պտտվող մոլորակներից մի ֆանիսի հայերեն անվանումներն են: Գրանցից մեկն Արեգակի մոլորակը չէ: Գտիր, թե որ մեկն է դա, և մի հանելուկ հորինիր նրա մասին:

Լուսնթագ
Լուսին
Արուսյակ
Երևակ
Չրատ
Երկիր
Փայլածու



Սա մարդու համար մի փոքր քայլ է, իսկ ամբողջ մարդկության համար՝ մի հսկայական քայլ դեպի առաջ:



ԱՆՏՈՒՆ
ԴԸ ՍԵՆՏ-ԷԶԶՈՒՊԵՐԻ

Մարդիկ երագում են երկինք բարձրանալ և արդեն բարձրանում են: Բայց, պարզվում է, որ երկնքում էլ երագողներ կան, որ ուզում են երկիր իջնել...

Եթե ձեզ մոտենա ոսկեգանգուր մի փոքրիկ տղա, եթե նա զրկուն ծիծաղ ունենա և ձեր հարցերին չպատասխանի, շատ եմ խնդրում ձեզ, անմիջապես գրեք ինձ, որ Փոքրիկ Իշխանը վերադարձել է...

ՓՈՔՐԻԿ ԻՇԽԱՆԸ

Երկրագնդի վրա ընկնելով՝ Փոքրիկ Իշխանը ոչ մի մարդ չտեսավ, և դա նրան շատ զարմացրեց: Նա նույնիսկ մտածեց, թե սխալմամբ թռել է մի ուրիշ մոլորակ: Բայց հենց այդ ժամանակ ավազի վրա լուսնի ճառագայթի գույնի մի օղակ շարժվեց:

- Բարի՛ երեկո,- համենայն դեպս ասաց Փոքրիկ Իշխանը:
- Բարի՛ երեկո,- ասաց օձը:
- Այս ի՞նչ մոլորակ եմ ընկել:
- Երկիրն է,- ասաց օձը:
- Ա՛յ թե ինչ: Իսկ ի՞նչ է, Երկրի վրա մարդիկ չկան:

- Սա անապատ է: Անապատներում ոչ ոք չի ապրում:

- Իսկ որտե՞ղ են մարդիկ,- հարցրեց Փոքրիկ Իշխանը:- Անապատում, այնուամենայնիվ, մարդ մեկնակ է գգում իրեն:

Այնուհետև Փոքրիկ Իշխանը կտրեց-անցավ ամբողջ անապատը, բայց ոչ ոքի չհանդիպեց: Ամբողջ ճանապարհին նա միայն մի ծաղիկ տեսավ՝ մի եռաթերթ, շատ փոքրիկ ծաղիկ...

- Բարև՛,- ասաց նրան Փոքրիկ Իշխանը:
- Բարև՛,- պատասխանեց ծաղիկը:
- Որտե՞ղ են մարդիկ,- քաղաքավարի հարցրեց Փոքրիկ Իշխանը: Ծաղիկը մի անգամ քարավան* էր տեսել, որն անցել էր իր մոտով:

- Մարդի՞կ... Ախ, այո... Նրանք, կարծեմ, ընդամենը վեց կամ յոթ հոգի են: Ես նրանց տեսել եմ շատ տարիներ առաջ: Բայց թե որտե՞ղ կարելի է նրանց հիմա գտնել, հայտնի չէ: Զամին նրանց քշում-տանում է: Նրանք արմատներ չունեն, և դա շատ մեծ անհարմարություն է:

- Մնաս բարո՛վ,- ասաց Փոքրիկ Իշխանը:
 - Գնաս բարո՛վ,- ասաց ծաղիկը:
- Հենց այստեղ էլ հայտնվեց աղվեսը:



- Բարև,- ասաց նա:
- Բարև,- բաղաբավարի պատասխանեց Փոքրիկ Իշխանը, բայց ոչ ոքի չտեսավ:
- Ես այստեղ եմ,- նորից լսվեց ձայնը,- ինձ որտե՞ս տակ:
- Դու ո՞վ ես,- հարցրեց Փոքրիկ Իշխանը:- Ինչքան սիրո՞ւն ես:
- Ես աղվեսն եմ:
- Մի քիչ խաղա՛ ինձ հետ,- խնդրեց Փոքրիկ Իշխանը,- ես շատ տխուր եմ:
- Ես քեզ հետ խաղալ չեմ կարող,- պատասխանեց աղվեսը,- ես ընտելացած* չեմ:
- Ա՛խ, ների՛ր,- ասաց Փոքրիկ Իշխանը: Հետո, մի փոքր մտածելով, հարցրեց.
- Իսկ ինչպե՞ս են ընտելացնում:
- Դու տեղացի չես երևում,- նկատեց աղվեսը:- Ի՞նչ ես փնտրում այստեղ:
- Մարդկանց եմ փնտրում,- պատասխանեց Փոքրիկ Իշխանը:- Իսկ ինչպե՞ս են ընտելացնում:
- Մարդիկ հրացան ունեն և որսի են դուրս գալիս: Դա շատ անհարմար բան է: Հետո՝ նրանք հավ են պահում: Նրանց լավն էլ միայն դա է: Դու հա՞վ ես փնտրում:
- Ո՛չ,- ասաց Փոքրիկ Իշխանը:- Ես բարեկամ եմ փնտրում: Իսկ ինչպե՞ս են ընտելացնում:
- Տե՛ս: Դու ինձ համար առայժմ միայն մի փոքրիկ տղա ես, այնպես, ինչպես մյուս հարյուրհազարավոր տղաները: Եվ դու ինձ պետք չես: Ես էլ քեզ պետք չեմ: Ես քեզ համար ընդամենը մի սովորական աղվես եմ, այնպես, ինչպես մյուս հարյուրհազարավոր աղվեսները: Բայց եթե դու ինձ ընտելացնես, ապա ինձ համար ամբողջ աշխարհում միակը կդառնաս, ես էլ քեզ համար ամբողջ աշխարհում կդառնամ միակը...
- Սկսում եմ հասկանալ,- ասաց Փոքրիկ Իշխանը:- Իմ մոլորակի վրա մի վարդ կար... որը, երևի, ինձ ընտելացրել էր...
- Աղվեսը շատ զարմացավ.
- Քո մոլորակի վրա՞...
- Այո՛:
- Իսկ քո մոլորակի վրա որսորդներ կան:
- Ո՛չ:
- Ի՞նչ հետաքրքիր է: Իսկ հավ կա՞:
- Ո՛չ:
- Աշխարհում կատարյալ* ոչինչ չի լինում,- հառաչեց աղվեսը: Եվ նրանք բաժանվեցին...





1. Գերային ընթերցանությամբ ներկայացրե՛ք Փոքրիկ Իշխանի հանդիպումներն օձի, ծաղկի և աղվեսի հետ:

2. Քո անցած նյութերից («ՄԻՄ համար է խնձորը», «Գուլիվերի ճանապարհորդությունը», «Խայծը» և այլն) արդեն գիտես, որ ամեն

էակ իր աչքերով է նայում աշխարհին:

Օձի աչքերով՝ անապատներում ոչ ոք չի ապրում:

Ծաղկի աչքերով՝ մարդիկ ընդամենը վեց կամ յոթ հոգի են, բամին նրանց բշում-տանում է, որովհետև նրանք արմատներ չունեն:

Աղվեսի աչքերով՝ մարդիկ հավ են պահում, և նրանց լավն էլ միայն դա է:

Մեկնաբանի՛ր յուրաքանչյուր հերոսի ասածը:

3. Ենթադրենք՝ Փոքրիկ Իշխանը հանդիպել է բեգ. դու երկիրն ինչպե՛ս կներկայացնեիր նրան:

ԽՈՍՔԱՅԻՆ «ՎԹԱՐՆԵՐ»

1

Ջերոսները Փոքրիկ Իշխանին ներկայացրին իրենց նվիրական ցանկությունները:

Արտագրի՛ր՝ շտկելով սխալները, որպեսզի այդ ցանկություններն «իրականանան»:



Աղվեսը. «Ես միանգամից կուտեյի հայրուր հավ»:

Օձը. «Թող մարթիք ինձ ջնեղացնեն, որ նրանց չխայտեմ»:

Ծաղիկը. «Ես ընթամենը մի բնբույշ ու նուրփ ծաղիկ եմ, ինձ արմատախիլ մի արեք»:

2

ԶՎԱՐԹ ՏՐԱՄԱԲԱՆՈՒԹՅՈՒՆ

Պատասխանի՛ր միայն գոյականներով:

Ի՞նչ ուտելիքի սկզբից ավելացնենք մի ձայնավոր, որ դառնա ժամանակ ցույց տվող բառ:

Ի՞նչ բնակավայր է, որի առաջին բաղաձայնը եթե հանենք, կդառնա ուտելիք:

Պատասխանի՛ր միայն բայերով:

Սուտ խոսել բառակապակցությունն արտահայտի՛ր մեկ բառով, ավելացրո՛ւ մեկ տառ և ստացի՛ր մի նոր բայ:

Թվել բային ավելացրո՛ւ մի տառ և ստացի՛ր նոր բայ:

Պատասխանի՛ր միայն ածականներով:

Ո՞ր ամանից ջուր չենք կարող վերցնել:

Ո՞ր կռունկը չի թռչում:



Սիրելի՛ բարեկամ, այլ մուրրակից մեզ հյուր եկած Փոքրիկ Իշխանին ևս դուր եկավ մեր զարմանահրաշ Երկիր մուրրակը:

Իր փոքրիկ մոլորակից Երկիր իջած Փոքրիկ Իշխանը զարմանալի շատ բաներ տեսավ: Իսկ Երկիր մոլորակից դեպի հեռու աստղեր թռչող Ար Մենը ոչ միայն տեսավ, այլև...

ՎԱՉԱԳԱՆ Ա. ՍԱՐԳՍՅԱՆ

ՀԱՆԵՆՈՒԿԱՅԻՆ ՄՈՒՈՐԱԿԸ

Տիեզերական անծայրածիր* հեռուներն անսահմանորեն ձգում էին Ար Մենին: Արդեն չէր կարողանում զբաղվել իր սովորական աշխատանքով: Մի օր էլ վերջնականապես վճռեց, որ հերթական արձակուրդն անցկացնելու է Դեռ Ավոր աստղի մոլորակներից մեկի վրա:

Վարձույթով տրվող աստղաթիռներից նա ընտրեց մի հոգու համար նախատեսվածը, պարենի* պաշար վերցրեց, հանդերձավորվեց ինչպես հարկն է ու, հրաժեշտ տալով մտերիմներին, թռավ: Լույսի արագությամբ թռչող աստղաթիռը

հեշտ էր կառավարվում: Ար Մենը մենակությանը սովոր էր: Թռիչքի տասներորդ օրն զգաց, որ աստղաթիռում ինչ-որ բան կարգին չէ: Սիրտը վատ բան գուշակեց. հիշեց վարձույթի սրահի աշխատողին, նրա կոպիտ



շարժումները, խորամանկ հայացքը: «Երևի պետք էր նրա հետ ավելի սիրալիիր լինել», – մտածեց Ար Մենը և միացրեց համակարգիչը: Տեսացույցի վրա երևաց խոսող ծրագիրը և հայտնեց, որ վառելիքն սպառվում է, պետք է շտապ վայրէջք կատարել:

Մոտակայքում ծանոթ մոլորակ չկար: Աստղային քարտեզի վրա նշմարվում* էր մարդկանց կողմից դեռևս չնվաճված մի մոլորակ:

Ար Մենն ստիպված վայրէջք կատարեց այդ մոլորակի վրա՝ վառելիք հայթայթելու հույսով:

Օգնական սարքերը ցույց տվեցին, որ մոլորակը բնակեցված է, և շնչելու օդ կա, ջուրը քաղցրահամ է. մի խոսքով՝ մոլորակը նման էր Երկրին:

Սա արդեն մեծ հաջողություն էր:

Ար Մենն իջավ աստղաթիռից և զգուշորեն քայլեց դեպի երևացող բնակավայրը: Երբ հասավ, ոչ ոք նրա վրա ուշադրություն չդարձրեց: Ար Մենը զարմանքով նկատեց, որ մոլորակի բնակիչների մի մասը քայլում է աչքերը փակ, մի մասը բոլորովին ճաղատ է, մի մասը ձեռքերը վերև բարձրացրած է քայլում, մի մասը նստած է ու չի խոսում:

«Սա ի՞նչ բան է», - զարմանքով մտածեց Ար Մենը և մոտեցավ նստածներից մեկին:

- Ես Երկիր մոլորակից եմ, բարև՛, խաղաղություն եմ ցանկանում ձեր մոլորակին: Ինձ վառելիք է հարկավոր, որտեղի՞ց կարող եմ ձեռք բերել, - քաղաքավարի հարցրեց Ար Մենը:

Նրա թարգմանող սարքերն անմիջապես թարգմանեցին ասածը, և բնիկը, առանց շրթունքները շարժելու, պատասխանեց.

- Մեր մոլորակում հենց այնպես ոչ ոք ոչինչ չի անում, բարև՛, երկրացի:

- Ես փող կտամ:

- Ինձ ճիշտ չհասկացար, մեզ մոտ փող չկա:

- Իսկ ի՞նչ անեմ, որ վառելիք ճարեմ:

- Պետք է հարմարվես մեր մոլորակի օրենքներին:

- Այսինքն՝ ի՞նչ անեմ:

- Մեզ մոտ, տե՛ս, որքան լճակներ կան: Ի՞նչ ես կարծում, ինչո՞ւ են դրանք այդքան շատ:

- Չգիտեմ: Երևի շատ անձրև է գալիս:

- Մեր մոլորակում որպեսզի մի բան կատարվի, պիտի մեկն անպայման միտքը շարժի, մի բան գուշակի: Օրինակ, այս գետակների ջրերը չեն կարողացել պատասխանել ափերի հանելուկին, ափերը փակել են ջրի ճամփան, և գետակները դարձել են լճակներ: Մազերը չեն կարողացել պատասխանել գլխի հանելուկին, և գլուխը չի աճեցնում նրանց, և մարդկանց մի մասը բոլորովին ճաղատ է: Եթե անձրևը չլուծի ամպի հանելուկը, ամպն անձրևին չի թողնի ներքև:

«Ա՛յ քեզ արմանք-զարմանք բան», - մտածեց Ար Մենը, բայց իրեն զսպելով հարցրեց.

- Իսկ այս մարդիկ ինչո՞ւ են ձեռքերը վեր տնկած քայլում:

- Որովհետև ձեռքերը չեն կարողացել լուծել ուսերի հանելուկը:

- Սրանք էլ աչքերը փակ են գնում, որովհետև աչքերը չեն լուծել կոպերի՞ հանելուկը, - գլխի ընկավ Ար Մենը:

- Սկսում ես հասկանալ, - աշխուժացավ բնիկը:

Հանկարծ սկսեց ուժգին անձրև գալ:

- Ահա անձրևը լուծեց ամպի հերթական հանելուկը և իրավունք ստացավ ներքև թափվելու: Հիմա ամեն ինչ կթորջվի. լավ է, որ մենք ծածկի տակ ենք, - ասաց բնիկը, - թրջվել բոլորովին չեմ սիրում:

- Բայց ինձ վառելիք է պետք, - անհամբերությամբ նորից ասաց Մենը:

- Մեր մոլորակի օրենքով հիմա ես քեզ մի խնդիր կատեմ. եթե լուծես,



կստանաս վառելիք, չլուծես՝ չես ստանա: Տե՛ս, անձրևն արդեն կտրվեց: Ես հիմա գնում եմ քաղաքային այգի: Այսօր իմ և իմ երկու ընկերների ծաղիկ դառնալու հերթն է: Աշխատանք է՝ պիտի անենք: Բսանչորս ժամ է տևում տարվա մեջ: Դու կգաս այգի և կտեսնես երեք վառվռուն ծաղիկ՝ ամեն ինչով իրար նման: Եթե ճիշտ գուշակես, թե որ մեկն էմ ես, վառելիք կստանաս, եթե ոչ՝ ընդմիջտ կմնաս մեր մոլորակում: Արդեն ուշանում եմ, ընկերներս հիմա լավ թրջված կլինեն, ես վազեցի:



«Լավ էլ աշխատանք են գտել իրենց համար», - ինքն իրեն զայրացավ Ար Մենը և ուզում էր բնիկին էլի ինչ-որ բան հարցնել, սակայն նա արդեն չքացել էր:

Ար Մենը, քթի տակ մոթմոթալով, հասավ քաղաքային այգի: Իրոք, երեք հրաշալի, վառվռուն ծաղիկ էր աճում մարգերից մեկի վրա: Մենը շվարել էր. դրանք ոչնչով չէին տարբերվում իրարից:

«Մի՞թե հավերժ պիտի մնամ այստեղ», - սարսափեց նա:

Երկար զննեց ծաղիկները, հոտոտեց, պտտվեց նրանց շուրջը, բայց ապարդյուն*: Հուսահատ նստեց ու գլուխն առավ ավերի մեջ: Հանկարծ ժպտաց, հասկացավ, թե որ մեկն էր իր գրուցակիցը:

Սիրելի՛ երեխաներ, Ար Մենն ինչպե՞ս կռահեց, թե որն էր իր գրուցակիցը: Պատասխանը թաքնված է պատմվածքում. ուշադի՛ր կարդացեք և դուք ևս գլխի կընկնեք:



1. Ար Մենն ինչո՞ւ վայրէջք կատարեց անձանոթ մոլորակի վրա:
2. Ի՞նչ օրենքներ էին գործում Հանելուկային մոլորակում:
3. Ար Մենին ի՞նչ պայման առաջարկեց այմոլորակայինը:

1 Հանելուկային մոլորակում ինչերի՞ն են հարցեր առաջադրել ծառերի արմատները, արևը, երկնքի աստղերը, ատամները: Ձևակերպի՛ր հարցերը և պատասխանի՛ր:

2 Վերծանի՛ր Հանելուկային մոլորակից ստացված հաղորդագրությունը և պատասխանի՛ր:

Վորում շնորհա քնե գեճ՝ րական տար րոցը դպ ջողհա վարտելուա թիվառ:

Վիրում հրա ենք գեճ րեմ հրաշ գարմնա կում մոլորա մառայինա ձակուրդներնար կացնելուանց:

Կսի եթ պեսինչ ողկար քե նվելիայտ տեղայս, ծեքմտա ներդինք:

Պատկերացրո՛ւ՝ Լուսնի վրա
հանդիպել են բարոն Մյունխ-
հաուզենը, Փոքրիկ Իշխանը, Ար
Մենը և այլմուրակայինը:

Հորինիր մի փոքրիկ պատ-
մուցյուն և ուղարկիր «Նախա-
շավիղ» և «Գ-րդ հրաշալիք»
հանդեսներին:



4 Լուծիր հանելուկները. օգնիր Հանելուկային մոլորակին:

Գլուխ գլխի եթե տանք,
Ապա սարեր շուռ կտանք,
Ո՞ր առածն եմ փոխել ես,
Պատասխանը լավ գիտես:



Ես իջնում եմ սարերից,
Ես թռչում եմ բարերից,
Մորս գիրկն եմ շտապում,
Քնած լինեմ, թե արթուն:



Առանց թևի թռչում եմ,
Երկինք-գետին թրջում եմ,
Նրանց մոտից թե նայես,
Մարդիկ, կարծես, մրջյուն եմ:

Ձեռքիս փոքրիկ սիգակներ՝
Պաշտպանում եմ լույսը ձեր,
Թե պետք լինի, թարթում եմ,
Դուք՝ քնած, ես արթուն եմ:



Ի՞նչ այգի է զարմանալի,
Քեզ հետ է միշտ գնում-գալիս,
Ոչ մի անգամ բերք չի տալիս,
Թե կտրում ես, չի էլ լալիս:



Երբ որևէ գործ ես անում, ուշադիր եղիր. ամենափոքր մանրուքն էլ կարող է խնդրի լուծման բանալի լինել:

ԱՄՓՈՓԻՐ ԻՄԱՅԱԾԴ, ԱՏՈՒԳԻՐ ԻՆՔԴ ԲԵՉ

1. Թեմատիկ շարժում դու հանդիպեցիր եռակայական շատ պատմությունների, և դրանցից միայն մեկն էր իրողություն: Ո՞րն էր դա:

2. Այս գարմանահրաշ պատմությունների մեջ ո՞ր հերոսի կողքին կուզենայիր հայտնվել և ի՞նչ կանեիր:

3. Դու ծանոթացար թեմատիկ շարքի հետևյալ գաղափարներին:

• Մեր գարմանահրաշ մոլորակում ամեն ինչ տարբեր է, և դրանով է պայմանավորված, որ....

• Լավ բան մտածիր, որ....


• Այսօր դու սովորող ես, իսկ վաղը....

• Մարդկային միտքը շատ գաղտնիքներ է բացահայտել, և դեռ որքան....

• Ամեն սովորական երևույթի մեջ էլ հրաշք կա, քանի որ....

Հիշիր, թե դրանք որ պատմություններին են վերաբերում, և շարունակիր մտերը:

4. Լրացրո՛ւ խաչքառը: Ընդգծված սյունակում կկարդաս, թե դեպի ուր են ձգվում քո մտերը:



1. Մարդ-ռոբոտը:

2. Մարդ-հսկան:

3. Երկնքում «լողացող» նավ:

4. Փչան բարոնը:

5. Հանելուկային Արը:

6. Նրա հետքը մինչև հիմա Լուսնի վրա է:

7. Իշխանը:



- Ածու** – 1. բանջարանոցի մարգ: 2. (փխբ.) փոքր ժողովուրդ, փոքր երկիր:
- Աղուն** – աղալու համար պատրաստած հացահատիկ:
- Ամոքել** – մեղմել, հանգստացնել:
- Անդնդախոր կիրճ** – շատ խոր ծոր:
- Անծայրածիր** – վերջ, սահման չունեցող:
- Անհուն** – անծայր, անվերջ, անսահման:
- Անձեռակերտ** – ձեռքով չհիսված, սքանչելի:
- Ապար** – բնական քարային հանքատեսակ (ավազ, գրանիտ, մարմար և այլն):
- Ապարանք** – պալատ, դղյակ:
- Ապարդյուն** – արդյունք չտվող, անօգուտ, իզուր:
- Առնչվել** – կապ ունենալ:
- Արնախում** – արյուն խմող:
- Բաճկոնակ** – անթև կարճ զգեստ, ժիլետ:
- Բեզարել** – հոգնել:
- Բեկբեկ** – ծուռուճուռ, ոլոր-մոլոր:
- Բերկրանք** – հրճվանք, ուրախություն:
- Բիլազուկ** – ապարանջան, ձեռքի զարդ:
- Բնույթ** – բնավորություն:
- Գիտաժողով** – գիտնականների ժողով:
- Գրավ** – մեկից պարտք վերցնելիս նրա մոտ թողնվող իր կամ գումար:
- Դավ** – գաղտնի մտածված չարամիտ արարք:
- Եղեռն** – կոտորած, չարագործություն:
- Երախտահատույց լինել** – լավության տակից դուրս գալ:
- Երախտիք** – ուրիշին արած բարի գործ:
- Չարմ** – միևնույն ծնողների սերունդ:
- Չիլ ձայն** – բարձր և սուր ձայն:
- Չմայլվել** – հիանալ, սքանչանալ:
- Ըմբոստանալ** – դիմադրել, չենթարկվել, ապստամբել:
- Ընծա** – նվեր:
- Ընտելացնել** – վայրի բույսը, կենդանին կամ թռչունը դարձնել ընտանի:
- Ինքնություն** – ելություն, իմաստ:
- Լոկ** – միայն, սուկ:
- Լուսածեզ** – լույսը ծագելու ժամանակը, լուսաբաց:
- Խայծ** – միս, որդ, հաց, որ անց են կացնում կարթի վրա՝ ծուկ որսալու համար:
- Խեցեղեն** – կավից պատրաստված իրեր:
- Խսիր** – ծղոտից, բույսերի կեղևից կամ դալար ոստերից հյուսած կարպետ:
- Խուրջին** – երկաջքանի տոպրակ, պայուսակ:
- Խուփ** – կափարիչ:
- Ճեծքար** – կտավատ ծեծելու երկանաքար:
- Ճմակ** – անտառի խիտ տեղ, ուր արև չի ընկնում:
- Կաթնախպեր** – նույն մոր կաթով սնված ոչ հարազատ եղբայր:
- Կայծքար** – կարծր քարի տեսակ, որը երկաթին խփելուց կայծ է առաջանում:
- Կապարճ** – նետաման:
- Կատարյալ** – անթերի, ընտիր:
- Կարմրախայտ** – ձկան մի տեսակ:
- Կացարան** – ապրելու տեղ, տուն, բնակարան:
- Կերտել** – շինել, կառուցել, ստեղծել:
- Կճատ** – կարճ ու տափակ քիթ ունեցող:
- Կողակ** – ձկան մի տեսակ:
- Կորզել** – խաբեությամբ, խորամանկությամբ մեկից մի բան վերցնել, ձեռք բերել:
- Կռան** – դարբնի մուրճ:
- Ջամաճարակ** – լայն տարածվող վարակիչ հիվանդություն:
- Ջամբավ** – բարի անուն, ճանաչում, հռչակ:
- Ջավալունս** – լողացող մեծ թռչուն:
- Ջատու** – 1. Լավ կտրող, սուր: 2. Ռժգին, կտրուկ:

Հարդախառն - հարդ (հացահատիկի մանրացրած ցողուններ) խառնած:
Հեզանազ - հեզ, խոնարհ, նազանի:
Հոժարություն - համաձայնություն:
Հոտաղ - գութանի եզները բշող տղա:
Հորդորել - մեղմ կերպով համոզել:
Ձեռակերտ - ձեռքով շինած, ստեղծած:
Ձիրք - բնածին ընդունակություն, շնորհք, տաղանդ:
Ճկել - ծռել, խոնարհել:
Ճոն - գլխարկ կարող:
Ճուռ - ոտք:
Մաճկալ - գութանի մաճը բռնող և վարանող մարդ:
Մամ - տատ:
Մամուռ - արմատներից զուրկ բույս:
Մասունք - շատ թանկագին, սրբազան բան:
Մատուռ - փոքրիկ եկեղեցի:
Միլիարդ - շատ մեծ թիվ՝ հազար միլիոն:
Միևուճար երեխա - ծնողների միակ գավակը:
Մկանուտ - ուժեղ մկաններ ունեցող:
Մղոն - երկարության չափ (մոտ մեկուկես կիլոմետր):
Մուլեզնել - արագ տարածվել, բորբոքվել:
Նախշքար - ներկարար, պատերը ներկող, նախշող:
Ներքող - գովերգ, փառաբանական խոսք, ճառ:
Նշմարվել - հագիվ երևալ:
Նվաղել - սաստիկ թուլանալ:
Շաչել - սուլոցի նման սուր ծայն հանել:
Շտկել - ուղղել:
Չախչախ - փայտե շերտիկ ջրադացքարի վրա, որի միջոցով ցորենը թափվում է անցքի մեջ:
Չուրսունկանի - չորս ունկ ունեցող:
Պանդոկ - ճաշարան:
Պանդուխտ - օտար երկրում ապրող մարդ:

Պարեն - ուտելու մթերք, սննդամթերք:
Պեղել - փորելով գետնի տակից որևէ հին բան հանել:
Պռունկ - շրթունք, բերան:
Պուտուկ - կավե աման, կճուճ:
Ջորի - էշից մեծ, ձիուց փոքր և նրանց նման բեռնակիր կենդանի:
Ջրշուն - թանկարժեք մորթով ջրային կենդանի, կուղբ:
Սալ - մետաղյա հարմարանք, որի վրա երկաթ են կռում:
Սանամեր - սանամայր՝ զավակի մայրը կնքահոր համար:
Սխրանք - խիզախ արարք, հերոսական գործ, հերոսություն:
Սկաֆանդր - տիեզերագնացի պաշտպանիչ հագուստ:
Սողք - սողալը:
Ստորին - ներքևի, ցածի, ցածում գտնվող:
Վես - բարձր, վսեմ, սեգ, վեհ:
Վերվերի բռնել - պարել:
Վտիտ - թույլ, անզոր, նվազ:
Տառեղ - արագիլների մի ցեղը, սպիտակ արագիլ:
Տևողել - ուշադրությամբ զննել:
Տրտնջալ - դժգոհել, բողբոջել:
Ուխտ անել - որևէ բան անպայման անելու խոստում, երդում տալ:
Ունկ - 1. ականջ, 2. ամանի բռնակ, կանթ:
Ուռկան - ծուկ բռնելու ցանց:
Փարչ - կավե ունկավոր գավաթ, կուլա:
Փոխ տալ - փոխարինաբար, ժամանակավոր մի բան տալ:
Փոկ - ծովային կաթնասուն կենդանի:
Քարապուտ - վայրի կակաչի տեսակ:
Քարավան - ուղտերի շարք, որն անապատում մարդիկ և բեռներ է փոխադրում:
Քուրա - մետաղը շիկացնելու վառարան, հնոց:
Օթյակ - օթևան՝ գիշերելու տեղ:

ՈՒՂԱԳՐԱԿԱՆ ԲԱՌԱՑԱՆԿ
/I-IV ԴԱՍԱՐԱՆՆԵՐ/

այլուր	արև	դեղձ	իջնել
աղբյուր	արդար	դերձակ	խաբեբա
աղջիկ	արդեն	եղբայր	խաբել
աղբատ	արդյոք	եղջերու	խղճալ
ամբողջ	արձակուրդ	երևալ	խնդրել
ամենօրյա	արջ	երբեմն	խորհուրդ
ամպ	բարև	երբեք	ծաղկազարդ
այլևս	բարդ	երգ	կարգ
այսօր	բարձունք	երկրորդ	կարդալ
անգամ	բարձրանալ	երջանիկ	կեղև
անդադար	բերդ	զարթնել	կեղտ
անընդհատ	բողկ	զգույշ	կենդանի
անհոգի	բույն	զվարթ	կեսօր
անձրև	բույր	Էջմիածին	կրիա
անձրևոց	բուրդ	ընդամենը	հագնել
անշնորհք	բրդել	ընթացք	հագուստ
անվերջ	բրդոտ	ընթրիք	հաղթել
անօթևան	բրդուն	ընծուղտ	համարձակ
աշխարհ	գաղտնիք	թև	համբերել
աշխույժ	գդալ	թագավոր	համբուրել
աջ	գոգևոց	թեն	հայելի
առաջ	գույնզգույն	թուղթ	հարատևել
առաջարկ	դադարել	թռչել	հարբած
առողջ	դարբին	թռչուն	հարդ
առջև	դարձյալ	թրջել	հարթ
ավագ	դարձնել	իբր	հարյուր

հետև	միլիոն	ով	սրբել
հերթապահ	մինչև	ովքեր	սրընթաց
հեքիաթ	միջանցք	ոտնահետք	վախկոտ
հիացմունք	միրգ	ոտք	վայրեջք
հղկել	մկկալ	որդ	վայրկյան
հյուրթալի	մյուս	որդի	վարդ
հյուսել	մորթել	որովհետև	վարդակ
հյուր	մռթմռթալ	որպեսզի	վերև
հոգատար	մռնչուն	որջ	վերադարձ
հոգնել	մտահոգ	որսորդ	վերջ
հևք	մրմնջալ	չարածճի	վերջապես
ձև	մրջյուն	պառկել	վրձին
ձագուկ	մրրիկ	պատճառ	տարօրինակ
ձգել	նախշուն	պատմվածք	տերևակալել
ձյուն	նետածիգ	պարգևել	Տրդատ
ճամփա	ներքև	պարծենալ	ուխտ
ճամփորդել	նորոգել	ջարդել	ուղղակի
ճանապարհ	շաբաթ	ջրհեղեղ	ուղևոր
ճյուղ	շաղգամ	սայթաքել	ուղտ
ճռճռալ	շնորհիվ	սանդղակ	փորձանք
մաղթել	շնջալ	սանդուղք	փորձել
մարդ	շոգ	սեղմել	ևս
մեղք	ոգևորել	սերկևիլ	օգնել
մեջք	ողջ	սկյուռ	օդ
միանգամից	ողջույն	սևուկ	օդաչու
միասին	ոսկեզօծ	սուրբ	օդապարիկ
միլիարդ	ոսկի	սրբազան	օվկիանոս
			օրոր

ՈՐՈՇ ԱՌԱՋԱԴՐԱՆՔՆԵՐԻ ՊԱՏԱՍԽԱՆՆԵՐ

5. 1. Ցուրտ:
6. 4. Հայոց այբուբեն:
11. 3. Թուֆ:
23. 1. Օդաչուներն Արամի քույրերն են:
28. 4. Արմունկ, փող, գունդ: 6. Հանք – վանք:
32. 1. «Ա» տառը:
35. 5. «Դ» հնչյունը: Երեկ չէ առաջին օրը, երեկ, այսօր, վաղը, վաղը չէ մյուս օրը: Չորս:
41. 4. Ավանակ – ավազակ:
53. 2. Ատամները: 3. Երկուսը՝ ծնողներին, երկուսը՝ զավակներին:
55. 5. «Ազգի ապագան մայրերի ձեռքում է»:
58. 4. Աշխարհամաս:
59. 6. Տղան՝ հոր և պապի հետ:
66. 4բ. Մաղով կարելի է սառույց կրել, իսկ սառույցը նույն շուրն է:
68. 3. Վեհ:
75. Հանելուկ. գետ – վտակներ, ծով – գետեր:
77. 2. Օրինակ՝ վեգ, վեհ, վեճ, վեմ, վեպ:
78. 2. Ոչնչացնել, հեռու, մոտ:
81. Հանելուկ. Ամանորը:
114. 4. Էշի ականջում քնած լինել: Գլուխ հանել:
122. 5. Արդար մարդն արկղից հանում է թղթերից մեկը և, առանց բացելու, կուլ տալիս: Զանի որ մյուսի վրա գրված էր. «Մեղավոր է», եզրակացնում են, որ նա կուլ է տվել «Մեղավոր չէ» թուղթը, այսինքն՝ նրան պետք է ազատել:
145. Հանելուկ. միտքը:
151. 8. 3-լիտրանոցից լցնում են 2-լիտրանոցը, 2-լիտրանոցից՝ 1-լիտրանոցը:
160. Հանելուկ. լուսին:
164. 2. Միս – ամիս, գյուղ – յուղ: Ստել – նստել, թվել – թթվել: Դատարկ (ծակ, չոր), շինարարական:
167. Ար Մենի գրուցակիցը չոր էր, իսկ մյուս երկու ծաղիկը՝ թաց: 2. Ընտրիավորում ենք ձեզ՝ տարրական դպրոցը հաջող ավարտելու առթիվ: Հրավիրում ենք ձեզ զարմանահորաշ մոլորակում ամառային արձակուրդներն անցկացնելու: Իսկ թե ինչպես կարող եք հայտնվել այստեղ, մտածեք ինքներդ:
168. 4. ՈՒս ուսի որ տանք, սարեր շուռ կտանք: Առուն: Ամպերը: Աչքի կոպը: Գլխի մազերը:
169. 4. Էլեկտրոնիկ, Գուլիվեր, տիեզերանավ, Մյունխհաուզեն, Սեն, Արմսթրոնգ, Փոքրիկ: Բառը՝ տիեզերք:

ԲՈՎԱՆԴԱԿՈՒԹՅՈՒՆ

Հայաստանի յոթ և բյուր հրաշալիքները	3	Եզոպոս - Առյուծն ու նապաստակը	98
Վաչագան Ա. Սարգսյան - Հայաստանի յոթ և բյուր հրաշալիքները	4	Ռաֆայել Հայրապետյան - Շախմատ ...	100
• Գրքի գրույցը բեզ ծանոթ և անծանոթ հրաշալիքների մասին	4	Ամփոփի՛ր իմացած, ստուգի՛ր ինքդ բեզ	102
• Հովհաննես Թումանյանի արձանի մոտ	7	Յոթ սարից, յոթ ձորից այն կողմ	103
• Արամ Խաչատրյանի հետ	12	Հայկական հեքիաթ - Ամենաթանկը հավասարների մեջ	104
• Սարյանի նկարներում շողշողում է Հայաստանի հավերժությունը	17	Չինական հեքիաթ - Թող ուրիշն անի ..	106
• Անակնկալը	21	Կորեական հեքիաթ - Երկու եղբայր	109
• Մասիից դեպի Ազոավաբար	24	Ջաննի Ռոդարի - Գրքից փախած մկնիկը	112
• Ճամփորդությունը շարունակվում է..	29	Ալեքսեյ Տոլստոյ - Բուրատինոն իմանում է Ոսկե բանալու գաղտնիքը	115
• Իշխանը	31	Եղվարդ Միլիտոնյան - Սև արկղի գաղտնիքը	119
Գարեգին Սրվանձտյանց - Սասունցի Դավիթը կռվում է դևերի դեմ	36	Սուրեն Մուրադյան - Քաջ արտուտիկը	123
Ամփոփի՛ր իմացած, ստուգի՛ր ինքդ բեզ	43	Վիլյամ Սարոյան - Թագավորն ու խաբեբան	126
Ա՛յ բեզ բան, ինչ կա-չկա, ինչ երևում-չի երևում՝ հա՛յ-րե՛-նի՛ք է	45	Հովհաննես Թումանյան - Քաջ Նազարը	129
Ռազմիկ Դավրյան - Թորգոմ Նահապետի և Հայկ Նահապետի գրույցը	46	Ղազարոս Աղայան - Անահիտ	132
Պարույր Սևակ - Քիչ ենք, բայց հայ ենք..	48	Ամփոփի՛ր իմացած, ստուգի՛ր ինքդ բեզ	135
Սուրեն Վարդանյան - Օջախի հիմքը ...	51	Այս զարմանահրաշ մոլորակը	137
Հովհաննես Շիրազ - Մայրս	54	Աղասի Այվազյան - Խայծը	138
Վրեժ Իսրայելյան - Չնվաճված աշխարհամաս	56	Ալեքսեյ Մորավիա - Երբ մոթերը սառչում են օդում	141
Գրիգոր Գևունց - Հայրս	60	Ջոնաթան Սվիֆթ - Գուլիվերի ճանապարհորդությունը	147
Հրաչյա Մաթևոսյան - Ա՛յ բեզ բան, ինչ կա-չկա, ինչ երևում-չի երևում՝ հա՛յ-րե՛-նի՛ք է	62	Էրիկ Ռասպե - Բարոն Մյունխհաուզենի ճանապարհորդությունը դեպի Լուսին	152
Հովհաննես Շիրազ - Հայոց լեզուն	65	Եվգենի Վելտիստով - Էլեկտրոնիկ արկածները	155
Լիպարիտ Սարգսյան - Հայոց ուսուցիչ ..	67	Վաչագան Ա. Սարգսյան - Ուտահետքեր Լուսնի վրա	158
Վասիլի Բիրյուկով - Կարինը	69	Անտուան դը Սենտ-Էքզյուպերի - Փոքրիկ Իշխանը	162
Ղուկաս Սիրունյան - Եղեգը, որը շատ էր ուզում դառնալ սրինգ	72	Վաչագան Ա. Սարգսյան - Հանելուկային մոլորակը	165
Համր Սահյան - Գետը	74	Ամփոփի՛ր իմացած, ստուգի՛ր ինքդ բեզ	169
Գևորգ Էմին - Ա՛խ, այս Մասիսը	76	Փոքրիկ բառարան	170
Աիվա Կապուտիկյան - Հայրենիք	78	Ռեղազրական բառացանկ (I-IV դասարաններ)	172
Մետաքսե - Նոր տարվա գիշեր	80	Որոշ առաջադրանքների պատասխաններ	174
Ամփոփի՛ր իմացած, ստուգի՛ր ինքդ բեզ	82		
Ես այսպե՛ս սասեմ, դու այնպե՛ս հասկացիր	83		
Ալեքսի Իսահակյան - Արջն ու օձը	84		
Սերգեյ Վարդանյան - Վեճը	86		
Աթաբեկ Խնկոյան - Ճպուռն ու մրջյունը, 89			
Եզոպոս - Առյուծն ու մուկը	92		
Հրաչյակ Սևոյան - Տակառի լողը	94		
Վարդան Այվեկցի - Այրի կինը և որդին ..	96		

Բնագրերը ենթարկվել են որոշ փոփոխությունների, համապատասխանեցվել են գրական հայերենի կանոններին, չորրորդ դասարանցիների ընկալումներին:

ԿԱՐԻՆԵ ԹՈՐՈՍՅԱՆ
ՎԱԶԱԳԱՆ Ա. ՍԱՐԳՍՅԱՆ
ՀԵՂԻՆԵ ԽԱՉԱՏՐՅԱՆ
ԿԱՐԻՆԵ ԶԻՔՈՒԽՉՅԱՆ

ՄԱՅՐԵՆԻ 4

Դասագիրք 4-րդ դասարանի համար

Խմբագիրներ՝

Շարվածքը՝

Էջադրումը՝

Ձևանմուշը՝

Հրանտ Վարդանյան
Արտաշես Թադևոսյան
Սվետլանա Այվազյանի
Միքայել Աբրահամյանի
Վաչագան Ա. Սարգսյանի

Տպագրված է «Տիգրան Մեծ»
հրատարակչության տպարանում
Տպաքանակը՝ 14000. Պատվեր՝ 821

«Մակմիլան-Արմենիա» հրատարակչություն
Երևան, Դ. Փարպեցու, 9, հեռ. 53-79-82, 53-79-63
E-mail: pmacmill@arminco.com
www.macmillanarmenia.am

ՄԱՅՐԵՆԻ 4

